

COMMENTARII  
DE REBUS  
IN  
SCIENTIA NATVRALI  
ET  
MEDICINA  
GESTIS.



TERTIAE DECAD. SVPPLEMENTVM III.

---

LIPSIAE, MDCCLXXXIIII.


APVD IOH. FRIDERICVM GLEDITSCH.

Venduntur etiam

Londini apud Fr. Elmsly, Edinburgi apud Io. Balfour, Lugd. Bat. apud  
Fratres Luchtman, Parisiis apud Barroi senior. Venetiis apud Io. Bapt.  
Pasquali, Milano apud Ios. Galeazzi, Augustae Taurinor. apud  
Laurent. Giraud, Holmiae apud Magnum Swederum.







I.

Médecine vétérinaire, par Mr. VITET, Doct. & Profess. en Médecine, Tomes III. à Lyon chez les Freres Perisse 1771. Tome I. p. 742. Tome II. pagg. 834. Tome III. pagg. 349. & l'analyse des Auteurs ajotée au Tome III. pagg. 269. sans titre & tables.

h. e.

Medicina veterinaria, auctore Cl. VITET, Vol. I-III.

**E**st compendium hoc in tres distributum Tomos, quorum primus Anatomicam et Physiologiam; secundus Pathologiam et Therapiam, tertius denique materiam medicam, eorumque, qui post VEGETII tempora artem medicam veterinariam scriptis suis illustrarunt, Auctorum breuem recensionem tradit.

In priore tomo, cuius prima pars de externa conformatione, et tegumentis; altera de ossibus; tertia de musculis; quarta de digestionis negotio, partibusque ad hoc facientibus; quinta de circuitu sanguinis, respiratione, secretione humorum, voce, partibus ad hasce actiones necessariis, aëris, sanguinis, urinae humorisque perspirabilis indole et qualitate: sexta de cerebro, medulla spinali, nervis, sensibusque externis; septima tandem de generatione, partu, lactatione, partibus ad haec negotia pertinentibus et fetu; in specie vero de regulis ab iis, qui bene formatos fetus obtinere cupiunt, observandis, agit. Prae ceteris haec notatu digniora nobis visa sunt.

Bb 2

Neces-

- p. 202. Necesse esse ad muscoli, (cuius tendines vasis sanguiferis et nervis, in boue et equo egregie conspicuis, non destituantur; nec, quum non omnibus musculis natura tendines tribuerit, partes mu-
- p. 204. sculi essentielles haberi possint; et cuius vim contractilem, aequae ac elasticam, ad antagonismum
- p. 200. requiri, satis liqueat,) structuram intelligendam; ut
201. subtilius ad iniicienda vasa nervosque fluidum, efficaciorque ad macerandas fibras substantia, nec non Leuwenhoekianis meliora microscopia prius inveniantur; nec nos recentiorum, veteribus hac in re minus praestantiorum, more, aliquid fingamus,
- p. 206. quod non vere viderimus: causam irritabilitatis, quae non nisi levis musculorum, fibris eorum nervosis aliunde irritatis, facta contractio, adeoque contractionis illorum naturalis quasi moderamen habenda, nondumque satis evicta sit; non in glutine
- p. 208. elementario, sed potius in calore musculorum naturali, nervos, eorumque fluidum longe adhuc post mortem agile tenente, poni, indeque ipsam nullo modo a sensilitate distingui, debere: sanguinem arteriosum, quum, arteria musculorum ligata aut secta, musculorum contractio non desinat ad motum muscularem neutiquam essentielle quid esse; nullumque musculus, corde excepto, in contractione pallere; incertum vero esse, utrum muscoli contracti, an relaxati, volumen augeatur: inter varias de causa ruminationis sententias illam optimam esse, qua, alimentis, in duobus prioribus ventriculis maceratis, volumine suo ipsis molestis, isti ventriculi ad illa in oesophagum repellenda incitari;
- p. 211. ea vero huc propulsa propter fasciculi muscalosi margines, inter inferius oesophagi anteriusque tertii ventriculi orificium siti, semicanalis efficientis, dimidiamque orificii oesophagi partem ambientis contractionem, in priores hos ventriculos relabi



bi non posse, sed in os redire cogi; in eoque denuo diuisa, vi eiusdem fasciculi, statim in tertium ventriculum propelli, dicantur: attenuationem mucilaginosae substantiae, quae sola nutriat, et ex mucilagine, gummate, sapone et saccharo constet, quatuor diuersos habere gradus; ipsamque hanc substantiam, (quum eius principia in tertio gradu principii corporis animalis quoad tenuitatem iam similia facta fuerint,) in eodem ad nutritionem minus idoneam esse: falso et arteriis et venis tribui. p. 358.

quatuor tunicas (musculosam, glandulosam, nervosam et villosam;) macerationem enim et digestionem duas tantum arteriarum venarumque tunicas demonstrare; et in arteriis quidem alteram ex albis, elasticis, partim circularibus, partim obliquis, (quas multa vasa sanguifera et nervi intercurrent) fibris; alteram ex transparentibus accurate sibi inuicem impositis laminis compositam; in venis autem alteram transparentem, ex laxis parumque elasticis fibris constatam; alteram, quoad internam faciem, prioriarum similem, minus tamen elasticam et contractilem, deprehendi: truncum arteriosum, cuius diameter minor sit illo ramorum eius, aut pro cylindrico, aut ita pro conico tubo habendum esse, vt coni apex cor, basis vero extremas corporis humani partes respiciat: missionem sanguinis, legibus hydraulicis id demonstrantibus, nullam esse, qua sanguis reuellatur et deriuetur: maiorem partem in aëre contentarum copiam vnica inspiratione a vasis pulmonalibus, quam septem vel octo inspirationum interuallo a cutaneis, resorberi: de neruorum cauis, fluidoque in his contento, omni iure adhuc esse dubitandum: ad generationis mysteria reuelanda vtique necesse esse, vt, quomodo in testiculis ex sanguine arteriarum spermaticarum humor ad ouum fecundandum solummodo idoneus

p. 697. praeparetur, habeamus cognitum; (humorem enim in prostata et vesiculis feminalibus contentum, istum neutiquam obtinere finem,): falsam illam esse plurimorum opinionem, qua, arterias umbilicales fetus cum vteri venis, venam vero illius umbilicalem cum huius arteriis immediatam habere communionem, afferatur, quum materia in vasa umbilicalia iniecta neutiquam in vterina vasa, sed potius ex arteriis umbilicalibus in venam umbilicalem transeat, cuius rami cum conicis illis; (in chorii externa facie conspicuis, succum nutritium, a vasis vteri sanguiferis in internam eius tunicam depositum, absorbentibus,) productionibus communionem habeant, adeoque succum nutritium ex ipsis accipiant, mediante suo trunco in corpus fetus ferant, in quo ulterius elaboratus, deferatur per arterias umbilicales in amnii cauitatem, ex qua in ventriculos et intestina fetus, (ipsum tenuiorem, corporisque animalis indoli magis analogum, reddentia,) facillime transire possit.

Tom. II. Morborum, quorum indoles et curatio in secundo Tomo exponitur, alii externam laedunt superficiem, alii sunt febriles, alii inflammatorii, alii spasmodici, alii cum debilitate coniuncti, alii denique, quos Noster vocat, euacuatorii. Laeditur autem externa superficies volumine corporis, siue per vtramque plethoram, siue per seri, puris, pinguedinis, aërisue vel generalem, vel partialem abundantiam, siue in specie per vrinae retentionem aucto; vel, (quod in marasmo tum generali, tum speciali, et prae ceteris, in mammarum exsiccatione, obuenit) imminuto variis, vel in mollibus partibus, vel in ossibus, abortis excrescentiis, ad quas etiam anchyloses referuntur; partium, v. gr. vaginae vteri, intestini recti, ossium, e sedibus suis dimotione; variis maculis, cum in oculo, teste cata-

racta;



racta; tum in toto corpore, teste ictero; tum etiam gangraenosis: inflammatione cum periculosa, velut in peste, (accuratius secundum diuersorum annorum epidemias descripta,) et variolis; tum leuiori variarum partium, vnitatisque solutione, cuius simplicioris exempla viperarum morsus, ossiumque fracturae; cum sanguinis profusione coniunctae, vulnera et hydrophobia; puris vel feri excretionem comitem habentis, vlcera, aphthae, caries, et carcinoma praebent. Febres in simplices pauciorum dierum; putridas cum simplices, tum inflammatorias, et lentas; omnes vero ex continuarum genere, diuiduntur. Ad inflammatorios morbos pertinent: vertigo, cephalalgia inflammatoria et contagiosa, peripneumonia simplex vel epidemica, tussis, membranae pituitariae narium, ventriculorum, intestinorum, hepatis, vesicae, et vteri, variis causis natae inflammationes. Ad spasmos cum continua rigiditate vniuersales tetanus, aut subito, aut a vulnere, aut a rheumatismo obortus; partiales podagricum malum, contractura, crampus, satyriasis et priapismus, et furor vterinus: ad spasmos vero cum motu inuoluntario coniunctos vniuersales epilepsia, tremores artuum et panniculi carnosii, variaeque ab oligochymia, repletionem, peregrini fluidi in tracheam transitu, nerui vulnere, veneno, et vermibus ortae conuulsiones; partiales autem palpitatio, oscitatio, ructus, vomituritio, fames bouina vel canina, morbus, quo equi vel praesepe mordent, vel in aërem eructant, morbus marinus, et respiratio, sine febre, impedita, referuntur. Morborum cum debilitate coniunctorum alii in visum, olfactum, odoratum, gustum et appetitum cadunt; alii integumentorum sensilitatem, velut lepra porcorum, imminuunt; alii generationi aduersantur; alii paralytici, alii apoplectici habentur. Euacua-

torii morbi ii dicuntur, in quibus retinendi humores, velut saliva, perduntur; excernenda, vt humor perspirabilis, feces, vrina, saliva, lac, calculi intestinales, ipse fetus, vt et secundinae, aut aliud in vtero, vel in trachea, haerens corpusculum, retinentur; alii, licet excrementitii, humores, velut lacrymae, vrina, feces, et semen, nimia copia peruerseque excernuntur; sanguis funditur, vel pus, aut puri simile quid potissimum copiose per nares effluit, et in phthisi inprimis multum periculi affert.

Quae morborum descriptio, secundum Cl. SAUVAGESII systema quam maxime ordinata, ita recte principiis medicinae rationalis respondet, vt causis occasionalibus et praedisponentibus cuiuscunque morbi ratio medendi accurate accommodata sit. Quae omnia fusius recensere, exemplisque illustrare quum impossibile sit, ea tantum, quae Cl. Auctor de peste refert, annotasse licebit.

- P. 249. Huius autem morbi, omnium acutorum inflammatoriorum grauissimi, quamcunque speciem  
P. 250. ab altera differre; signa cum externa, tum ea, quae non nisi dissectione cadauerum pateant, aliis etiam inflammatoriis morbis competere, indolemque adeo, remediumque ipsi huic morbo specificè quasi contrarium, difficulter, vel plane nunquam, cognoscisci posse contendit. Suadet igitur, vt tempore contagionis instante, iubente ita magistratu, omnia animalia a medico iurato examinentur; infecta statim in stabula remotiora, in cacumine montium, vel ad ripas, sita, praetereaue profundis fossis, acutisque stipitibus munita, transferantur; vt in hisce stabulis ea, quae eodem tempore infecta fuerint, eodem etiam die, statimque tum, cum infectionis signa in iis appareant, dissecentur; (quo cognosci possit vera morbi sedes, quaenamque corporis pars primo fuerit loco laesa; quo visceribus diuersorum horum



horum animalium inter se comparatis, diuersae eorundem affectiones internae detegi, indeque quaedam probabili ratione colligi possit, quemnam in his interfectis animalibus morbus progressum, remedia adhibita effectum, habere potuerint: ) vt in iisdem stabulis cum ea, quae vel morbi analogia, vel acrimoniae qualitas, vel etiam subiectorum conditiones indicare videantur; tum ea, quae indicationibus optime respondisse visa sunt, remedia, attente repetitisque vicibus tententur, diuersaeque cum toti morbo, tum inprimis tumoribus pestilentialibus medendi methodi accurate examinentur; vt denique (quum veram morbi causam sensibus acquirere vix possimus) ad diuersas illas vel aëris, vel aquae, vel alimentorum, mutationes, motusque vitia, velut certa morbi principia, omni cura et diligentia attendatur.

Quibus praemissis quatuor diuersas de causa et cura pestis sententias examinat, ostenditque, sententiam illam, qua materia quaedam singularis inflammatoria, solida destruendo, fluidaque coagulando, pestem gignere dicatur, ideo, quod materia haec definiri nequeat, e probatione valde indigere; acida, quae a nonnullis fictam alcalinam acrimoniam compescere dicuntur, pariter ac salia media, neutiquam acrimoniam corrigere, sed tantum per breue tempus fluidum nerueum excitare; alcalina et aromatica, v. gr. theriaca (monstra quasi phamaceutica) spiritum vini (ab initio vsque ad finem morbi vsurpari solitum), camphoram, et acetum vini theriacale; (inter quae camphora cum nitri duplo mixta, inflammationi vltiori resistendi, coctionemque materiae morbosae adiuuandi; cortex Peruuianus, (in putredine auertenda non tam egregius, vti dicunt,) vim humoris contagiosi infringendi, inprimisque epidemicas diarrhoeas sistendi; radix

gentianae cum extracto iuniperi et aequali parte nitri mixta, organa digestionis et circulationis egregie roborandi, specificaeque putredinem sistendi; acetum vini (per se semper equis noxium) correctum vero aut radice gentianae, aut salviae, vel rutae, vel absynthii herbis, in eodem solutis, vires solidorum, licet in nuperrimis Galliae epidemiis adhibitum nocuerit, excitandi, antisepticeque agendi facultatem habere dicuntur) acidae, quam nonnulli statuunt, pestis acrimoniae opposita. exiguum vel plane nullam in hoc morbo ferre utilitatem; probabillimam eorum esse opinionem, qui pestilenciales morbos aut putridos, aut inflammatorios esse sentiunt, priorique speciei purgantia, p. 257. (quorum usu tamen semper symptomata vehementiora redduntur,) et quae, (quum rarissime crisis morbi per primas vias eueniat,) vel prorsus non, vel leniora tantum, quale infusum foliorum sennae cum cremore tartari vel nitro mixtum (quod per anum iniici, magis proficuum;) adhibenda sint, p. 265. et antiseptica: posteriori missionem sanguinis, rarissime utilem, et temperantia, propter virium naturae vehementiorum moderamen laudabilia, p. 260. diureticis et sialagogis, semper nociuis, diaphoreticisque, non nisi in fine morbi salutaribus, semper meliora, opponunt; inter omnia tandem in peste p. 264. adhiberi solita remedia setacea, cum radice ellebori facta, vesicatoriis praestantiora, citiusque agentia; morbo vehementius agente semper in vicinia partis affectae, duoque loco vnus applicanda, summam p. 260. mereri laudem; prae ceteris autem impuritatem humorum, ab immediata veneni pestiferi actione pendentem, solaque vi naturae, aut specifico, corrigendam, ab illa, quam solidorum debilitas produxerit, probe distinguendam esse.

Tunc



Tunc in methodos tumores pestilenciales tra- p. 266.  
 Standi inquit, reprehenditque eos, qui primum p. 267.  
 ventosas, gangraenam accelerantes; tunc scarificatione facta, vnguentum styracis vel basiliconis (suppurationem impediens) tumori applicant, et fuliginis splendentis vnciam dimidiam, in vitro acetii vini theriacalis, (remedium inflammationem adaugens) in os animalis ingerunt; tum et eos, qui tumore cultri tonsorii ope aperto, eius margines scarificant, eique postea cataplasma ex aceto vini, sale ammoniaco, absynthio et ruta paratum imponunt. hacque ratione inflammationem augent, purique pessimo occasionem praebent; deinde eos, qui tumorem vix natum ferro candente et caustico delent, quo facto et materia contagiosa et causticum sanguini sese immiscere, indeque pessimi effectus, ipsaque gangraena et mors enasci soleant; nec p. 268.  
 minus eos, qui tumorem prius emolliendo, non nisi fluctuatione percepta, aperiunt; laudat e contra eos, qui tumorem statim, tum, cum ad iustum peruenerit incrementum (quando hoc factum sit, addiscat Medicus, tractandum tumorem cum iis, quibus animalia perierunt, comparando) totum exstirpant, vulneri cataplasma ex cantharidibus vel ellebori radice factum imponunt, et suppuratione absoluta, vlcus vnguenti aegyptiaci auxilio depurare student. Cura pestis cum in ea praecauenda, tum in eius praesentis progressu impediendo ponitur. Praecauetur autem, si stabula satis alta et ampla, p. 269.  
 solo lapideo instructa, et, ne fluida intus stagnent, declinata, pauca tantum excipiant animalia; si ex aduerso portae eorundem stabulorum, (quae semper, etiam frigidissimo hieme, aperiantur; et quocunque mense bis, contagio autem praesente pluribus vicibus per diem, aut saltem omni duorum dierum interuallo, mixtura ex partibus aequalibus

libus spiritus vini et aceti vini, (in vitro forti, ab iis tamen non integre replendo, claudendis) in cellis subterraneis per tres vel quatuor menses custodienda, tuncque primum adhibenda, etiam mane tempore contagionis ieiunis animalibus ad bibendum, duarum vel trium vnciarum quantitate, propinanda, (cui deficienti exigua sulphuris aut aetheris vitriolici quantitas substitui possit) suffiantur; a quibus etiam fimus illiusque receptacula remoueantur; conica camini tuba, igne interdum calefacienda, applicetur; si animalia nec ad pascua, morbosis plantis infecta et paludosa, nec, (praeprimis boues) nisi rore dissipato; (inprimis Iulio et Augusto mense) nec ad alia, nisi montium, et quae vel tenellis, vel aromaticis plantis gaudent, semperque prius, quam foenum colligatur, mittantur; si animalibus cum aqua pura, tum, hac deficiente, destillata, bonoque aceto vini et sale marino, aut mixtura illa ex spiritu vini et aceto vini parata, (cuius vnciae quatuor vnciis sex aquae addantur,) correctae; aestate et autumno parcissima quantitate, et quidem ouibus semel, bouibus et equis ter per diem, porrigatur; si animalia calori non exponantur, calidaque tempestate in sylvas, et ad veruacta, mittantur; si, austro per plures calidae aestatis dies flante, stabula frequentius fumigentur, equo et boui nonnulla vitra vini, plantarumque aromaticarum cum aceto vini paratum infusum, propinetur; si tandem aëre sicco et calido, animalia in stabulis e regione Septentrionis apertis retineantur, contagioque in vicinis terris grassante, fetacea pectori applicentur, os vino absynthii vel chamomillae diluatur; et bolus ex nitro, camphora et melle factus ingeratur, nec animalia hyeme, bouibus tamen periculosiori, licet terra niue tecta sit, a pascuis remoueantur.



Progreſſus morbi facile arcetur ſana animalia p. 275.  
 ab aegrotis ſeparando; ad ſana non niſi mutatis ve-  
 ſtibulis, corporeque aceti vini, cum abſynthio mixti,  
 ope depurato, accedendo; foenum a ſtabulis aegro-  
 torum remouendo; ſana animalia in ſtabulis, aëre  
 puriori gaudentibus, et fumigatis, retinendo; nec  
 ad pabula communia, nec niſi lota et pexa, mitten-  
 do; iis omni mane infuſum vinoſum abſynthii vel  
 ſaluiae propinando; ſetacea pectori applicando;  
 mortua denique animalia non comburendo, nec  
 calce viua conſumendo, nec in vicinia ſtabulorum  
 et paſcuorum diſſecando, ſed in profundis, terra  
 argillacea, et maſſa ex calce et ſilicibus facta, tectis,  
 foffis, ſepeliendo.

Generalioribus his de peſte dictis ſubiungit tre-  
 decim diuerſarum epidemiarum hiftoriam, earum-  
 que ſymptomatis, ac iis, quae in mortuorum cada-  
 veribus reperta ſunt, indicatis, methodum ipsis me-  
 dendi adhibitam examinat et diiudicat. In quarum  
 prima, anno huius ſaeculi vndecimo, (cuius hyemsp. 279.  
 frigidiffimus, ver pluuiouſum, quotidianisque caloris  
 et frigoris viciffitudinibus varium; aeſtas calidiſſi-  
 ma, inſignique ſerpentum et reptilium copia, men-  
 ſe Iunio et Iulio, animalibus funeſta fuit) bouesp. 278  
 Hungariae inferioris infeſtante, ibique puſtulis cu-  
 taneis albis foetidis, humore cadaueroſo ex ore ef-  
 fluente, reſpiratione impedita, mugitu ſenſim for-  
 tiori et continuo, ſono, tunicarum inteſtinalium  
 nimis diſtendarum quaſi diſrumpentium, in mori-  
 bundis percepto; tumoribus, nucis iuglandis ma-  
 gnitudine, pilorum plenis, tunicaque membranacea  
 ita denſa, vt vix diſcindi potuerit, incluſis, poſt  
 mortem in ventriculis repertis; canibus carnem  
 infeſtorum vorando rabidis factis; ipsisque ab his  
 morſis hominibus phrenitide et hydrophobia affe-  
 ctis, canumque latratum imitantibus; manifeſta:  
 (inde

inde ad Germaniam et Italiam translata, et per  
 saluam caustici instar fauces, ventriculos, et inte-  
 stina afficientem, hasce partes, vt et omentum, lin-  
 guamque vesiculis rubris plenam, inflammantem,  
 neruisque inprimis infestam, se communicante, se-  
 que appetitu prostrato, excrementisque purulentis,  
 foetidis, sanguinolentis, manifestante;) a variolis,  
 quum sese multo celerius finiuerit, pustulaeque,  
 saepe primo iam morbi die, materia albida et foeti-  
 da repletae fuerint, admodum diuersa. Quatenus  
 adhibita fuerint remedia, nemo Auctorum tradi-  
 dit; adhibenda fuisse putat setacea copiosa pecto-  
 ri, humeris et femoribus applicata, acida vegetabi-  
 lia, bolos ex camphora et nitro, aquam nitrosam,  
 clysmata ex aqua, aceto vini et melle, suffimigia su-  
 pra laudata, primis diebus: tertio et quarto autem  
 praeter dicta clysmata et suffitus, quocunque mane  
 et vespere, duas libras vini absynthii.

In secunda, anno huius seculi duodecimo, primum  
 equis, tunc bouibus, aliisque animalibus Augsbur-  
 gensis territorii, (paucissimis ipsius vrbis) tumori-  
 bus duris, late se expandentibus, statimque lethife-  
 ris, in ano, pectore, aliisque partibus enatis, quo-  
 rum causa, crabronum singulari crassitie, valde nu-  
 merosorum, et in bouum praecedenti anno corre-  
 ptorum cadaueribus obortorum, punctura esse  
 dicebatur, molesta: acidula, velut cremor tartari  
 cum absynthii, vel acetum vini cum rutae infuso  
 mixtum, equis in specie clysmata et potiones ni-  
 trosas camphoratas, atque laudata suffimigia cum  
 camphora facta, ad virus corrigendum; citissimam  
 tumorum exstirpationem, vulnere inde nato cata-  
 plasma ex foliis rutae applicatum, lotiones totius  
 corporis cum infuso absynthii vinoso, et setacea,  
 ad funestos tumorum effectus praecauendos; pro-  
 futura fuisse, iudicat.



In tertia, anno huius seculi decimo tertio inter Italiae, Romanique territorii boues, (quorum nonnulli, vt subito perterriti, mugientes aufugerunt; alii, velut fulmine tacti, ceciderunt, plurimi tristes, languidi, illacrymantes, per nares et os mucum et saliuam eiecerunt; primum multum biberunt; tunc omnia respuerunt, vomituritionibus, foetidis sanguinolentis diarrhoeis, horripilationibus, febre, spiritu foetido, et tussi, vitam finiente, affecti fuerunt; paucissimi, iique tantum, quibus pili de- p. 282. ceciderunt, cutis aspera facta, et quorum morbus ultra septimanam primam protractus, immunes manserunt) saeuiente; iunioribus, obesis, fugentibus, (vti et quarto, quinto, sexto. et decimo loco descriptae epidemiae) magis, quam senioribus, marcidis, lactantibusque, quarum mammae vlceribus afficiebantur, funesta; dissectione cadauerum, nil certi demonstrante, minime illustranda, nil nisi p. 283. infectorum interfectionem, a LANCISIO iussam, aliquid iuuisse, tradit.

In quarta, anno huius seculi trigesimo, inter boues, quorum, tristitia et tremore affectorum, appetitus prostratus, excretio alui primis duobus diebus regularis, tertio autem die in diarrhoeam vehementissimam excretis aquae, qua caro abluitur, simillimis) imo in plurimis in dysenteriam, cum foetore, (illo dysenteriae, boues Viuarienses aliquot annis post corripientis, longe grauiori) coniunctam, semper lethifera- p. 284. ras, mutata; duo priores ventriculi exsiccatis alimentis repleti, eorum, vti et intestinorum, tunicae interiores inflammatae, maculisque gangraenosis insignes, repertae fuerunt; grassante, lac consumente, abortum gignente, et animalia haec tertio quartoue die enecante; vlcera in ore enata semper bonum prae- p. 285. buisse signum, indeque etiam multum opis tulisse salagogum ex sulphure, allio, sale, salviae herba, et

et iuniperi baccis paratum, et ori, aut spongiae, aut sacculi per filum sustinendi, neutiquam manus ope infriatum; sero lactis cum plantis emollientibus cocto, camphoraque in spiritu vini soluta, in forma potionum et clysmatum, insuper adhibitis; praestantioris autem usus fuisse setacea corticemque Peruvianum, pondere vnciarum duarum vel trium, in decem vel duodecim libris infusi plantarum aromaticarum solutum, et in potionibus vel clysmatis propinatum, arte tamen pauciora animalia, plura sola vi naturae conualuisse, ostendit.

p. 286. In quinta, anno huius seculi trigesimo primo, in vrbis Gannae, Generalitati Molinensi subiectae, parochiis, (nulla cognita communicatione praegressa) vno eodemque tempore primum boues, tunc equos aggrediente, solisque vesicis ad latera et basin linguae, primum albo, tum rubro, tandem nigerrimo colore, mox in vlcus cancrum, linguam corrodens, transeuntibus, conspicuis, manifesta; et vix vigesima quarta morbi hora audita, mortem inferente; indeque periculosissima; linguam quotidie bis vel ter disquirendo, vesicas perceptas argentei instrumenti ope premendo, earum cute eleuata, ipsas ad copiosum vsque sanguinis fluxum scarificando, vulnus fortissimo aceto vini, in quo sal, piper, allium, fortesque herbae solutae fuerint, lauando, vitriolo coeruleo fricando, subtilissimoque sale obtegendo, istamque cum scarificationem, tum vulneris tractationem, etiam in vlceribus iam formatis curandis adhibitam, quotidie bis vel ter repetendo; tantam fuisse paratam utilitatem, vt animalia quarto vel quinto die iam iterum sana facta fuerint, tradit: censet tamen vesicae vel vlceris radicalem extirpationem, vulneris, mediante sale marino et aceto vini, in quo tabaci et rutae folia soluta fuerint, elotionem, praestantior.

In



In sexta anno huius seculi quadragésimo bouibus infesta, in quibus tristitia et languor, frequentiores et irregulares horrores, motus spinæ conuulsius, respiratio difficilis, copiosa tenacis salivæ per os et nares excretio, consumptio lactis, tussis frequens, aures et cornua frigida, oculi inflammati et illacrymantes, excretiones alui primis diebus parum sanguinolentæ, tum copiosiores, liquidiores, et interdum nonnisi cum tenesmo factæ, imprimis cutis, musculos in renum regione tegens, desquamationi obnoxia, a musculisque facile separanda; summa morbi præbuere signa: quorum P. 288. primus ventriculus, licet animalia octo ante diebus nil deuorauerint, multis tamen adhuc, tertius induratis, globulisque, quos *Lohkuchen* Germani vocant, simillimis alimentis plenus, quartus purpureo violaceis maculis, et pure, insignis; huius interior tunica facile ab reliquis separanda, intestina gangraenosa, uti et pulmo, in quo hydatides; hepar nigris maculis scatens, cerebrum inflammatum, vesicula fellea bile fluidiori, obscureque viridi, plena, papillæ liuidis et purpureis maculis deturpatae, post mortem reperiiebantur; funesta, cutis dorsalis desquamationem, pustulas in papilla, P. 289. collo, prope setacea et in lingua, copiose obortas, et aceto vini cum sale communi mixto abluendas; pilos firmiores factos, lactis secretionem, excrementa magis consistentia, felicitis fuisse exitus signa: unicam venæsectionem, potionem ex aqua simplici, P. 288. setacea, vnguentumque ex Meloë maiali vel cantharidibus illitum, masticatoria ex sale, pipere longo, melle, et allio parata, nariumque et auris posterioris, ope aceti vini aromatici factam frictionem, pariter ac suffimigia ex plantis aromaticis, fuisse adhibita; loco nutrimenti vero, uti in quacunque epidemia obseruari debeât, herbas recentes, farinam fecalis, furfuresque.

- p. 289. In septima annis huius seculi quadragesimo quarto, quinto et sexto, inter Hollandiae boues grassante, haec notauit: bouum totum corpus intremuit, pili horridi, cornua et aures frigidae, ex oculis inflammatis lacrymae, ex naribus, interdum etiam naturali angustioribus, pus, et ex ore copiosa, linguam saepius siccam interdum obducens, et ante mortem, quarto vel sexto morbi die contingentem, sanguinolenta ac putrida saliuam effluerunt, gingivae inflammatae, et varicibus, aphthis, liuidisque pustulis plenae; in ano, pectore, medioque colli bubones cum inflammatione; crura, potissimum posteriora, immobilia, corpus non sustinentia, et sensillima; pulsus fortis et frequens; respiratio secundo vel tertio morbi die difficilis, excrementa primum dura et nigra, tum liquida et putrida, lac breui ante mortem male olens,
- p. 291. acre, et ex albo luteum: contextus cellularis, mesenterium, ventriculi, pulmo, pectoris, cerebrique membrana, gangraenosa, intestina tenuia, aëre distenta, crassa, flaccida et collapsa; lien et hepar nigro colore et foetidum, muscoli tandem ex fusco nigri, reperiiebantur: venam iugularem non primo solum, sed et (quod tamen minus recte) secundo die sectam; animali obstructo, vel duras et nigras feces excernenti, dimidiam olei lini libram vno haustu exhibitam, et clyisma ex duabus eiusdem olei libris, salisque marini in aceto vini soluti vna vncia, paratum (cui, quum oleum, acetumque vini se aegerime commisceant, Noster aliud ex radicis althaeae decocto, addito cremore tartari, vel partibus aequalibus aceti vini et aquae salis communis, factum praefert,) applicatum; pulueris ex libra vna cremoris tartari, libra vna nitri depurati, vnciisque duabus camphorae, facti, vnciam dimidiam omni trihorio in aqua vel sero lactis; si vehementior autem fuerit calor, febris, difficultas respirandi, et



agrypnia, vna hora cum dimidia post pulueris  
vsum praelapfa, potionis ex sex libris aceti vini, to-  
tidemque mellis, dimidia nitri depurati, et vncia di-  
midia acidi vitriolici, per quartam horae partem  
subiectis, paratae (ad tunicas ventriculorum, quum  
ex acidi vitriolici et nitri mixtione acidum nitro-  
sum, pariter, ac reliqua acida mineralia bouibus,  
ouibus, et inprimis equis, noxium, oriatur, irritan-  
das magis, quam ad acre temperandum, et febrim  
compescendam, idonea;) duo cochlearia fuisse  
propinata: suffecisse autem acetum vini cum melle  
mixtum ad linguam et gingiuas abluendas; inter-  
ne medicamentum ex aceti vini et spiritus vini par-  
tibus aequalibus cum nitro mixtis paratum; et ad  
ventris fluxus sistendos furfures et farinam in per-  
magna feri lactis quantitate solutam.

Octaua, anno huius seculi quadragesimo quinto p. 293.  
inter Viuarienses boues saeuens, manifesta erat appe-  
titu prostrato, ruminationis defectu, puris sanguino-  
lenti, vel lacrymarum purulentarum, per nares et os  
copioso effluxu, copiosa fecum antea duriorum et ni-  
grarum, tum liquidiorum, obscure viridium, foetida p. 294  
rum, et quinto vel sexto die sanguinolentarum,  
crassaque bullulas aëreas formante oleosa crusta  
obtectarum, excretionem, altero vel tertio die ap-  
parente, plurimosque eodem die interficiente,  
symptomatis semper prima septimana mortem in-  
ferentibus; cutis oris pilorumque dorsi, sese suc-  
cessiue attollentium, desquamatione, puris ad pe-  
ctus vel crura facta metastasi, et (quoad boues in-  
ferioris Viuariae,) totius spinae dorsi extrema sen-  
silitate, exiguoque emphysemate vel ad lumbos,  
non longe a vertebra, vel rarius ad femora partes-  
que genitales enato; symptomatis, praeter capitis  
erectionem, appetitum redeuntem, parum potus  
desiderium, morbi que ad alteram septimanam vs-

- que protractionem, felicem morbi exitum praeficientibus; praeterea horrore totius corporis et crurum, respiratione praesertim tertio die impedita, corde in vno temporis minuto nonaginta, vel quadraginta et quinque vicibus pulsante, quum in sano statu tantum triginta et octo, vel tringinta et sex vicibus pulsauerit.
- p. 293.** Mortuorum primus ventriculus multa materia sicca liuida, et foetida; tertius adhuc magis sicca, magisque nigra, repleti; huius ventriculi villosa tunica absque vllis gangraenosis maculis liuida; illa autem quarti rosea, leniter inflammata; illa coeci et coli gangraenosis maculis obsita: per totum intestinorum tractum liquida ex nigro viridescencia; vesicula fellea naturali duplo vel triplo crassior, bilis cystica magis fusca, pulmo quam maxime affectus, et ita aëre (cui inter lobulos contento coeruleus retis illius vasorum crassi super pulmones expansi, a SAUVAGESIO reperti, color forsan tribendus sit) turgidus, vt totam pectoris cauitatem in mortuis occupauerit, reperiiebantur: medici Monspelienses, (in consilium ducti, methodumque Alesianorum sana ab aegrotis separantium, omni modo puritati prospicientium, aegrotis venam iugularem secantium, iis tunc aloës extractum, vel bryoniae radicem cum succo prunorum ad euacuandas primas vias, et sequenti die praeter calidissimum regimen, theriacae vnciam vnam, aliaque aromatica, ad diaphoresin excitandam, propinantium, tandemque setacea applicantium, sequuti:) iusserunt, vt aegrotis primo die theriacae vncia vna in vini rubri libra vna soluta exhibeatur; altero die vena secetur; tertio, purgante cum carminatiuo commixto dato, excrementisque alui depositionem molientium effossis, clysma ex decocto maluae seu furfurum paratum applicetur; in diarrhoea theriacae recentis vel diascordii vncia vna in decocto baccarum iuniperi



peri soluta, (medicamentum omni biduo repetendum, cui eodem, quo non adhibetur, die, aliud ex p. 297. testis ostraceis substitui debet,) porrigatur; ptyalismus baculo ori immisso promoueat; coryza puluere tabaci vel ellebori albi excitetur; vermes in oculis conspicui sale aspergantur; emphysematis incisus oleum aliquantum calidum infundatur; et ad respirationem faciliorem reddendam aqua fureum, in qua florum sulphuris vncia vna soluta, et cui aceti vini, cum aquae allii et salviae quinque vel sex libris mixta, portio addita fuerit, propinetur.

Nonae, anno huius seculi sexagesimo bouibus, et inprimis equis, Helvetiae paludosae fatalis, et animalia saepe quarto die interficientis, symptomata prima erant subita virium prostratio, summa tristitia, tremores, respiratio frequens et difficilis, cutis arida et sicca. In progressu morbi observanda, tussis frequens, foetidissimae ex ore exhalationes, conuulsiones lumborum, pulsus fortis, siccitas linguae et palati nigricantis, fitis vehemens, appetitus prostratus, defectus ruminationis, excretio foecum, primum durarum et nigrarum, tum liquidiorum et sanguinolentarum, vrina rubra, et cum difficultate, parcaeque quantitate excreta; et inprimis aut tumores inflammatorii, ad pectus, abdomen, vertebrae colli, mammas, vel partes genitales enati, aut pustulae per totam cutim, illis scabiei et furunculorum similes; funestissima, re-p. 298. tentio vrinae, diarrhoea vel dysenteria, tumor ventris, tremores conuulsui, lipothymiae, et mugitus; indicantia prosperum (die septimo certo expectandum, licet animalia primum die decimo quarto conualuerint) morbi exitum, vrina turbida, album deponens sedimentum, excretio alui copiosior, liquidior, nec male olens, fitis extincta, appetitus

titus rediens, ruminatio restituta, oedema crurum, elapsus pilorum, cutis humida et laxa, pustulae albissimo pure plenae, fuerunt. In cadaueribus hac epidemia correptorum reperiiebantur tumores nigri, sefero, cum acido efferuescente, et liuido, pleni; musculi liuidi coloris, facileque dissoluendi; pulmones (praesertim eorum, quae quarto die mortua sunt,) exsiccati, tuberculis et abscessibus paruis obfiti; maculae rubrae, mucusque tenax in ventriculis et intestinis. Cl. REGNIERIVS ad inflammationem et gangraenam tollendam et praecauendam, suffimigiis et fetaceis non neglectis, aqua simplici, sero lactis, succo lactucae, et sedi minoris, decocto hordei, furfurum, seminum cucumeris et cucurbitae; malo autem vrgente, nitro, aceto vini, cum sufficiente mellis quantitate, et decocto maluae vel parietariae, mixto, in potionum et clysmatum forma: in dysenteria vel diarrhoea, minori aceti vini dosi, sed potius vnciiis duabus pulueris corticis Peruuiani, vel quatuor corticis fraxini, in sero lactis solutis, (quorum corticum puluerem, cum acidis et camphora mixtum et in potionibus solutum, ipso simplici decocto praestantiores esse iudicat) p. 300. vsus est: tumores inflammatorios autem, ne gangraenosi fierent, cultro tonsorio aperuit, ipsorum margines scarificauit, ipsis cataplasma ex absynthio, saluia, ruta, et sale ammoniaco, cum vino paratum applicuit, vlcusque vnguento aegyptiaco depuravit: cui methodo tamen Noster laudatam exstirpationem praefert.

Decima, anno huius seculi sexagesimo primo boues, oues et equos simul infestans, seque in plurimis per gangraenam faucium, in aliis per dysenteriam, in aliis per alui obstructionem, et tympaniten, in aliis per apoplexiam funeste finiens, solidorum nutrimentorum auersatione, potus magno deside-



desiderio, difficili respiratione lactis defectu, oculis tristibus et turbidis, lingua nigra et sicca, salivae mucique plus minusque foetidi continuo ex naribus et ore effluxu, vlcere a naribus ad fauces usque continuo, abscessibus in cerebro, pulmone, p. 301. hepate, ventriculis, mesenterio, deprehensis, multisque vermibus in vlceribus narium et oris detectis, se declaravit. Quos vermiculos, austro per vernale pluuiosum tempus in Germania flante, morbo occasionem praebuisse putavit Ill. PLENCIZ, ideoque etiam, (collegis suis licet contradicenti-p. 302. bus, et, vt os naresque infuso absynthii lauentur, propinenturque, praeter suffitus ex cinnabari, quocunque die bis potiones et clysmata ex fuligine et ferro lactis suadentibus;) bolum ex quadraginta et octo p. 301. granis mercurii dulcis, dimidiaque drachma camphorae, ope vini, confectum, quocunque die bis, symptomatis remittentibus, tantum semel, et aquam simplicem, in qua mercurius dulcis, (mercurio sublimato corrosiuo, in spiritu frumenti soluto, etiam adhibito, praestantior) ebulliuerit; ad aluum vero aperiendam solum prunorum decoctum in p. 302. potionis et clysmatis forma exhibuit.

Vndecima, qua anno huius seculi sexagesimo secundo multi boum in Daniae regno periere, stipata erat symptomatis sequentibus: horrore nimirum vniuersali, calore, praesertim nuchae, tussi, oculis humidis et languidis, solidi alimenti auersatione, potus, (partibus licet inflammatis, tamen deglutiti) desiderio, puris foetidi per nares et os effluxu, obstructione, vel interdum excretionem alui liquidiori, duarum postre- p. 303. marum caudae articulationum breui ante mortem, (sexto vel septimo die insequentem) facta emollitione, pure foetido sub harum cute latente, indeque antrorsum ad cornua usque, pariter ac aures et nares, frigida, proserpente. In hac sanguis

e vena, nunquam sine noxa secta, missus, rubellus, crustaque densa obductus, venae sanguine nigro plenae, cerebrum prorsus dissolutum, ventriculi et intestina vermibus vivis, maculis nigris, et alimentis siccis, repleta; in hepate et splene tumores perduri, vesicula fellea admodum magna, bilemque urinae simillimam continens, deprehendebantur, nonnullaque cadauera nullum morbi et mortis signum praebant. Societas regia agriculturae Parisiensis, in consilium vocata, curationem eiusdem non patefecit, quae ita forte, Nostro censente, facienda fuisset, ut partim aqua simplex nitrosa, camphora cum nitro et melle, mel in aqua multa solutum, p. 304. cum aceto vini mixtum, serum lactis, lactucae succus, vel decoctum hordei in potionibus et clysmatis, ad inflammationem sistendam; partim potio, ex fuliginis vncia una et libra dimidia infusi absynthii parata, quocunque die bis, setacea, caudaeque, fortis infusi absynthii vel rutae, aceto vini et sale ammoniaco saturati, ope factae lotiones, ad enecandos vermes, gangraenamque auertendam; partim etiam infusum vinosum absynthii vel rutae, ad vires naturae, quinto vel sexto die virus expellere molientes, augendas, exhiberetur.

In animalibus, duodecima epidemia, quae frequentius in Bressia et Delphinatu saevierit, et in fine anni huius seculi sexagesimi secundi magnam fecerit bouum, parcissimam equorum, stragem, affectis, pulsum non adeo frequentem, caput et aures pendulas, pilos splendore suo destitutos, oculos illacrymantes, humoris spumosi ex ore et naribus effluxum, regionis mandibularum et colli dolorosam inflationem, alimenti et potus nauseam, alui obstructionem: tumores inflammatorios carbonibus similes, (prosperum morbi exitum denotantes;) secundo vel tertio die, convulsiones lumborum, summam-



summamque debilitatem (signa proximae mortis;) fauces, laryngem, tracheam, et oesophagum, coloris liuidi, et inflammatum; ventriculum primum alimentis plenum, splenem tumentem, omentum affectum, pulmonemque obstructum, animaduuerterunt obseruatores: in curanda vero hac epidemia Cl. BOURGELATIUS, sanis (ab aegrotis separatis, soli non expositis, ad pabula, rore tantum absente, missis, suffitisque mixtura ex bacis iuniperi et lauri in aceto vini maceratis, parata, et igni ad euaporandum subiecta,) venam iugularem secando, quae venae sectio in sola hac epidemia profuerit, locoque potus ordinarii aquam, cum aceto vini mixtam, propinando; infectis vero semel tantum venam incidendo, decoctum furfurum, cum nitri et aceti vini maiori minoriue quantitate mixtum, et in clysmatis, quocunque die bis adhibiti, forma decoctum maluae et parietariae, in quo p. 306: nitri vncia vna soluta fuerit, exhibendo; per os et nares vero decoctum plantaginis, rubi, et agrimoniae, vel vaporem infusi plantarum aromaticarum cum pauxillo aceti vini mixti (quibus citius tamen agant alcalina volatilia) iniiciendo; tumorum supurationem cataplasmatibus emollientibus adiuvando, ipsos fluctuatione percepta, aut scalpelli, aut globuli ignei ope, aperiendo, tuncque, ut vlcera, tractando (quam methodum Noster, uti iam diximus, reprehendit) magnam sibi comparauit laudem.

In decima tertia epidemia, quae multa anima- p. 307.  
lia in regione Brouagii, Generalitati Rupellensi subiecta, interfecerit, et qua affecta animalia tristitia, capite et auribus pendulis, frigidisque, pilis horridis, ventre tenso et pleno, ingressa fuerint, alimenta respuerint, non ruminauerint, clarissimam urinam frequentiori nisu, tenuemque mucum per os  
et

- et nares, excreuerint, aluo obstructa laborauerint, interdum tranquilla, interdum suffocata, vel gementia, vel tussientia, vel extremitates et caput convulsione leni erigentia, interdum subito, non antea morbose affecta, iugum trahentia, mortua sint; et quae dissectione cadauerum, plurimorum boum et ouium ventriculos (inprimis primum) herbis plus minusque duris plenos, et intestina inflammata, demonstrante, illustrari non potuerit; horrores et tremores corporis semper funestos fuisse; tumores in cutis superficie obortos, modo fixos, modo vagos, (propter tunicarum et contextus cellulosi
- p. 308. eorum similitudinem, facilem in gangraenam procliuitatem, humorisque saniosi ante ipsorum suppurationem et gangraenam effluxum, cum carbonibus comparandos) euanescentes, insensiles, flaccidosque, serum emittentes, et in regione pectoris equorum, narium, oris et ani boum, obortos, mortis proximae signa: copiosos autem, sensiles, egregie suppurantes, et in regione pectoris boum conspicuos, spem sanitatis recuperandae praebuisse: Cl. NICOLAVM, (causam pestis in paludum foetidis exhalationibus, aestate copiosis, ponentem) Cel.
- p. 309. BOURGELATII consilio, variis, et sulphureis suffitibus, sanorum ab aegrotis separatione, profunda cadauerum sepultura, corruptorum alimentorum remotione, aëris; aceto vini, vel aqua riparum, aquarum impuritates corrigere tentasse; et aceti vini, in quo baccae iuniperi solutae fuerint, (medicamenti certo equis noxii,) mensuram vnam quotidie ad potandum exhibuisse; tradit: iudicatque, huius morbi epidemici curam partim vim vitalem excitando, partim sanguinem inflammatorium (cuius praesentiam crusta densissima, et ex luteo alba, in sanguine ex vena misso conspicua, satis declarauerit,) corrigendo, absoluendam fuisse; prioremque in finem fortassis Cl. BOURGELATIVM (qui
- ap-



apparentes sudores calido regimine, frictionibus, vnciae vnius theriacae vsu, adiuuit, tumorum cri- p. 310.  
ticorum suppurationem vesicatoriis promouit, ipsos, percepta fluctuatione, ignis ope aperuit, vl-  
cusque aequalibus vnguenti Aegyptiaci et suppu-  
ratorii partibus tractauit, quocunque die bis drach-  
mis duabus salis communis, in libra vna aquae, di-  
midiaque spiritus vini solutis, lauit, tandemque so-  
lo digestiuo consueto depurauit, et in fine curatio-  
nis purgantia et alumen adhibuit;) medicamen-  
tum ex pulueris grossissimi gummi ammoniaci vn- p. 309.  
cia dimidia, totidemque pulueris asae foetidae, in  
libra dimidia aceti vini solutis, paratum, quotidie  
bis; malo autem grauiori facto, aliud ex alcali vo-  
latilis salis ammoniaci cochleari dimidio, in dimi-  
dia vini vel infusi baccarum iuniperi libra soluto,  
confectum, quocunque die ter, exhibendum, com-  
mendasse putat Cl. Auctor:

Arbitratur deinde, vires vitales potius mixtu- p. 310.  
ra, ex spiritu vini et aceto vini parata, partim ad  
fuffitus, partim pondere librae dimidiaae mane et  
vesperi ad potum propinata; clysmate, ex eadem  
dicta mixtura, et quinque libris infusi maluae facto,  
equis applicato; vel camphora in aceto vini solu-  
ta, (licet exigua tantum eius quantitas soluatur,)   
vel alcali volatilis drachmis duabus, aquae nitrosae  
libris tribus subactis, in clysmatis, et vncia vna ra-  
dicis gentianae, in aceto vini, sale communi satura-  
to, soluta, in potus forma, exhibitis, restaurandas;  
plurima remedia propter noxios aromaticorum et  
spirituosorum effectus, alimentorum in ventriculis  
reptorum insignem copiam, ruminationis defe- p. 311.  
ctum, crassorum intestinorum collapsum, magis in  
clysmatum, rarissime in potionum forma, ideoque  
loco nutrimenti sola furfurum decocta, (quibus cre-  
mor tartari vel acetum vini addantur,) propinanda;  
fetacea

setacea copiosa, propter insignem, quam tumores cutanei, ( statim exstirpandi, rationeque, a Nostro praescripta, tractandi ) tulerint utilitatem, pectori, abdomini, lumbis et humeris applicanda fuisse; nec non vesicatoria ex fermento panis, cantharidum puluere, aceto vini, guttulisque quibusdam butyri antimonii, parata, egregium praestare usum.

Tom.III. Medicamenta, quorum historiam tomus tertius tradit, diuiduntur in mucilaginosas; quae vel aquosae, ut lactuca, poma, lac, et aqua; vel siccae et farinosae, ut althaea, oryza, auena, et frumentum; vel saccharata, ut mel et liquiritiae radix; vel oleosae, ut pinguedines, oua gallinacea, amygdalae dulces, oleaeque fructus: in acidae, vel vegetabilia, ut cremor tartari, acetum vini, acetosae herba, et saturnina; vel mineralia, ut spiritus salis, acidum nitrosus et vitriolicus: in narcotica vel anodyna, ut

p. 100. opium, ( hanc virtutem in boue, oue, et equo, non exserens, sed vim vitalem augens, appetitum acuens, et, inprimis in oue, diureticae agens ) in purgantia, ut manna, folia sennae, aloë, antimonium, salque mercuriale; in diuretica, ut lapathi, petroselinique radix, terebinthina, alcali fixum, nitrum, sal marinum et aquae minerales: in diaphoretica, ut angelicae radix, formicae, alcali volatile, et fuligo splens: in sialagoga, ut radix pyrethri, asa foetida, mercurius, eiusque praeparata: in errhina, ut herbae nicotianae folia: in expectorantia, ut sulphur: in ea, quae pus detergant, ut absynthium, et chelidonia, calx, ex cupro praeparata, et natatio; in adstringentia, ut faniculae herba, ipecacuanhae radix, agariscus, terrae bolares, aliaeque absorbentes, alumen, martialia, et cortex Peruvianus: in aromatica, ut chamomillae, salviae et rutae herbae, gentianae radix, iuniperi laurique baccae, camphora, gummi ammoniacum et olibanum, atque vinum: tandem-



tandemque in vesicatoria, vt cantharides et meloe maialis; et caustica, vt arsenicum, lapis causticus, et infernalis. Quorum omnium medicamentorum, ( generali vnus cuiusque eorum generis virtutum notione data ) characteres, specialiores virtutes, et administrationem, exponit, et cuique eorum generi aliorum minus praestantium catalogum annectit Cl. Auctor.

## II.

Hippocratis aphorismi ad fidem veterum monumentorum castigati, latine versi, ab I. B. LEFEBURE DE VILLEBRUNE, Constantinopoli 1779. in 12. 371 pag.

**I**ngens editionum horum aphorismorum copia, quae olim prodiit, hanc qualemcunque editionem nequaquam facit superfluum, sed potius commendabilem, quum has cum nostra conferendo intelligamus probe, quantum studii in illa adornanda, emendanda atque perficienda impenderit Cl. Editor, suosque si non superauerit antecessores, aequauerit tamen haud dubie. Melius vt haec perspiciantur, commemorandum potissimum nobis est, quibus praesidiis instructus, quibus copiis ingenii et doctrinae ornatus, qua assiduitatis laude et laboris patientia praeditus Cl. LEFEBURE hanc suscepit laudandam atque commendabilem operam; ipse siquidem profitetur, se per plurimos annos in eo fuisse multum atque totum, vt nonnullorum codicum ope in obscuriora loca inquirendo, atque coniectando emendandoque ea illustraret, et monitis, consiliis atque incitamentis Cl. LORRY obtemperaret. Quum autem fundamenti loco quaedam editio esset ponenda, Francofurtanam de anno

anno 1595. FORTIUS elegit editionem, qua cum ZWINGERI opusculorum aphoristicorum Basileae 1747. emissum exemplar contulit. Deinde adiit Codices interpretesque Graecos, Arabes, Hebraeos, Latinosque, atque varias lectiones excerpfit, et Galenum in subsidium aliosque vocauit; sed, eheu! Galenum non de meliori commendat nota, quippe qui, ordine sectionum mutato, opinionibusque Peripateticorum haud raro in textum illatis, temerarie in textum grassatus sua dogmata pro Hippocrateis lectoribus obtrudere ausus est, aliosque reprehendit, qui blandulae gloriae fumo capti et audacia seducti critica vel sententiis spuris in textum inuectis, vel notis margini codicum a prudentissimis scilicet sapientissimisque librariis adscriptis nimium tribuendo venustatem Hippocratis adulterarunt. Celsi autem in Hippocratem merita, prouti fas est, extollit quam maxime, cuius quidem opera se admodum in recudendo textu fuisse felicem gratus praedicat. Reliquos vero interpretes quod attinet, et quos consuluit, etiam commemorat, inter quos principem locum occupat Honain Arabs, qui ipsi ex versione Hebraea alius Arabis Iudaei Nathanis Amatheii innotuit, et qui fidem codicum Graecorum Coi assequutus optime interpretatus est. Versio quoque Hebraea Romae a Gaiotio edita non minorem vtilitatem Editori attulit. Codicem alium Hebraeum manu exaratum in Bibliotheca Regia Parisina asseruatum quoque inspexit, parum autem se ex illo profecisse profitetur, quum Galeni textum minus contum, tersum ac genuinum sit sequutus accurate. Graeca autem inter exemplaria laudat codicem Meletii, quem Philotheus impudentissime spoliauit, sed Philothei versio non admodum probatur, quia ex codice non accurato et versus finem defi-



deficiente est concinnata et Galeni opinionibus referta. Duo praeterea exemplaria Alexandrina, quibus plurimum a quibusdam doctis tribuitur viris, ad suos transtulit usus, verum parum ex iis ad rem suam potuit traducere. Damascii exemplar, quo usus est, cum Arabum exemplaribus prae caeteris consentiens, Galenumque presse sequens, nonnulla tamen ipsi suppeditavit, ex quibus utilitatem aliquam capere potuit. Constantini Carthaginiensis aphorismi Hippocratis ex ignoto interprete tralati, et ab Azzone, eius discipulo, emendati, optimas lectiones Cl. Editori suppeditarunt, magni propterea aestimandas, quia a codicum Graecorum fide non ita longe recedunt. Nec versionem latinam e Graeco sermone depromptam atque in Bibliotheca regia existentem reliquit intactam, et quamquam admodum corruptam inuenerit, tamen non sine usu dimisit; nullus etenim liber tam malus est, in quo non aliquid insit boni. Verum et impressa exemplaria erant adeunda, igitur FOESII editionem, quia quamplurimas exhibet varias lectiones, quas cum Isingriana editione composuit, primum laudat; LINDENII contra improbat propter malam huius fidem, fallaciasque et ex suopte ingenio emendandi libidinem praeposteram. Neque multum CHARTERIO tribuit, quippe qui admodum parum praestitit, et multa consarcinavit, qua quidem in re nos habet consentientes; experti enim sumus multoties tanti viri hallucinationes. RIGERII tandem opus perlustravit, atque ex eo quaedam ad suam rem facientia depromere nisus est, verum in eo ingenii acumen, et veram eruditionem medicam desideravit, quod quidem eo minus miramur, quum Germanus natione sit, quae natio non ita culta ac polita huic Interpreti videtur, ut ex ea proficere potuerit. Quod reliquum est, se in recu-

dendo

dendo textu ita versatum fuisse testatur, vt ope codicum omnia ad Ionicum sermonem reuocauerit, idiotismos, ac orthographiam Ionibus propriam grammaticisque Graecis assertam restituerit, atque e variis textus corrupti lectionibus sententias claras, disertaque artis principia ab ipso Coo alibi asserta proferre studuerit. Laudat quoque Clarissimorum LORRY, BEJOT, MULOT, fauorem, quo ex Bibliothecis ipsi lubentissime codices Mss. vt eos consuleret, beneuole suppeditarunt.

Itaque his adminiculis instructus arrepto calamo Noster ad emendandum Hippocratem sese accinxit, suasque animaduersiones publici fecit iuris. Nostrium iam est, vt, de hoc labore quid sentiamus, libere dicamus: at veremur, nos non satisfacturos esse Cl. Editori, quum Germani simus, quos inclementia coeli et vitae genus obtusiori hebetiorique ingenio esse iussit, vt non acute cernant atque perspiciant, etsi etiam perspicilla Parisina adhibeant, quae ingeniis Francogallis perspicacissimis ac sagacissimis vltro et absque mora in oculos incurrant. Vt tamen arbitri rerum periti intelligant, nos a partium studio, nationalismi amore et improbandi contradicendique studio esse remotissimos, in interiora ipsa penetrare, operamque impendere cupimus, numne aliquid talparum (vtor verbo Editoris) more eruamus, quod melius redoleat lutum. Nos sane magna cepit admiratio, Cl. Editorem, suis laudibus alias non defraudandum, inter tot egregia subsidia, quibus in edendis vsus est hisce aphorismis, alia penitus reiecisse, quae reuocando illustrandoque textui inseruire potuissent quam maxime. Dolemus inprimis, eum fontem aliquem limpidissimum, ex quo rigare potuisset suum hortulum Hippocraticum, praeteriisse penitus, neque ex eo saltem aliquid delibasse. Latuit enim



enim Cl. Editorem illud egregium opus quod in Bibliotheca regia Parisina \*) asseruatur, et sic inscribitur: *Abdalahman ben Ali, ben Abisadeck, Fossoul Bokrath*, in quo sane haud spernendae observationes continentur. Neque EVSTACHII notae erant praetereundae in Erotiani Glossas, quippe quibus multa ex Aphorismis loca docte atque eleganter restituuntur. Mitto iam HERINGAE, TRILLERI, KRAVSII Nostri, aliorumque merita in HIPPOCRATEM, atque prae reliquis nos mordet, Cl. Editorem tam abiecte et minus honorifice atque petulanter de KRAVSIO iudicasse; sic enim in praefatione: \*\*) *Quanta in recudendo textu mihi fuerit utilitati (Celsus), quamquam immerito vapulet in notis eruditi KRAVSE talpa caecutioris in pluribus locis restituendis, meis in animadversionibus patebit.* An non virga critica sit merito dignus, penes alios iudicium esto, quibus merita KRAVSII in Celsum fuerunt probata ac perspecta. Missis his, examinabimus quaedam loca, ut appareat, quale sit ingenium Editoris Cl. qualesque notae criticae, quibus emendationes confirmantur. Ad S.I. aph. 2. *εὐπετέως*. *Vulgata εὐφόρως*. Sic etiam plurimi antiqui hic. Sed *εὐπετέως* verum idioma auctoris tueor. Loca addit a FOESIO laudata, quae etiam EVSTACHIUS collegit ad Erotianum in voce *εὐπετέσσερον*, qui reddit *ῥαδίσερον*, GALENUS autem *ῥαδίως, ἐτοίμως*. Ex quibus apparet *εὐπετέως* praeprimis esse vocabulum HIPPOCRATI peculiare in deiectionibus usurpatum, quod et loca declarant; unde et colligitur, v. *εὐφόρως* ceu spuriam esse extrudendam et pro glossemate irrepto atque textui intruso habendam. Sect. II. aph. 43. Nimis audacter pro τῶν ἀπαγχομένων καὶ καταλυομένων in textum recepit ἀλυσόντων, et post ἀναφέρουσι inser-

p. 13.

p. 64.

\*) v. Catal. Mss. Biblioth. Reg. Par. T. I. p. 212. 218.

\*\*) v. p. VIII.

insevit voces τὰ πολλὰ, refragantibus codicibus manu exaratis et editis. Nititur autem auctoritate Nathanis, qui reddidit ἡγήγη, in observationibus vero mauult ἀλυομένων, pro καταλ. quod sane non tanti momenti est, quum tyronibus constet, composita verba habere interdum potestatem simplicium tantum. Ἀλύοντων autem quoque ferri potest, quum ἀλύζειν et actiue et passiue vsurpatur, auctore Galeno in Glossis: ἀλύζει) ἀπορεῖ, ἐπιτάσσεται. Ergo neque cum Nathane: *qui ad animi deliqui terminum perueniunt*; neque cum Nostro: *qui spe deplorata conficiuntur*, nondum tamen mortui, verterem, sed qui *præfocantur et iactantur* (ex Galeno), *nec dum tamen mortui sunt*, sed morti propinqui. Nam iactatio præfocationis est effectus; igitur nihil temere mutandum. Deinde voces τὰ πολλὰ non sunt inferendae; nam, quamquam Hippocratem non ignorasse concedamus, quosdam saeuo mortis trabali eripi vel febre, vel prompto auxilio; concisae structurae orationis Hippocrateae tales ellipses, quae facile subintelligi possunt, quum nulla regula sit sine exceptione, sunt condonandae. Sect. III. aph. 24. post βῆχες, ἀφθα, inferendam esse cum Arabe Constantini vocem Φάρυγγες, contendit Cl. Editor, quae quidem glossematis loco esse potest, nam ex fero lactis penes nuper natos puerulos exulcerationes fiunt oris, ergo quoque Φάρυγξ iisdem afficitur, quod per se patet; vno enim nominato, non excluditur alterum. Magis autem necessarium fuisset monere vocem νεογνοῖσι esse genuinam, quamquam νεογονοῖσι a quibusdam legatur, quod non est Ionicum, et Iul. Pollucem\*) de infante recens nato loquentem; ἄμεινον δ' αὐτοῦ τὸ παρ' Ἡροδότῳ νεόγονον, ἀλλὰ τοῦτο καὶ Ἰωνικόν: esse emendandum aequae lectionem Hippocrateam, quae his verbis pos-

set

\*) Lib. II. sect. 8.



set defendi. Herodotus \*) siquidem sic scribit :  
 παῖδια δύο νεογνὰ ἀνθρώπων τῶν ἐπιτυχόντων διδοῖ  
 ποιμένι τρέφειν, et Homerus \*\*) sic cecinit: Πῶς  
 ἐδύνω, δολομῆτα, δύο βόε δειροτομῆσαι ὧδε νεογνὸς  
 ἑὼν καὶ νήπιος. Neογνὸς quidem contractum est ex  
 νεόγονος, non autem Ionicum. Sect. IV. Aph. 21. p. 149.  
 ita immutauit Cl. Ed. audacter et licenter, vt actum  
 plane esset de textu quamplurimorum auctorum, si  
 ita versari velimus. Iudicium penes lectores nostros  
 esto: quorum gratia et aphorismus ipsum et animi-  
 aduersionem subiicimus. In vulgatis sic legitur: Ὑπο-  
 χωρήματα μέλανα, ὁκόϊον αἷμα μέλαν ἀπ' αὐτομά-  
 του ἰόντα, καὶ ζὺν πυρετῶ, καὶ ἄνευ πυρετοῦ. κἀκίσα p. 121.  
 καὶ ὁκόσω ἀνὰ χρώματα ὑποχωρημάτων πλείω πο-  
 νηρότερα ἢ, μᾶλλον κἀκίον, ζὺν Φαρμάκῳ δὲ ἄμεινον.  
 Καὶ ὁκόσω ἀνὰ χρώματα πλείω ἢ οὐ πονηρόν. Sic re-  
 fingit eum Cl. Ed. Ὑποχωρήματα μέλανα αἱματώ-  
 δεα, ἀπὸ ταῦτομάτου ἰόντα, καὶ ζὺν πυρετῶ, καὶ  
 ἄτερ πυρετοῦ, κἀκίσα καὶ ὁκόσον ἀνὰ πλέω ἔη τὰ  
 χρώματα τὰ πονηρά, μᾶλλον κακόν. ζὺν Φαρμά-  
 κῳ δὲ ἄμεινον, ὁκόσον ἀνὰ μὴ πλέω ἔη τὰ πονηρά.  
 De hoc aphorismo ita fermocinatur Cl. Editor: „Hic  
 ita corruptus in codicibus, vt ex multiplicibus le-  
 ctionibus ne quidem possit intelligi in vulgatis, nisi  
 castigetur e Coac. 608. vnde desumitur, collato  
 enim ibid. 612. Plures lectiones notauit Foësius.  
 alias quoque illi ignotas collegi, sed frustra. Te-  
 xtum ad incudem reuocaui, omnibus glossis reie-  
 ctis,, Qua vero fortuna, alii viderint; ingeniosas  
 enim interpretationes minime veras ac genuinas  
 esse omnes norunt. „ib. ἀπὸ τ' αὐτομάτου, id est,  
 αὐτοματίζοντα, sponte prodeuntia, non repentina, vt  
 male Celsus L. II. c. 8. p. 76. Quae enim sponte  
 fiunt, id est, ὑπὸ αὐτοματισμοῦ, vt sect. 4. p. 76.  
 non semper repentina contingunt, ἐξαπίνης. Neu-

D d 2

trum

\*) L. II. c. 2.

\*\*) Hymn. in Mercur. v. 405.

trum tamen legitur in Coacis. Confer *Praenot.* 66. 67. Non immorabor variis interpretum versionibus quae, quam textus, tam ipsae vitiosae., En Criticum dictatorem! „Εὖν φαρμάκω δὲ ἄμεινον. Ne credas tamen, haec a pharmaco educta semper vacare periculo, etsi dicatur Coac. 608. ἀνύδυνον. Additur enim *si nimia quantitate non exsuperent*, et idem stat in aphorismo glossis reiectis. Vide historiam Apellaei Epid. V. p. 240. Foef. Profunt quidem melancholicis *haemorrhoides* aph. 11. f. VI. Ac nec tutas esse sanguinis nigri profusiones hac via docet exemplum Eudemi, Epid. V. p. 238. Vide Coac. p. 346. et ipse exemplum nuper vidi in Ianione, qui in extremo periculo versatus est. Nec minus timendum a sanguine rutilo, Coac. p. 605., Libenter subscriberemus interpretationi Cl. Editoris, nisi textus vulgaris pateretur aliam aequae commodam explicationem, quam paraphrasi illustravit IO. CVNR. DIETERICVS \*), quam tamen breuitatis causa hic loci non repetimus. Sect. V. aph. 38. mirum in modum sese exercuit ingenium Cl. Editor et immutavit hunc aphorismum Γυνὴ ἀμφιδέξις οὐ γίνεται sic: „Glossas a Foefio et antiquis, ignare praeunte GALENO, adlatas negligē, et lege pro falsa opinione veterum, non HIPPOCRATIS, γυνὴ ἀμφιδέξιοις οὐ γίνεται, id est ἐν δέξιοις. Qui error ipsi GALENO non perspectus, factus ignorantia regiminis vocis ἀμφί., Sed nihil mutandum, neque Glossae Erotiani aliorumque temere sunt reiiciendae STEPHANVS enim et EVSTACHIUS ἀμφιδέξις pro genuina lectione agnouerunt, et explicatio Editoris, quae \*\*) EVSTACHIO iam cognita fuit et perspecta, minime vera. Potius sic sensus congruus

\*) Vid. Hippocrat. Aphorismos ab ipso editos, Giesflae 1656. quaternis p. 57.

\*\*) v. animaduers. ad Erotiani Gloss.



gruus erit: *mulier non fit ambidextra*, i. e. quae vtraque manu tamquam dextra vtatur. Hoc ex physiognomonicis principiis HIPPOCRATIS patet, quibus docet, sexus feminei imbecillitatem et in eo esse conspicuam, quod et in sinistra manu influxus caloris et spirituum sentiant; quia et in sinistra parte vteri gestentur. Auctoritate nitor ipsius COI\*), THEOPHILI PROTOSPATHARII\*\*), FOLLINI\*\*\*) et QVELLMALTZII\*\*\*\*). Quae autem ad aph. 39 de lacte mulieris non foetae prodidit, eleganter illustravit SCHACHERVS \*\*\*\*\*). Sect. VI. p. 321. aph. 34. qui in vulgatis sic legitur: ὁκόσοι Φαλακροὶ τουτέουσι κισσοὶ μεγάλοι οὐ γίνονται. Ὀκόσοισι δὲ ἂν Φαλακροῖσιν ἐοῦσι κισσοὶ ἐπιγέγωνται, πάλιν οὗτοι γίνονται δασεές, ita refingit: Ὀκόσοισι κισσοὶ μεγάλοι, ἔσσον Φαλακροὶ γίγνονται. Κὴν Φαλακροῖσιν ἐοῦσι κισσοὶ μεγάλοι ἐπιγίγνονται, ἐνιοὶ αὐτοῖς γίγνονται δασεές. Si tales emendationes audaciae imaginem non prae se ferre videntur, fane quidlibet ex quolibet loco erit ex ingenio fingendum. Stat enim aphorismo vulgato, si modo omnia probe expendantur, sua sententia, sua veritas, ergo a nimia emendandi libidine est abstinendum. ARISTOTELIS locus ab Editore prolatus nihil facit ad stabilendam sententiam Editoris, quum alia ratione aequae vera rem propositam declaret, neque contradicat directe HIPPOCRATI. Ad aph. 46. vbi rap. 327. chiticos non ex gibbositate, sed ex asthmaute aut tussificatione, mori asserit, confer, quae nuper docte

Dd 3

et

\*) v. aph. 48.

\*\*) v. de fabrica C. H. L. IV. c. 30.

\*\*\*) v. Speculum naturae hum. c. 8. prop. I - 4.

\*\*\*\*) In peculiari dissertatione de proscoposcopia medica.

\*\*\*\*\*) in prolusione de lacte virginum et virorum num illud nutriendo infanti sufficiat. Lips. 1742.

et eleganter de hac re differuit Cl. BOSIVS \*) in binis prolusionibus. Circa sectionem septimam eodem modo grassatur Cl. Ed. multosque aphorismos tamquam spurios extirpat, qui tamen servandi esse videntur, consentientibus quamplurimis codicibus; quid enim fieret, si, relictis iis, et quidem optimae notae, pro lubitu vel detruncare vel adiacere vellemus; breui sane tempore HIPPOCRATEM alia forma indutum acciperemus, qui aliquot annis praeterlapsis aliter decoratus, prouti temporis ratio aut morum mutatio pateretur, prodire deberet. Multa quidem eaque egregie dicta in Edit. Cl. observationibus inuenimus, sed quamplurima cum grano salis sunt accipienda, et sub incudem vocanda, cultroque critico vel amputanda, vel puriora reddenda. Verum fateor, nisi ad manus fuissent aliae editiones aphorismorum, novos plane legere aphorismos mihi persuasissem; αὐτοψία siquidem vnum quemque docebit tot mutationes hic occurrere, quot annus complectitur dies.

### III.

Delectus dissertationum medicarum Ienensium, Vol. I. collegit, praefatus est indicemque rerum adiecit D. CHRIST. GODOFR. GRVNER, cum fig. aen. Altenburgi, sumtibus G. E. Richteri, MDCCLXXVIII. 4 pagg. 268.

**C**l. GRVNERVS in utili hac collectione a Cll. RICKMANNO et BALDINGERO incipit, eorumque dissertationibus NEUBAVERI. specimina suasque prolusiones et dissertationes adiungit. Quae hoc volumine comprehendantur paucis indicabimus. 1) RICKMANNI diss. de partu. 2) NEUBAVER

p. I.

\*) de gibbositate ex rachitide et gibbosorum exemplis. Lips. 1781.



BAVER de epiploo - oscheocele, cuius receptaculum p. 22. mentiebatur proceffum, testem et epididymidem simul continentem. 3) BALDINGERI commenta-p. 36. tiones tres, quae IANI CORNARII, primi quondam ordinis Medicorum in Academia Ienensi Decani, restauratoris Hippocraticae medicinae, memoriam recolunt. Rei literariae amicis gratissima erunt ac iucundissima, quae hic de tanti huius viri scriptis et studiis leguntur. 4) EIVSDEM prolusio de cor-p. 47. ticis Peruvianis connubiis, et exhibendi eum modis. 5) EIVSDEM diss. de partu laborioso et causis, quae p. 50. caput in pelui retinent, praecipuis. 6) EIVSDEMP. 75. prolusio de camphorae connubiis. 7) EIVSDEMP. 78. de professore medico eiusque officiis praecipuis. 8) EIVSDEM de febrium acutarum differentiis. p. 97. 9) EIVSDEM de filicum feminibus. 10) EIVSDEMP. 115. de doloribus post partum et agendi modo remedio-p. 131. rum, eos aut lenientium aut excitantium. 11) EIVS- p. 143. DEM commentationes tres de sede pleuritidis. 12) p. 157. EIVSDEM de epilepsia et capitis dolore ex tumore durae matris scirrhuso et carie cranii ortis. 13) p. 170. EIVSDEM de metastasi in morbis. 14) EIVSDEMP. 205. commentatio, qua fecale cornutum perperam a nonnullis ab infamia liberari ostenditur. 15) EIVS- p. 209. DEM prolusio in ARETAEI L. II. c. 8. de venae cauae acuto morbo. 16) EIVSDEM de irritabilitate p. 214. morborum genitrice. 17) NEUBAVERI descriptio p. 236. anatomica arteriae innominatae et Thyroideae imae. Addidit his Cl. Editor praefationem, in qua vberius de instituti ratione disserit, atque promittit indice iis potissimum consulere, qui de materia quadam breviori via erudiri cupiunt.

IV.

Composition du remede de M. DARAN, Ecuyer, Conseiller, Chirurgien ordinaire du Roi, servant par quartier, & Maître en Chirurgie de Paris; remede qu'il pratique avec succès cinquante ans pour la guérison des difficultés d'uriner, & des causes qui les produisent; publiée par lui-même; précédée d'une préface où l'on expose les raisons qui ont fait différer iusqu'à présent cette publication; & les motifs qui engagent aujourd'hui à la rendre publique; Suivie d'un discours sur la théorie des maladies de l'Urethre, des preuves qui constatent l'efficacité du remede qui les guérit, & des moyens de faire connoître le mal même aux personnes qui en sont attaquées. à Paris. Chez Didot, Libraire, quai des Augustins. Cailleau, Libraire, rue Saint-Severin. Méquignon, Libraire, rue des Cordeliers. 1779. 12. pagg. 312.

i. e.

Cl. DARAND compositio remedii, quod per quinquaginta annos in dysuriis cet. cum felici successu adhibuit, ab Ipso publici iuris facta.

**P**raemissa praefatione, quae attinet huius remedii, quod in cereis bacillis \*) cernitur, publicam commendationem, theoria morborum vrethrae et effectus horum cereorum in iis fausti traduntur. Ac primum quidem de candelis suis rite praeparandis differit Cl. DARAN, quorum tria constituit genera, quorum primum ratione pretii et

\*) v. comm. nostr. Imae decad. Suppl. II. p. 364.



et effectus reliqua superans *optimum*, alterum *mediocre*, tertium denum *vile* nominat, simulque partium earum, ex quibus componuntur accuratam nobis exhibet notitiam. *Primi generis* praeparatio haec fere est: Rec. herbae cicutae, foliorum nicotianae, meliloti, florum et foliorum hyperici aa manipulum, ouium stercoris libram vnam. Concisa contusa coquantur leni igne in lebete cum nucum olei X libris, tam diu, donec plantae colorem rufum induant. His peractis, oleum fortiter per linteam exprimatur, atque cum axungiae porcinae et sebi veruecini aa libris tribus commisceatur. Cum haec penitus liquefacta sunt, iis adiiciantur per temporum interualla librae octo lithargyrii in puluerem subtilissimum redacti, et, vt ne hic puluis fundum petat, neque adhaereat cacabo, sub diligenti cum spatulo ligneo agitatione per horam coquatur. Additis denique cerae citrinae libris duabus, pergatur coquendo vsque ad bonam iustamque consistentiam. In hoc malagma immittatur linteam tenue et nonnihil obsolete factum, quod discissum deinde in fascias, vel latas, vel minus latas, pro varia candelarum ex illis formandarum magnitudine, cultris dorso abraditur et politur. Praeterea bacilli digitis, vt ora efformentur, et vt laeues fiant, in tabula polita voluantur. Sint autem ita comparati, vt sensim decrescetes, vnam extremitatem altera habeant debiliorem, attamen subrotundam, ne eorum punctio aegris sit molesta. Nunc iam confecti bacilli et efformati, separatim ponantur, exsiccentur et ad vsum conseruentur.

*Alterum* bacillorum cereorum *genus* ex vna modo commemorati malagmatis parte et duabus cerae citrinae partibus; *tertium* autem ex quatuor cerae citrinae partibus et vna earum, ex quibus primum genus componitur, partium paratur.

Vnguentum, quo illinit bacillos optimos ante  
vsum, consistit ex quatuor vnciis balsami copayuae,  
et duabus vnciis emplastri diapalmae ignis ope  
in balsamo liquefacti, cui versus finem ouium  
stercoris puluerisati vncia sub continua agitatione  
adiicitur. Reliqua candelarum genera, quo eorum  
in vrethram immissio facilitetur, nudo oleo irrorare  
iussit. Si autem obstacula in vrethra haerentia  
remota sunt, candelaque facili negotio se immitti  
patiuntur, exhibet Cl. Auctor aegris suis pilulas,  
quas *antiuenerneas* vocat. Paratur ex mercurii dul-  
cis, ialappae, scammonei et gummi guaiaci āā vn-  
cia cum syrupo rosarum solutio pilularum massa,  
indeque formantur pilulae ad pondus quinque gra-  
norum. Exhibet illarum aegris duas vel tres aut  
matutino aut vespertino tempore, quinque autem  
vel sex aegris propinat pilulas, si euacuandi vim de-  
siderant. Decocta ex demulcentibus emollientibus  
et leniter aperitiuis, vt floribus althaeae, verbasci, tus-  
silagine, malua, parietaria aliisque cum adiectis ali-  
quibus nitri granis parari iubet.

p. 40. Tum sequuntur *pilulae antiuenerae*, mercuria-  
les et leniter aluum mouentes, quas sumunt aegri

p. 41. facile, immixtis cereis et obstaculis leuatis. Deco-  
ctum est simul adhibendum, ex floribus videlicet  
maluae, verbasci, cet. sub finem sanationis in sub-  
sidium sunt vocandae aquae minerales. Excipiunt  
hoc obseruationes a medico ratione aegrorum in-  
stituendae.

p. 1. Quibus praemissis, ad ipsam accedit Cl. Auctor  
tractationem, atque in vniuersum morbos vrethrae

p. 2. describit, eosque examinat. Inquirat in causas dif-  
ficultatis vrinae varias, easque declarat, multum ta-  
men in hoc negotio contractioni fibrarum tribuit,

p. 3. qualicunque etiam de causa fiat. Reicit adstrin-

p. 5. gentia, atque noxas inde metuendas narrat. De-  
inde



inde de callositatibus, siue cicatricibus, de carnofi- p. 11.  
tatibus, carunculis siue excrefcentiis atque de vlce- p. 13.  
ribus vrethrae agit, et suam methodum medendi lau- p. 37.  
dat. Hac occasione etiam quasdam *quaestiones* dilu- p. 53.  
cide soluit, ad easque respondet. Venit ad inflamma- p. 54.  
tionem verumontani scirrhosam indolem nonnun-  
quam nacti, quae causam difficultatis vrinae consti-  
tuit. Indurationem autem prostaticarum siue vesicula- p. 66.  
rum seminalium aliam esse causam stranguriae dicit,  
duo memorans exempla, quorum alterum probat,  
prostatas callosas, alterum fistulosas fieri posse. Fun- p. 70.  
gositates prostaticarum et vesicularum seminalium  
eundem exserunt effectum, et hac in re Cll. VI-  
LARS, ASTRUC et FAGIVS cum eo consentiunt.  
Concretionibus autem peculiaribus etiam locump. 73.  
inter causas assignat.

Causis enumeratis, effectus gonorrhoeae mali- p. 74.  
gnae male sanatae recenset, ad quos refert strangu-  
riam habitualement, ischuriam. *Ischuria venerea* de- p. 81.  
scripta, ad remedia aduersus ischuriam commenda- p. 88.  
ta progreditur. Neque *punctionem perinaei* ali- p. 100.  
quam vtilitatem afferre posse statuit. Agit de in p. 165.  
de sexus sequioris stranguriis venereis.

## V.

Teoremas, i problemas, para examinar, i faber  
usar qualesquiera aguas minerales, los qua-  
les pueden servir de instituciones desta par-  
te de la medicina, i por medio de ellos se  
averigua con especialidad la naturaleza, i vir-  
tudes del agua mineral del Pilaz de la Ciu-  
dad de Chinchilla, i de la acreditada de Puer-  
to Llano. Despuestos por D. ANTONIO  
CAPDEVILA Medico. En Madrid, 1775.  
4. pagg. 45.

i. e.

Theoremata et problemata ad examinandas aquas minerales, eorumque usum cognoscendum: quae inseruiant instar institutionum huius medicae partis, et quibus natura et virtutes aquarum mineralium iuxta pilam urbis Chinchillae et prope ab urbe Puerto Llano scaturientium illustrantur, auctore ANTONIO CAPDEVILA.

**E**x relatione Cl. DE MURR huius libri cognitionem accepimus. Etenim rarissima sunt apud nos Hispanorum producta erudita. Alio iam tempore Cl. IOAN. GAMEZ aquas foterias de Aranjuez \*) et IOAN. ANTONIVS PASQUAL eas quae in Vado-Canas \*\*) scaturiunt, descripsit. Deinde, etiam Cl. CAPDEVILA tractatum de recto usu aquarum mineralium Marmoleianarum \*\*\*) scripsit: in hoc autem libro axiomata et regulas proponit, quibus aquae minerales indagari et recte in usum trahi debeant.

Igitur primum salinas aquas, earumque partes constitutivas ex CAROLO LE ROY considerat, usumque medicum tum internum, tum balnei loco adhibitum docet: sic aquae ab *Azaraque, Fortune, Mula et Alama*

\*) Ensayo sobre las aguas medicinales de Aranjuez. En Madrid. 1771. 4.

\*\*) Diff. de las Virtudes medicinales, Vso, y Abuso de aguas minerales de la Fuente de Vado-Canas, sita las en el termino de la Villa de Reguena. &c. En Murcia. 1769. 8. Est, Auctore CAPDEVILA, egregius liber.

\*\*\*) Diff. de las Aguas minerales de Marmoleio, i de una enfermedad endemica de la Andalucia con la historia literaria Critica de los Autores, que han tratado de las agu. miner. de Espana.



*Alama Murciana* hominibus apoplexiae et rheumatismis subditis profunt. Posterioribus praesertim thermae Mombuyanae in Catalonia conueniunt. Aquas deinde martiales iuxta Cl. CASIMIRVM GOM. ORTEGA describit Cl. CAPDEVILA. Maxime celebris est fons, in *Eiido* vel *Prado de San Gregorio* prope ab vrbe *Puerto Llano* scaturiens. Aqua Marmoleiana eadem fere fama insignitur. Tum aquas minerales *Monistrol*i in Catalonia, *Archenae* et *Mulae*, *Graenae* et *Alamae* in Granadae regno, et *Ledesmae* iuxta Salamancam scaturientes contemplatur. Archenenses sigillatim Cl. LVDOVICVS IOSEPHVS PEREIRA anno 1767 et 1768 disquisiuit. Aquam salinam a Pila urbis Chinchillae magna vi etiam in venereis morbis praeditam esse, si vel bibatur, vel balnei loco adhibeatur. Subiungit Auctor in hoc libro catalogum scriptorum suorum, tum impressorum, tum manuscriptorum. Insunt praeter medicos et mathematici libri: numerus eorum est 45.

## VI.

ANTONII GVILIELMI PLAZII *Orationes quaedam*. Lipsiae apud Langenhemium 1774.

Omnis fere ars ac disciplina ita est comparata, vt habeat in se quid, quod eos, quorum mens nec acuta satis et firma est, nec singulari quadam propensione ad eam trahitur quasi, et detertere facile, et taedium sui illis iniicere valeat. Accidit hoc et imprimis Medicinae, quod tum ex aliis multis patet exemplis, tum quoque ex tam variis iisque quam maxime absurdis, quae de ea iactantur quotidie, opinionibus, facile apparet. Quamobrem, si de arte medica bene meriti dicuntur ii, qui illam summo cum studio et acri cum labore commendant,

dant, et docent alios, non minus hac laude dignos iudicauerimus, qui contra imperitorum incurfiones defendere medicinam conantur ea ratione, vt demonftrant et oftendant aliis, huic quoque disciplinae inefle quaedam, quae fat fuauitatis in fe habeant; nec Medici frontem rugis femper efle obductam, fed huic quoque licere iocis aliquam partem concedere ingenuis. Hunc finem fpectauit fine dubio Celeb. PLAZIUS, quum ederet has orationes, quae praecipue eiusmodi funt argumenti, vt hilaritatis et feftiuitatis plurimum in fe contineant. Cum vero fe maximopere commendent eo, quod a Viro habitae funt, laudibus noftris fuperiore, atque de arte fua ante alios praeclare merito, tum etiam ob genus dicendi elegans et ad rem omnino aptum, et ob falis, quo conditae funt, plurimum, haud exigua laude dignae funt. Prima ex his orationibus, quarum funt nouem, agit *de feminarum in medicinam imperio*, ita vt primum demonftratur, in quibus rebus liceat omnino dominari feminas, et tum oftendatur, quomodo in re medica, inprimis in puerperio, illicitum imperium exercent. Altera, quae infcribitur *ridiculas veftium formas nec hominem nec doctorem facere*, et mores veftium et opiniones eorum perstringit, qui doctorem ex veftie iudicant. Tertia exponit *de fplendida medicorum miferia* et eft bipartita, ita, vt primum de honoribus, in quibus medicina et eft et fuerit, differatur, et poft, tum ex ingenti rerum addifcendarum farragine, tum ex laboribus et fudoribus grauiffimis et ex mercede parciffima demonftratur, quam mifer fit medicus, honoribus etiam fi ornatus fit quam maximis. Quartae argumentum eft *Thalia medicinae miniftrans*: vbi commoda enumerantur, ex theatris in rem medicam redundantia, qualia funt hilaritas, rifus, amores, medicorum mores



res emendati, et alia. Quinta *de GALENO opes dante* ostendit varias in medicina vias opes sibi comparandi. Sexta habita *de praeposito rationalem medicinam addiscendi consilio* per ironiam extollit medicinam empiricam et respuit rationalem. Septima *de arte naturam superante* enumerat merita artis in naturae defectibus emendandis. Octava tractat *de medico omnium audacissimo*, et nona demonstratur *foeminas esse homines*. Vtrumque argumentum variis iisque lepidis monstratur rationibus, neque sunt hae duae vltimae orationes minori laude dignae, quam caeterae, ita, vt persuasi simus, iis omnes egregie delectatum iri, qui ad earum lectionem, tanquam ad grauiorum laborum dulce lenimen, accedant.

VII.

C. G. POETSCHENS *mineralogische Beschreibung der Gegend um Meissen etc. Dresden bey Walter 1779. 8. II. Bogen m. K.*

h. e.

Descriptio mineralogica exacta agri Misenensis, auctore C. G. POETSCHIO.

Quod iam anno MDCCCLXXIII specimen mineralogiae Misenensis Cl. Auctor Societati Oeconomicae Lipsiensi tradiderat, et ab hac scriptis eius insertum est, id nunc multo auctius et ornatus prodiisse ex praefatione intelligitur. Natura p. I. huius agri breuiter descripta, eundem quinque itineribus peragrat Cl. Auctor. Et primo quidem itinere p. 5. persequitur *Albim*, inde a radicibus montis *Martini* Scharfenbergam vsque, *vallem*, quae ibi est, et metalla continet, vnde per montem, dictum *der Blossé*, domum redit. Montes sunt *granitei*, e quar-

- zo albo, petrospato rufo rhomboidali, et mica fusca. Granitem alterius Dresdam versus strata calcarea tegunt. Ipse, stratis veluti seiunctis, versus septentrionem et occidentem vergit, quae quum sub dio fatiscentia et soluta reperiuntur, agrum
- p. 6. optimum vitibus praebent. Si nudus non est, luto obtegitur. *Scharfenbergae* sunt minerae *argenti*
- p. 9. in eodem *granite*, id quod nusquam alibi in Saxonia.
- p. 10. *Venae* ex septentrione et ortu in meridiem et occasum tendunt, atque mineram argenti albam, pyritem,
- p. 11. galenam, pseudogalenam nigram, luteam, phosphorescentem, et rubram, in quarzo, argilla, spato calcareo, gypseo, nonnunquam et petrospato continent. Comitatur eas plerumque vtrinque *simbria* e *steatite* subviridi, cum granis quarzi, variatio illa quidem granitae. Harum minerarum historia paucis enarratur;
- p. 13. nam pluribus id fecit *Renekewitz* singulari libello,
- p. 16. et de eorum statu quaedam exponuntur.
- p. 25. *Altero itinere* vallem *Tribisci* fluminis, usque ad *Munzig* lustrat, atque inde dextrorsum per cacumen montium reuertitur. Primum reperit montes graniteos, usque dum dextrorsum valle, *das Rauhethal*, sinistrorsum valle, *der Goldgrund* dicta, veluti abscinduntur. Inde enim porphyrei montes existunt, in quibus veluti venulae chalcedonii et
- p. 28. achatis passim vagantur. Hic Cl. Auctor variorum proponit de porphyro sententias, quem ipse granitae variationem esse iudicat: quod autem, nostra ex sententia, esse nequit, quum aperte differat massa ista argillacea s. iaspidea, cui inspersi sunt reliqui lapides; sitque certe recentioris, quam granites, aevi. Inter eosdem eleuantur montes e lapide piceo, cuius notae externae ab Auctore inuestigantur.
- p. 30. Constat terra alcalina vel filicea acido salis immutata, et pauxillo terrae ochraceae. Tum enarrantur variae, quae alii de eo tradiderint, qua quidem
- p. 36. ratione



ratione diducitur auctor ad ea, quae DELIVS de lapi- p. 52.  
de hydrophano, f. Oculo Mundi tradidit, quem ipse  
non fatiscendo corruptum, sed inchoatum potius ef-  
se opalum contra illum (atque, vt nobis videtur, re-  
cte) contendit. Hi *porphyrei* montes iterum excipiun-  
tur *graniteis*, hi inde a pago *Roitschen* montibus e p. 74.  
*gneisso*, de cuius cum granite affinitate Auctor pauca  
differit. In hoc prope villam *Miltitz* est stratum la- p. 75.  
pidis *calcarei*, prope *Munzig* metalla plumbi argen- p. 76.  
tiferi, pyrite arsenicali crySTALLISATO maxime nobilia.

Itinere *tertio* contemplatur vallem *die Meissa* p. 85.  
dictum, vnde egressus per ipsos montes ad Albim  
fluvium tendit, eiusque ripam legit Misniam vsque.  
Teguntur montes luto, argilla, arena, turfa, in qua p. 87.  
lignum bituminosum, etiam succinum, repertum  
est. Argillam auctor suspicatur, e lapide piceo p. 91.  
soluto natam, qui hic non nusquam apparet. Tum,  
quum saxa eminent, modo granites, modo porphy- p. 92.  
rum reperitur. Prope *Gasern* est fons medicatus p. 96.  
martialis.

Itinere *quarto* persequitur partem eam, quae p. 105.  
est trans Albim versus orientem et septentrionem.  
Etiam hi montes, vt in opposito latere, de quo di-  
ximus, sunt et porphyrei et granitei. In vico  
*Ockrilla* sunt strata argillae rubrae in varios vsus p. 107.  
adhibitae, ibidem saxa ex argilla indurata cum p. 109.  
quarzo similia lapidibus, *Puddingstone* ab Anglis  
dictis, ingentis magnitudinis, in quibus Auctor et  
*lignum petrefactum* agateum, (cuius magnam vidi- p. 110.  
mus copiam in collectione Auctoris, Dresdae,) re-  
perit, et, quod magis etiam memorandum, *clauum*  
*ferreum*, quem eundem seruat apud se. Prope p. 112.  
*Bonitsch* occurrunt strata *margae* induratae. In p. 118.  
monte *der Zscheilenberg* iterum *granites* se ostendit. p. 120.

Iter *quintum* et yltimum obit regionem trans p. 121.  
Albim versus meridiem et orientem. Ad piscinam,

*der Fürstenteich*, nunc exsiccatam, iterum *granites*,  
 p. 123. et quae ad *Okrillam saxa* reperiuntur. *Obera-*  
*viam* attingunt montes granitei, quorum tra-  
 ctus e Lusatia superiori, et Bohemia, per *Stolpam*  
 et *Grossenhainiam* vsque deducitur. Est autem hic  
 granites diuersae ab altero, quem saepe comme-  
 morauimus, structurae, e quarzi albi magna parte,  
 petrosato albo et mica grisea, compositus paruis  
 p. 124. in granulis. Inter *Weinboehle* et *Zaschendorf* est mi-  
 p. 125. nera ferri calciformis aruorum. Mons, *das Spar-*  
*gebirge*, inprimis celeber vitibus, e granite exsur-  
 p. 134. git. Denique Auctor vno quasi intuitu regiones  
 - 138. descriptas ante oculos ponit.

E *tabulis aeneis* adiectis, *prima* tabulam geogra-  
 phicam regionis descriptae, *altera* tabulam metalli-  
 fodinae Scharfenbergensis, *tertia* et *quarta* conspe-  
 ctum montis e lapide piceo, *quinta* clauum saxo  
 inclusum exhibet.

Quae quidem sufficient, opinamur, vt pateat,  
 librum hunc et obseruationum diligentia, et do-  
 ctrinae elegantia insigniter commendari.

### VIII.

Epistola anatomica ad WILHELMVM HVNTE-  
 RVN, de venis oculi summatis, et in specie  
 de venis oculi profundis, retinae, corporis  
 ciliaris, capsulae lentis, corporis vitrei, et  
 denique de arteria centrali retinae, auctore  
 IOHANNÈ GOTTLIEB WALTER, Med. Docto-  
 re, Anatom. et Phys. Professore primario,  
 collegii medico-chirurgici et academiae sci-  
 entiarum Berolinensis membro ordinario,  
 Berolini 1778. 4. 6½ pl. c. f.

Cl. WALTER persequitur summa cum assiduitate  
 et doctrina suum de venis capitis inchoatum  
 opus,



opus, hic potissimum de oculi venis differens, et  
cautelas in repletionem venarum oculi, quae omnium  
optime vena caua caeterisque pectoris et extremi-  
tatum venis ligatis absolvitur, adhibendas descri-  
bit. Oritur vena oculi centralis ex ophthalmicae P. 10.  
cerebralis propagine inter musculos rectos, et lar-  
gitur prius pinguedini venas varias, quam ad bul-  
bum ipsum properet, legit porro ante ingressum  
in bulbum ipsum vnam cum arteria viam, et dispef-  
citur se in bulbo in plures venas, quae antea cum  
venis corporis ciliaris coniunguntur. Mox insper- p. 12.  
git Cl. Auctor sollicitum arteriae centralis examen,  
atque hac occasione monet, iniectione venarum  
per arterias non accurate satis venarum fines de-  
terminari. Arteria centralis recta progreditur, et  
terminatur in membrana corporis vitrei. In adul- p. 13.  
to contemplatus est in retina nullas huius arteriae  
propagines, verum in cellulis demum corporis  
vitrei, et imprimis in tunica hyaloidea, ibi, ubi lens  
crystallina vitreo imponitur corpori, multas con-  
spexit ramificationes.

In fetus autem oculo arteriam centalem pri- p. 16.  
mum in ambitu humoris vitrei, dein in ambitu  
capsulae lentis, et denique in parte postica mem-  
branae pupillaris distributam inuenit. Ex quibus  
clare patet, in fetu vasa multo melius, quam in  
adulto iam homine, conspici. Sic quoque Cl. Au- p. 19.  
ctor anatomen oculi Aethiopum ex parte confide-  
rat. Dissectione nimirum cadaueris Aethiopis fa-  
cta, fibras cerebri tenaciores, substantiam eiusdem  
externam obscuriorem, scleroticam ibi, ubi cum  
coniunctiva connectitur subfuscam, corneae exter-  
nae circulum nigrum, iridem nullam atque reti-  
nam firmiorem inuenit. Postea membranae pu- p. 24.  
pillaris et choroideas venas, earumque cum retinae  
venis coniunctionem et ex his egregie formata re-

tia describit, ex quibus saepe apparet, ZINNIVM arterias et venas promiscue descripsisse atque depinxisse.

- P. 30. Demonstrat quoque, operationem cataractae per  
P. 33. extractionem esse tutissimam. Iam vero ipsos maiores venarum oculi ramos indicat: oriuntur nempe ex vena profunda faciali interna duae venae, nasalis posterior interna et ophthalmica facialis, ex quo iterum vnus ramus ad antrum HIGMOHRI abiens, alter venam infraorbitalem constituens, et tertius, qui venam ciliarem inferiorem externam et ramum anastomaticum offert, originem ducunt. Ophthalmica facialis caeterum progreditur, cum vena cerebri ophthalmica connectitur atque ciliarem anteriorem largitur. Vena autem ophthalmica cerebri ex sinu cauernofo orta generat venam centram, ethmoideam, venulas ciliares, musculares, lacrymalem, ciliarem superiorem, ramum descendente anastomaticum, ciliarem internum nasalem, supraorbitarium et frontalem. Caeterum huic epistolae, cui quoque germanicum idioma appositum est, adiecit Ill. Auctor iconum, summa cum acribia et arte ab HOEFFERO sculptarum, explanationem.

IX.

D. GOTTLIEB KONRAD CHRISTIAN STORR, *der Arzneygel. ord. öffentl. Lehrers auf der Eberh. Carls hohen Schule, Entwurf einer Folge von Unterhaltungen zur Einleitung in die Naturgeschichte. Ersten Bandes Erster Theil. Erf. und Leipz. bey Aug. Lebrecht Stettin. 1776. 10 Bog. 8. Ersten Bandes Zweiter Theil. 1777. 23 Bog. nebst 5 Bogen Vorrede und Inhalt.*

i. e.

G. C. CH. STORR primae lineae physiographiae,  
in



in commentationum serie descriptae. Vol.  
I. P.I. II.

**D**udum indicandi operis eo plenior nunc tandem tradimus notitiam, quo magis persuasum habemus, haud superuacaneum esse studium, in quo omnis Auctor est, vt disciplinae, non amoenae magis, quam vtilis ac sublimis, cum maxime muniatur dignitas, tot impedita moliminibus empiricorum vndequaue inuolitantium physiophilorum, ludere in re seria cupientium, legumque omnium impatientium. Prima commentatio auctoris nostri *genuini studii naturae commoda* exponit, poenasque, spurios in physiophilos ex operis tractandi peruerso plane more redundantes. II. *Naturae* vocem explicat; III. *Scientiam naturalem*, eiusque partes, a) *physiographiam*, s. historiam naturalem, b) *physicam*, seu *physiologiam*, c) *magiam*, siue *physurgiam*, distinguit. IV. *Adminicula* indicat ad perficiendam physiographiam necessaria: nimirum *obseruandi artem*, tum *generalem*, tum *specialem*, singulis nempe obiectorum classibus accommodatam, experiendi arte instruendam, deinde *logicam physiographiae*, quae perticam in commetiendis operum naturae similitudinibus adhibendam subministret, demum *denominationibus* aptis obiecta indicandi artificium. V. *Spectaculi naturae maiores scenas* primo quasi oculi ictu petens tellurem nostram ad systema planetarium nostro soli subiectum refert, ab hoc ad caeterorum systematum ampliores orbes subinde adscendens, immensam vniuersi compositionem e longinquo persequitur, vnde demum redux circumscriptos physiographiae, quam homo glebae huic adscriptus moliri valeat, non potest non agnoscere cancellos. VI. *Commemoratis fabulis celebrioribus telluris ortum et vicissitudines can-*

*re ausis*, inanem spem pronuntiat, certi quid circa haec eruturum vllum vnquam fore terricolam. VII. *Tellurem*, qualis nunc habetur, spectans, eius *materiam, formam, mensuras* atque *motus* considerat. Et propius iam accessurus auctor, ante omnia perpendit, qua via liceat tutissime progredi; itaque comm. VIII. collatis methodis adhuc tentatis, nonnisi eam naturalem praedicandam censet, quae sua operum naturae recensione seriem quorumcunque iis inditorum similitudinis graduum fideli stylo reddat; cognoscendis istis similitudinum gradibus hanc legem statuit, vt singularum dotium complexus in singulis spectetur, momentum autem cuiuscunque dotis ex virtute colligatur, qua polleat in corporum eadem praedictorum adstruenda similitudine. C. IX. Phaenomenorum omne genus in tellure obuium ad triplex huius naturae imperii theatrum reuocat, quod *corticis telluris tria strata* constituunt, extimum quidem volatilis indolis, firmæ imum, fluidae intermedium. Praemissa generaliori stratorum consideratione, in sequentibus per singula itar; C. X. *Phaenomena strato volatili propria* exponens, ea primum recenset, quae ad *aërem* pertinent, deinde ea, quae ad *lumen* referri possunt, demum quaecunque *inhospitantibus* corporibus tribuuntur. Sic et C. XI. *aquae et inhospitantium*, XII. *continentis eiusque incolarum* memorabilia praecursorie perstringit. C. XIII. *Mutuas singulorum stratorum relationes et cooperationes* tractat ad complendam oeconomiae telluris generatim spectatae sciagraphiam. C. XIV. iaciendis scalae operum naturae fundamentis impenditur; haec commentatio, vberimam, quam nunc rerum natura offert, *varietatem a simplicissimis primordiis* repetitura, subtilioribus physicae sublimioris tricis nonnihil implicauit nostrum, *simplicis* quippe ac  
corporei



*corporei* primum naturam inuestigantem, *corporum-*  
que adstruentem *originem ex simplicibus*, virtute  
atque nisu, ad statum modum ad se accedendi,  
praeditis, sic in congeries sensibus percipiendas  
concedentibus. Deducta inde *vi cohaesionis, resi-*  
*stentiae, elasticitatis*, contiguorum corporum *attra-*  
*ctio* ex eodem fonte deriuatur; qua stabilita, cen-  
trum petens *grauitatio* momento vindicatur, quod  
resistentiae corporis in centro locati ex vndequa-  
que fulciente reliquorum actione non possit non  
accedere. *Gravitatio* porro intelligendae adhibe-  
tur *conglobationi* molis vniuersae congestorum cor-  
porum, tum et horum vi, quam ab *inertia* denomi-  
nant, suam in globo sedem sustinendi. Globi dein  
circumacti, sic et occurfantium extraneorum cor-  
porum sollicitationes experientis, *rotatorius ille*  
*motus centrifugae vis* rationem reddit. *Confliscans*  
haec cum *grauitatione* primum instrumentum  
praebet varietatis ex ingenita simplicitate emer-  
gentis, iamiam *elementorum triga* prodeunte, dum  
*terreo* accedat *aqueum, aëreumque*, quae, vt cohae-  
sione laxiore potissimum ab illo distant, sic et strato-  
rum corticis telluris supra memorato ordine te-  
norem legum modo expositarum ad amussim sus-  
tinent, eminente in extimo strato et aëris impe-  
rio et vis centrifugae efficacia, in proximo praeua-  
lente aqua, cuius natura dubium quasi centrum  
petentis atque fugientis vis conflictum exprimat,  
illa demum inde ab imi strati limitibus magis ma-  
gisque centrum versus praeponderante. Postre-  
mo loco quartum *elementum igneum*, obscuro in se  
planetae alienum, ex astris accedens materiae  
penum absoluit, cuius multiplici dein connubio  
immensa *mixtorum* vis debetur. Sed et *struendi*  
*potestate praeditae vires* quaedam nouo labori ma-  
teriem subiiciunt, fabrefactisque suis sibi habitacu-

lis et organis, iiscum *opera naturae organica* constituunt, omni oeconomiae apparatu ab antedictis inorganicis quam distinctissima. Organicorum operum naturae pars nobilior, *percipiente* praeterea *vi* animata, supra ea, quae sui nescia absque sensu vegetant, euecta, *animantium* nomine nota; horum tamen pleraque, *bruta* inde dicta, insuperabili, corporis vnice commodis prospiciente, *instinctu* reguntur, exemto solo *genere humano*, liberi, nec illimitati tamen, arbitrii insigni praerogatiua donato, summumque scalae fastigium hoc sibi titulo vindicante.

*Altera Pars*, ad specialem operum naturae considerationem pergens, *inorganica* primum tractat, quorum itaque *naturam* I. commentatio exponit. II. Disciplinam huic obiecto consecratam explicat, docetque, vniuersum corticem telluris in hac disciplina, monticolis metallurgisque primum exculta, veluti immensum *montium systema* spectari consueuisse. Eius nunc *fabricam* C. III. persequitur; IV. *materiem*, cuius legitimam recensionem C. V. parat, tradens *fundamenta commensurationis* singulorum corporum inorganicorum, montuosi corticis telluris multiuariam compositionem ingredientium. Omnis istorum corporum *varietas* ad *duplicem fontem* reducitur, alterum in *materiae diuersitate*, alterum in *compositionis modis* quaerendum; *prioris* quidem potior in dotes horum corporum praecipuas potestas eiusdem in significandis necessitudinis eorum gradibus statuere videtur *praepollentiam*. Ad id momentum porro illustrandum expenduntur *rationes particularum* corporis cuiusque inorganici magis magisque simplicium, tum *integrantium*, quae *partes aggregationis* audiunt, tum *constituentium*, quas *mixtionis partes* vocant, *elementorum* quoque *singulorum peculiarium*



*rium quarundam dotium feracium, et chemicae adfinitatis* adnotatur efficacia. In *compositionis* modis disquirendum venit, quo *ordine* particulae *dispositae*, quo *gradu* sint *unitae*? Vtraque consideratio vel *superficiem*, vel *nucleum*, *partesque* vel *integrantes*, vel *constituentes* spectat. *Particularum constituentium investigatus dispositionis ordo* ex *ratione corporum ad lucem transmittendam* aestimatur, quousque vel *pellucida*, vel *transparentia*, vel *opaca* deprehenduntur; *intimae texturae* nomine hunc corporum habitum distinguit Auctor ab *exteriore textura*, qua *ordinem dispositionis nuclei quoad partes integrantes* notatum vult; *exteriorem hanc texturam* vel *continuam* praedicat, nullo quippe particularum observabili discrimine, vel *interstitiis distinctam*, *magnitudine*, *proportione*, *directione*, *figura*, cet. variis. *Ordinem in superficie obtinentem formae* nomen significat, quae *externa*, aut *interna* Auctori dicitur, prout totum corpus, vel partes integrantes spectat; Considerationi utriusque eadem praefixa norma est: *Singularum nempe facierum*, ad efformandam superficiem collineantium, *figurae areaeque* observandae, tum *omnium*, ad numerum, proportionem, magnitudinem, omnemque situs rationem, exploranda *coordinatio*.

Generatim formarum inorganicorum corporum varietas ad has refertur: 1) *Forma crystallina*, (*Drusgestalt*) agnoscenda nitore ac figura regulari facierum, in canthia atque angulos collineantium; 2) *Forma dyscrystallina*, (*Misverdrusung*) quae nitore facierum, quin et regularis figurae, angulorumque atque canthiorum passim occurrentibus primordiis, inchoatum quidem crystallisationis opus, nunquam autem absolutum, sistit, imperfectis quippe relictis facierum figuris, angulorumque atque canthiorum suffocata quasi elaboratione; 3) *Forma lu-*

*dicra* (*Spielgestalt*), qua regularis quaecunque configuratio comprehenditur, ab indole crystallisationis aliena, aliisque fortuitis extraneisque causis illata, cuiusmodi sunt vegetationum nomine notae varie ramosae, gibbosaeque corporum inorganicorum efflorescentiae, pori, tophi, stalagmitae atque stalactitae, attritu rotundata, vel stillicidio erosa corpora mineralia, graptolithi, lithoglyphi, typolithi, impressione, incrustatione praecipitatione petrificatione aliena forma donata omnis generis fossilia; 4) *Forma rudis* (*Rohgestalt*), quam et *amorpham* vocant, nullam quasi habentes, quae dispositione regulari quacunque prorsus carent.

*Volumen* corporum prout ad dimensionum, *in longum, latum, profundumve*, aliam aliamque magis se componit, memoratis formarum generibus praecipuam modificationem addit, habitu nempe sic vel concentrato, vel elongato, vel dilatato. Distinguuntur inde crystalli tesseroideae, pyramidales, prismaticae, cuneatae, radiiformes, tabulares. Et in reliquis formarum generibus dicta dimensionum discrepantia triplicem habitus rationem praestat. Pergit nunc Auctor magis magisque, in singula eundo, in vltiore formarum ex novis modificationibus emergente varietate computanda, expensa singularum facierum in crystalli figura, numero, similitudine, magnitudine, proportionem, modisque combinationis, tum et reliquis formarum generibus propius spectandis; quam quidem specialiore tractationem ex ipso libro cognoscendam relinquimus. In aestimandis *unionis gradibus ad partes integrantes et constituentes, propiores, ac remotiores* primum attendit, tum *unionis gradus principales tres* distinguit, *firmorum, fluidorum, ac contiguorum*; postremo nempe loco corpora habet ad adspectum quidem in *vnam massam collecta*, particulis tamen liberis, neque



que obseruabilem diuulsioni resistentiam opponen-  
tibus; ex corporum cohaesionis hisce gradibus di-  
versis praeditorum varia miscela demum multiplex  
cohaesionis temperatura, *gradusque secundarii cum*  
*dotibus* inde profluis eliciuntur. Colophonem ad-  
dit *densitatum ponderisque* specifici consideratio.  
Positis his fundamentis superstruitur aestimatio  
momenti singularum memoratarum dotium in  
corporum inorganicorum significandis necessitu-  
dinibus.

Vniuersum *regnum inorganicum* in tria agmina  
diuiditur, *terrarum, salium, inflammabilium*; negat  
enim Auctor, dotem allegari posse, qua aequipol-  
lens naturae salium atque inflammabilium a terris  
manifesto discrimini doceri possit metallorum ab  
iisdem discrepantia. *Terrarum tres classes* consti-  
tuit: primam *vitriinarum* (*Glaserden*), quas siliceas  
alii appellant, durissimarum, rigidarum, neque aqua  
emolliendarum, primitiuam terrei elementi indo-  
lem sic prae reliquis sustinentium; secundam *mol-*  
*lium* (*Weicherden*), nunquam priorum duritiem  
attingentium, aqua emolliendarum, acidis solubi-  
lium; tertiam *metallicarum* (*Erze*), pondere, opaci-  
tate, nitore proprio distinctarum, plus minus ducti-  
lium aqua non emolliendarum. *Metallorum* in-  
doles terreo elemento salium atque inflammabilium  
ope temperato, *terrarum mollium*, salini maxime  
acidi aërei in terram potestati, *vitriinarum* maiori  
terrei elementi puritati ingenium tribuitur. Vi-  
trinae terrae primitivae praerogatiua vindicatur.  
*Triplex* in hac classe puritatis gradus adnotatur, vt  
*primam phalangem* meraciores, pellucidae consti-  
tuant, *secundam mixtae*, quarum pelluciditas, vna  
cum reliquo puritatis charactere, suscepta pereгри-  
na materie, turbata sit, *tertiam interpolatae*, manife-  
sto heterogeneorum consortio variegatae. Sum-  
mum

mum puritatis fastigium affecutum Auctori videtur  
*quarzum pellucidum excolor*, quod, ceu exemplar  
 praerogatiuas classis omnes integerrime sistens, a  
 colorato et pelluciditate iam orbato quarzo remo-  
 vere, primumque classis genus constituere visum  
 fuerit Auctori, iiscum tamen curis posterioribus  
 coniunctum intelleximus. Duritie eminentes *gem-  
 mae* cum *colorato quarzo pellucido* in secundam ter-  
 rarum vitrinarum puriorum sectionem seponuntur.  
 Mixtarum terrarum vitrinarum agmen ducit *Quar-  
 zum pelluciditate exutum*, terra calcarea inquinatum;  
 vltior iuxta calcaream peregrina admixtio quinque  
 generibus tribuitur, quorum primum est *Silex pyro-  
 machus vulgaris*, vermium marinorum glutine fe-  
 tus, II. *Petrofilex aequabilis* WALLERII, magnesiā  
 continens, III. *Lapis corneus Germanorum* CRON-  
 STEDII, margam suscipiens, IV. *Spatum scintillans*  
 WALLERII, cui Auctor noster acidum fluoris in-  
 esse, cum MARGGRAFIO et PINI existimat, V. *La-  
 pis Lazuli*, et gypseo, et martiali pigmento tin-  
 ctus. Terra aluminari sola imbutis terris vitrinis  
 nomen *Flint* ponitur, magnesia praeterea portio-  
 nem admittentibus *Afterflint etc.* calcareo inquina-  
 mento fetis *Kalkflint*, terram vegetabilem fouentibus  
*Holzflint*. Magnesia fetae terrae vitrinae *Flins* vo-  
 cantur, *Afterflins*, cum terra aluminaris, *Kalkflins*,  
 cum calcarea superaddita fuerit. Ferro aucta ter-  
 ra vitrina granatum constituit, pseudogranatum,  
 cum immixta sit magnesia, *Eisenschlag*, cum ter-  
 rae aluminaris additamentum obtineat. Subiun-  
 guntur aliis metallis fetae terrae vitrinae. Demum  
 vulcanica quaedam producta haecenus seponuntur,  
 quamuis ea terris vitrinis, magnesia, calce ac ferro  
 imbutis, adscribi posse, verosimillimum habeat Au-  
 ctor. Interpolatae terrae vitrinae ad easdem le-  
 ges disponuntur. Singula genera ita tractantur, vt  
 primu



primum partes constituentes ipsis essentiales vna cum dotibus inde profluis toti generi competentibus exponantur, tum species ex accessoriis inquinamentis, varietates, lususque ex formae discrepantiis definiantur, adiectis demum adnotationibus circa locum natalem, originem, copiam, alia memorabilia. Nomina Auctorum eo studiosius collecta sunt, quo magis nostri genera aequae ac denominationes ab aliis haud raro deflectentes talem cautelam deponere viderentur.

Idem auctor sui operis ipse rationem reddidit in libro sic inscripto:

X.

*Ueber seine Bearbeitungsart der Naturgeschichte.*

*Von G. K. CH. STORR. Stuttgart. 1780. II 2*

*S. 8.*

Quam vehementer suae methodi diligens examen optet, pluribus in fronte libri testatur Auctor noster. Memorata dein in transcurfu variorum de superiore libro sententia, consilii sui rationes fusius exponit. Nominum paulo frequentius propositorum antea inusitatorum in necessitate plane ineluctabili veniam quaerit. Perspicuitati adiectis vbique explicationibus prospectum fuisse docet. Vniuersam porro operis indicati contignationem ita persequitur, vt rationes instituti vbique argumentis firmatas lectori sistat, aliquando etiam experimentis chemicis primum nunc in lucem editis indolem aliis aliisque corporibus ab Ipso adscriptam comprobet. Postremo loco, specimen editurus, quam longe absit a subterfugiendo scrupulosiore suae methodi examine, modum proponit, quo illud ita sit instituendum, vt fabrica systematis plenius exploretur, pateatque, quousque eius vsus, in tradendis

dis certis, plenis atque rite ordinatis operum naturae delineationibus, aequorum arbitrorum se iudiciis comprobaturus sit? Exempli loco ipse periculum facit reuocandae ad examen quarzi speciei, quam Ill. BORNIVS Quarzum vocat hexaëdram diaphanum acaule, pyramide vna hexangulari, prismate nullo. Tale quarzum Auctor noster ad ductum suae methodi a summo partitionis fastigio ad infimum persequitur, experturus, numne genuini iudices scalam Auctoris aptam sint deprehensuri, reddendae naturali ac perspicuae recensitioni totius seriei quarumcunque dicti corporis cum reliquis relationum?

XI.

Prodromus methodi mammalium — Praef. G. C. C. STORR. Respondente F. Wolffer. Tüb. 1780. plagg. 6  $\frac{1}{2}$ . 4.

**D**iffertatio haec inferuit penitus intelligendae methodo Cl. Auctoris. Prima consideratio dissertationis huius spectat methodi vere naturalis rite intellectam ideam, vindicandam a contemptu artis, abusu nimium exosae redditae plurimis etiam praestantioribus naturae consultis. Consilium, in quo spem maximam successus Auctor collocat, hoc est, ut caute statutarum legum moderamini vniuersum opus submittatur. Primarium huius instrumentum *pertica* constituit, qua in commetiendis operum naturae organicorum similitudinibus tuto vbique uti liceat. Perticam in hoc naturae regno aliam, quam in regno inorganico, requiri, collata vtriusque docet oeconomia. *Pensis* quibusdam operum naturae organicorum quodcunque adhiberi, consentaneo adeoque *instrumentorum apparatu* gaudere, ante omnia statuitur. Instrumento-  
rum



rum nunc in significandis animalium necessitudinibus momenta ex pensorum, quibus famulentur, grauitate aestimantur. In animalis machinae oeconomia praecipue illius apparatus partes celebrantur, qui sanguinis naturam atque circuitum spectat; quod principalis ac vniuersalis huius laticis ingenium quamplurimum in omnem valeat et fluidam et firmam reliqui corporis partem.

Discrimen in hoc apparatu obuium *rempublicam animalium* in duo agmina diuidit, et veteribus agnita, qui sanguinea et exsanguia distinguere consueuerunt. *Rubrisanguium* itaque *primum agmen* est; animalium nimirum rubrum sanguinem aurito corde mouentium, respirantium, ossea compage mollioribus partibus subiecta praeditorum. Noui porro sanguinehi apparatus modi diuisionem huius agminis praecipiunt, *primaque eius acies* animalia habet calido sanguine, corde gemino, discreta vtriusque cordis auricula, binis artuum paribus, humore perspirabili, ac ossibus praefirmis gaudentia. *Calida haec animalia* ex vltiori oeconomiae suae discrepantia ad duplex vitae genus diuergunt, vnde eorum *duae classes* constituuntur.

Prima *mammalia* complectitur, quae, piliferis integumentis, tectis his maxillis osseis, dentiferis plerumque, artubusque sibi subsimilibus praedita, maturos fetus nudos in lucem edunt, lactiferis mammarum mammis enutriendos. *Sedes* mammalibus non eadem omnibus facta est: Maxima quidem eorum pars in terra potius vitam agit, quam in aquis, quibusdam tamen aquam magis, quam terram, habitantibus, aliquibus et aequori perpetuo commissis. Triplici itaque vitae generi haud parcior respondet fabricae mammalium varietas, in *tribus* huius *classis phalangibus* manifesta. *Terrena* nempe absolutissima artuum fabrica eminent, qui, ab  
exortu

exortu liberi, commodeque trunco nexi, multiplici et artificiosissimo perficiendo motui aptati sunt: haec *phalanx pedatorum*. *Aquatili magis, quam terrestri, vitae deditis minus in artubus habilitatis est, quum integumentis trunci ultra medietatem includantur, postremique praecipue artus ad imum ventrem reuincti, qua parte demum solutiores prodeunt, apices porrigant ad incessum minus idoneos, ad remigandum contra magis aptatos, complanatos, expansosque. Corpus praeterea circa pectus ampliatum, hinc magis magisque extenuatum, sic quoque piscium quandam habitudinem induit. Altera haec phalanx pinnipeda comprehendit.*

Magis etiam ab artuum perfectione terrestribus mammalibus familiari ea distant, quae perpetuo in aquis degunt. Anteriores horum artus potiore parte intra integumenta delitescunt, exsertoque apice in pinnarum modum efformantur, postremi abdita portione retrorsum tracti porrectis finibus horizontalem caudam referunt, reliqua etiam corporis facie ad piscium externam speciem adeo accedente, ut pisces vocare vulgus ea consueuerit. *Pinnatorum phalangem* haec constituunt. *Mammalia pedata* in ipsa artuum conformatione nouum crescentis varietatis specimen exhibent, teste *cohorte unguiculorum atque altera ungulorum*. Momento in oeconomia animalium perquam notabili, victui ut artuum magnopere inseruit ministerium, sic proxime manducationis et digestionis organa, mire et inuicem et cum nutrimento singulis expenso congruentia, famulantur. *Maxillarum* contemplatio determinandis ordinibus commode adhibetur: *Primus unguiculorum ordo* manducationis apparatu instructissimo et perfectissimo eminet, utraque maxilla dentium primorum, angularium, postre-



postremorum omni genere munita. Intelligen-  
dis passim obuiis anomaliis hic occurrentibus pecu-  
liaris dicata est consideratio, observationibus hoc  
momentum variis, etiam nouis, illustrans. *Prima-*  
*tum* nomen LINNAEI dudum auctoritate stabilitum  
primo huic ordini seruator. *Secundus roforum or-*  
*do* dentibus angularibus destitutus primorum fabri-  
ca, victui horum animalium exquisite accommodata,  
satis superque distinctus est. Manca dentarii ap-  
paratus conditio *tertium ordinem* signat, cui subie-  
cta animalia *muticorum* nomine comprehendit Au-  
ctor. *Vngulorum cohors tres* aequae ordines sistit,  
primum *iumentorum*, quae cum vnguiculorum  
primo ordine commune habent, quod dentium  
omni genere ambae maxillae polleant. *Ruminan-*  
*tium ordo*, alter, notissima maxillarum ac ventriculi  
conditione omnibus agnoscitur. *Tertium belluae*  
constituunt, maxilloso ore, dentosisque maxillis emi-  
nentes.

*Primum ordo* peculiarem artuum difformita-  
tem exhibet, quum aliis in manus efformentur ar-  
tuum apices, remoto et prae reliquis digitis exten-  
sili pollice, aliis manuum subsidio orbatis. Sic  
ordo hic in *missus binos* abit, *primum manuorum*,  
*alterum emanuorum*. Manuorum missus denuo,  
prout vel palmae, vel plantae, vel vtraeque ma-  
nuatae sunt, *tres sectiones* dimittit, primam *palma-*  
*rium*, cui palmae solae manuatae sunt, nec plantae;  
*unum palmarium hominis genus* est. *Palmoplanta-*  
*rium* sectio genera complectitur *Simiae*, *Prosimiae*  
BRISSONII, *Procebi*, (quod genus Lemur Catta  
LINNAEI statuendum postulat,) *Tarsii*, *Lemuris*  
(volantis illius animalis, Lemur volans auctoribus  
dicti, at generico discrimine a reliquis distantis,  
quae alias ad idem genus reuocari solent.) *Plan-*  
*tarium* sectioni duo genera subsunt: *Didelphis* et  
*Phalanger*.

*Emanuatorum missus* prima sectione nocturna complectitur animalia, *vespertilionem*, *foricem*, *talpani*, *erinaceum*, *melem*, *gulonem*, *melliuram*, *ursum*, *nasuam*. Ad secundam sectionem referuntur *procyon* (*ursus lotor* LINN.) *canis*, *hyaena*, *felis*; postremum genus in peculiarem scissionem a reliquis secedit, vncis hamatis, retractilibus distinctum, istis contra fixis, patentibusque unguibus praeditis. *Tertiae sectioni* subsunt *vierra*, *mustela*, *lutra*.

In *rosorum ordine* genera distinguuntur haec: *hystrix*, *castor*, *mus*, *glis*, *sciurus*, *lagomys*, *cauia*, *procauia*, *lepus*. *Muticorum ordinis* genera sunt *bradypus*, *cataphractus*, *pholidotus*, *myrmecophaga*. *Un- gulatorum primum ordinem*, *iumentorum nomine* insignitum, unicum equi genus constituit; alterum *pecora*, quo referuntur *camelus*, *giraffa*, *aries*, *antilope*, *taurus*, *cervus*, *moschus*. *Tertius ordo*, *belluis* dicatus, generibus componitur suis, *hydrochaeri*, *rhinocerotis*, *elephantis*, *hippopotami*.

*Pinnipedum phalanx* quatuor saltem genera sistit, *phocam* nempe, *rosmarum*, *trichechum*, atque *manatum*. Nec plura hactenus in *Pinnatorum phalange* innotuerunt, his quidem: *Delphinus*, *Diodon*, *Physeter*, *Balaena*. *Adiectae tabulae* adnotatorum similitudinis graduum scalam faciliori negotio lustrandam oculo exhibent: Prima quidem generalior ad ordines usque descendit, tres specialiores ordinum subdiuisiones ad genera usque persequuntur, omnes autem ita distributae sunt, ut specialioribus ad generaliore inferne adfixis in communem mappam colligi possint.



XII.

Eclogae botanicae e dictionario regni vegetabilis Bucholziano collectae, exhibentes plantarum antea ineditarum icones ad prototypa accuratissime expressas cura A. L. WIRSING, Chalcographi Norimbergensis, cum descriptionibus et adnotationibus necessariis. Manipulus. I. Norimb. MDCCLXXVII. plag. I. tabb. aen. X.

**L**audandum omnino est Editoris consilium, quo, praetermissis plantis iam cognitis, et vel centies depictis, ex vasto et sumtuoso opere Bucholziano delegit rariores, parum cognitae, vel nouiter detectae, easque diligenter et fide depictas tradidit. Plantarum integrarum effigiei adiunctae sunt plerumque partes fructificationis naturali et aucta magnitudine. Quum omnibus botanicis haec collectio utilis sit, atque eius praestantia praecipue in iconismis cernatur, superfluum foret descriptionibus plantarum immorari: sufficit potius nomina earundem indicasse. Delineatur itaque

Tab. I. *Gardenia florida.*

Tab. II. *Salvia coccinea.*

Tab. III. *Aletris bifolia.*

Tab. IV. *Moraea vegeta.*

Tab. V. *Saxifraga crassifolia.*

Tab. VI. *Dalechampia scandens.*

Tab. VII. *Ononis crispa.*

Tab. VIII. *Andromeda racemosa.*

Tab. IX. *Arum balearicum.*

Tab. X. *Pedicularis Labradorica.* Haec quidem planta in Bucholziano opere non continetur, sed cum antea neque descripta, nec depicta sit, et no-

viter detecta, addita est. Color corollae flauus est. Accedit ad *Pedicularum* caule ramoso, calicibus oblongis quinquefidis crenatis, floribus laxè spicatis. GMELIN flor. Sibir. tom. 4. p. 203. t. 3. Optamus continuationem harum eclogarum.

### XIII.

Plantae rariores, quarum primam decadem accurauit et illustrauit D. CHRISTOPHORVS IACOBVS TREW, S. R. I. Nobilis et comes Palatinus ac rell. posteriorum curam et illustrationem suscepit D. BENEDICTVS CHRISTIANVS VOGEL, Med. et Bot. Prof. Publ. Altorfinus, auxiliante arte sua et toleratis sumptibus ADAMO LVDOVICO WIRSING. Decas II. Norimbergae, ex officina Gustauì Philippi Iacobi Bieling. MDCCLXXIX. fol.

Accepta erit omnibus botanicis haec operis splendidi continuatio. suscepta a Cl<sup>o</sup>. VOGEL, aliis botanicis operibus iam Clarissimo, atque adeo feliciter exsecuta, vt laudibus omnibus digna sit. Cui quidem felici successui profuit etiam plausu omni celebranda munificentia perillustrium et generosissimorum Academiae Altdorfinae Curatorum, inprimis PAULI CAROLI WELSNERI, qua pictor plantarum, artis suae gnarus, adesset, qui plantas raras in horto Altdorfino florentes pulchre et accurate depingeret: tum etiam cura atque ars, quibus WIRSINGIUS eas in aes incideret, et imagines ad naturam viuìs coloribus ornaret. Adest igitur iam penus pro tertia decade, quam absque intermissione secuturam esse pollicetur Cl. Auctor.

In illustrandis plantis secutus est TREWII normam ac methodum Cl. VOGEL, subinde tamen ab  
illa



illa recessit, conferens partes fructificationis cuiusvis plantae cum charactere generis naturali. Praeter LINNEI genericum characterem, etiam ADANSONIANVM, tum quoque ordinem LINNEI artificialem, et Eiusdem ordinem naturalem cum Büttneriano titulo attulit: LUDWIGII autem classem, ordinem et genericum characterem breuiter tantum attigit, vel plane omisit. His generatim ex Auctoris Cl. praefatione excerptis, de singulis iam plantis videamus.

Traditur igitur

Tab. XI. *Crassula obuallata* LINN. Circa genus p. 2. hoc monet, se non posse adsentiri Cl<sup>o</sup>. SCOPOLI, qui genus *Crassulae* cum generibus *Semperuiui*, *Rhodiolae* et *Sedi* ob conformem fructificationis partium habitum suo *Sedo* subdidit. Etenim, si ita limites generum protendantur, genera fierent familiae, quae rursus in genera inferiora diuidi deberent, atque sic specierum cognitio difficilior redderetur: qua quidem in re non possumus non, quin cum Cl<sup>o</sup>. VOGEL faciamus.

Tab. XII. *Crassula cultrata* LINN. quae differt p. 3. a Cr. obuallata, cui valde affinis, caulibus maioribus, inferius ultra eorum medietatem nudis, semper tortuosis; foliis duplo fere minoribus, obtusioribus, laeuioribus, obliquis, remotioribus; florum panicula magis arctata; petalis absque lamina ouali in vngue, germinibus magis gibbis et breuioribus. At conuenit cum eadem toto habitu, panicula glomerata, floribus minimis subluteis, petalis spatulatis globulo terminali, staminibus inter petala enatis et pistillis conniuentibus, recuruis. Etsi haec planta iam bene in DILLENII horto Elthamensi depicta est, tamen, vt ne confundatur cum Cr. obuallata, vtrasque depingi curauit.

p. 5. Tab. XIII. *Lepidium perfoliatum* LINN. Monet Cl. Auctor, in LINNEI caractere generico esse siliculam, non emarginatam, sed *subemarginatam*, non cordatam, sed *subcordatam*, nec polyspermam, sed *oligospermam*, valuulasque naiculares dicendas: aliter enim haec planta Lepidii characteri non respondet.

p. 6. Tab. XIV. *Sophora coerulea*, foliis ternatis petiolatis, foliolis ellipticis glaucis, stipulis petiolo maioribus ensiformibus: a MILLERO *Crotalaria alba* in *Dict.* 5. num. II. dicitur: facta est haec icon iuxta EHRETI iconem originalem. Legumen vidimus in hortis nostris; non est, ut LINNEUS dicit, longissimum et tenue; sed breuiusculum, pollicis longitudine, et subovale.

Tab. XV. *Tragia volubilis* LINN. Historiam et descriptionem huius plantae bonam tradit Cl. Auctor: icon tradita, ad EHRETI prototypum facta est.

Tab. XVI. *Atropa solanacea* LINN. Syst. veg. 13. p. 185. Ex caractere proprio tamen apparet, hanc plantam cum atropae caractere generico combinari non posse; sed potius ad solani characterem accedere. Corolla enim est magis *rotata*, quam campanulata, stamina corolla non longiora, nec distantia, sed *multo breviora*, et *antherae connuentes*, subcontiguae, apice poro gemino dehiscentes; bacca non globosa, sed subrotunda et apice punctato notata. Itaque, cum nec fructificatione, nec habitu, a solanis semoueat, recte Noster colligit, hanc plantam solano, cui olim subdita erat, restituendam esse.

Tab. XVII. *Mespilus crus galli* foliis cuneiformi-ouatis subincisis serratis glabris, ramis subspinosis: ita dicit *Crataegum crus galli* LINN. sed forte ex errore typographico: etenim, quamvis Cl. Auctor cum HALLERO sentiat, qui genus *Crataegi*, *Sorbi*  
et



et *Mespili* coniungendum esse putavit; tamen in tabula nomen Linneanum mansit, neque mutationis rationem Cl. Auctor indicavit. Caeterum in distinguenda hac specie omnem curam posuit Cl. Auctor.

Tab. XVIII. *Anchusa italica*, foliis lanceolatis undulatis, summis acuminatis; squamulis faucis corollae penicilliformibus. Magna est Auctorum in hac planta confusio, cum in nonnullis *Anchusae officinali* sit perquam similis. Differt autem ab *A. officinali*, haec *A. italica*, habitu stricto, strigoso, foliis undulatis, summis semper acuminatis, bracteis flore minoribus, floribus pedunculatis, calicibus florum longitudine, quinquepartitis, laciniis linearibus, seminiferis non inflatis, conniuentibus, corollae limbo quinquepartito, squamulis penicilliformibus, seminibus maximis. Synonymiam huius plantae studiose determinare est annisus Cl. Auctor.

Tab. XIX. *Salvia Canariensis* LINN. Distinguitur ab aliis salviae speciebus, quod caulis sit niuea laxa et multa lana obductus, foliorum figura triangulari hastata et calix quasi trifidus.

Tab. XX. *Impatiens noli tangere* LINN. nempe p. 22. varietas *Virginiana*, ab EHRETO solo depicta, ad cuius prototypum haec imago facta est.

Caeterum praeterire nos oportuit doctas historicas et litterarias observationes, et ipsas concinnas descriptiones, quas Cl. Auctor proposuit, quae a Lectoribus ex libro ipso sunt repetendae: optamus modo, ut Cl. Auctor promissis suis stet, atque tertiam decadem proxime publici iuris reddat.

XIV.

FRANZ SALVATOR MORAND *vermischte chirurgische Schriften. Aus dem Französischen. Nebst einer Vorrede von Herrn D. ERNST PLATNER. Leipzig bey Christian Gottlob Hilscher, 1776. 8. Seitt. 449. praeter praefationem et summam capitum.*

i. e.

Miscellanea chirurgica scripta, auctore Cl. FRANCISCO SALVATORE MORAND.

**V**iri profecto in arte chirurgica periti scripta, duobus voluminibus comprehensa, ab ERNESTO PLATNERO in vnum coacta et collecta sunt volumen. Quod quidem, cum nihil utile, sed amplius dicta tantum omissa sint, Lectoribus pergratum erit. Quinque capitibus hoc opus constat, quorum primum observationes varias, secundum super varias lithotomiae species animadversiones, tertium practicas annotationes, quartum observata diario Regiae Academiae Parisiensi scientiarum inserta, et quintum vulnera sclopetorum complectuntur.

p. 12. Primo capite sunt hae observationes: De vulnere capitis per bombardam manuariam. De abscessibus in cerebro. Carie cranii detecta et abscessu cerebri explorato trepanatio tentabatur, et pus dein feliciter cum corrupto cerebro euocabatur. Aeger quinquaginta et vnus annorum sanitati prorsus restituebatur. Hoc exemplo insensibilitatem totius cerebri demonstrari affirmat Noster, excepto centro ovali, cuius sentiendi facultas nota Nostro est ex aliis casibus; inprimis vero demonstrat hic sensibilitatem meningum ex iniectionibus, quae ingratum sensum effecerunt. Por-



ro hic disputatur de abscessibus internis capitis, minime semper letalibus, modo pus possit euacuari, quod quidem hoc in exemplo naturae vi penetratum est. Omnino meningum extensio et vasorum compressio in pia matre, accumulatis interne impuritatibus, periculosiores a Nostro iudicantur, omni cerebri mutatione. Quatuor annos et quinque menses iamiam sanitate plena fruebatur hic vir, cum haec scriberet Cl. Auctor.

De magna fractura cranii. Frustra ossea in am- p. 16.  
bitu nouem pollicum erant.

De amputatione femoris ex articulatione supe- p. 21.  
riori. Est ea, vti Nostro videtur, tum instituenda, cum in ea cernitur vnicum remedium mortem arcendi. Persequitur hic Cl. Auctor difficultates huius operationis. Ac primum quidem est valde crudelis operatio, vulneris magnitudo consideratur, difficilis est haec amputatio, noxa etiam ex retractione musculorum oritur, de haemorrhagia praeterea timendum et denique de resorptione. Qui- p. 33.  
bus illustratis, memoratu digna exempla animalium Noster enarrat, in quibus haec operatio facta est, additque hic Cll<sup>orum</sup> VOLHER et PUTHOD de eadem operatione scripta. Prior hanc operationem in vitae periculo fieri posse ratur, cum haemorrhagia sedari et integumentorum ratio ita haberi possit, vt sanatio acceleretur et aditus aëris impediatur. Posterioris tractatus sex sectionibus absolui- p. 53.  
tur, quarum prima ostendit, quo modo inter operationem sit temperanda haemorrhagia: secunda, quo modo totum femur amputandum et limbus carnis resectae sufficiens sit relinquendus: tertia, quo modo, finita amputatione, sanguinis effluxus sit impediendus: quarta, quo modo vulnus et symptomata superuenientia sint tractanda: quinta, quando ea sit suscipienda, et sexta, quae bonae et malae in-

de sint expectandae sequelae. His bene expensis, concludit Cl. PUTHOD, hac operatione posse succurri eiusmodi aegris, atque de eadem multa perutiliter collegit.

p. 92. De humero cum scapula auulso a rota molae. Auctore Cl. BELCHIER. Aeger, etiamsi magnum sanguinis profluvium passus, et auxilium commune aequae, ac chirurgicum diu dilatum est, tamen prorsus restituebatur sanitati.

p. 96. Examen scripti de amputatione membrorum per Cl. BILGVER \*). Non ubique consentit Auctor cum Cl<sup>o</sup>. BILGVER, cuius tractatum Cl. TISSOT in linguam Francogallicam transtulit, qui quidem refutatur, quod quaestionem ab Academia Parisina \*\*) propositam aliter explicuerit, quam voluit Academia. Quae nempe minime omnino urgebat in hac quaestione amputationem. Id quod quoque ex duobus commentariis, praemio ornatis et a Cl<sup>l</sup>. LE COMTE \*\*\*) et LE FAVRE perdocte elaboratis facile intelligitur.

p. 123. In secundo capite de variis lithotomiae speciebus disputatur. Malumus hic Lectores ad doctam, diligentem et completam tractationem, quam quoque a Cl. MORAND facile expectabit quilibet, legendam inuitare, quam quaedam breuiter tantum hic commemorare.

p. 306. Progrediamur ad practicas graues obseruationes, quae simplicitate se commendant, quapropter quoque parcebat operationibus, easque, si instituendae erant, quantum fieri poterat, mitigabat. In prima sectione chirurgici morbi abdominis et eorum operationes continentur. Ventriculo cibus pleno gladio perforato, vomitorium bis cum fructu propi-

\*) v. comm. nostr. Vol. X. p. 714.

\*\*) v. comm. nostr. Vol. II. p. 173. Vol. IV. p. 356. Vol. VI. p. 171.

\*\*\*) ibid. Vol. IX. p. 81.



propinabatur. Suadet hic Noster vomitoria ad vulnus imminuendum. Enarrat vero aliquot casus, vbi hoc remedium plane nullum habet locum, e. gr. vomitu spontaneo s. sanguineo praesentibus, in quibus tamen quoque aliis remediis sanatio est recuperata.

Abscessibus hepatis apertis, Noster album p. 311. pus reperit, id quod raro accidit, plerumque colorem habet hepatis similem. Tumores fungosi intestini recti eius ambitum ita angustant, aucta tumorum horum magnitudine, vt id prorsus claudatur. Abeunt quoque in carcinomaticam indolem, nec ullam tum admittunt sanationem. Ruptum inde quoque esse intestinum Noster obseruauit. Fistulas ani et vrethrae cet. iam considerat, iisque succurrendi difficultatem demonstrat, et peregrina corpora interdum in iis obseruauit, vt globum, acum cet. p. 313. p. 314.

Herniotomiam saepe et feliciter fecit Cl. MORELAND, et recte huius operationis felicem successum illi tribuit proposito, quod non diu eam distulit. Nimis coacta repositione rupturas intestinorum Cl. MARECHAL animaduertit. Enarrat Noster exemplum viri quadraginta et sex annorum, qui, praesentibus symptomatibus malignissimis, hanc operationem feliciter passus est, eoque probat et tum posse eam suscipi. In hernia, mortuo et dissecto aegro, inuenti sunt officula parua suilla et nuclei ceraforum, collecta in massam quandam et indurata. Alio tempore officula veruecina sunt reperta. p. 323. p. 324. p. 329. p. 331.

De sarcocoele et impuritatibus variis in scroto et eius operatione. In iuuenis testiculo obdurato, castratione exempto, vnus eius locus vere osseus erat. p. 338. p. 340.

De magnis latentibus abscessibus in renibus et vicinis partibus. Nonnullis sponte externeque sese aperientibus, calculi exierunt \*).

De

\*) Vid. simile nec adeo crebrum exemplum icone illustratum

- p. 347. De hydropo et hydrocele. Loco feri Noster inuenit gelatinam spissiore. Hydropem faccatum in feminas solas cadere et plerumque ouarium occupare miramur. Detegitur ab initio in vno latere. Intra decem menses 427 mensurae aquae euocatae sunt ex femina vna. Singula vice viginti mensurae emanarunt. Morte appropinquante paracentesi crebrius instituere oportebat Nostrom, et copia aquae subinde imminuebatur.
- p. 351. De retentione vrinae, quae casu ab alto orta erat. De alia, quae per commorationem in ouili curabatur. Non plura, quam tria exempla feminarum calculosarum Noster obseruauit.
- p. 353. De vulneribus thoracis. Per ventriculum cordis dextrum, diaphragma et hepar gladio quis perfodiebatur, et per nouem dies adhuc vixit.
- p. 357. De vulneribus capitis. Trepanationem instituit in futura squamosa cum felici successu. Urgente necessitate fontanella est aperienda. Cl. MEYER intra sexaginta annorum spatium ne vnum quidem trepanatione restituit. Id quod Nostro mirum videtur. Cl. MARECHAL dimidiam partem eorum, quos trepanauit, amisit in nosocomio. Alio tempore plus quam vices operationem hanc fecit, et fere non in vno frustra.
- p. 366. Ter feliciter nasi polypos Noster extraxit. Si vuula nimis propendet, eam aliquoties dissecauit.
- p. 373. Femina ob ipsam hanc causam ita lentescibat, de negato victu, vt de morte timeret. Noster arcessitus laesionem deglutitionis ab vuula nimis longa pendere sentiens, suadebat operationem, quae votis et expectationi aegrae satis respondebat. Saepenumero
- Noster,

Iustratum in dissertatione, obseruationes de calculis renalibus sistente, quae Lipsiae prodiit, Auctore IO-  
ANNE DANIELE REICHEL. v. comm. nostr. Vol. XX.  
p. 425.



Noster, et semper feliciter hanc operationem perfecit. Amputationis humeri ex articulo inuentio p. 386. non in Cl. DRAN, sed in patrem Cl. Auctoris cadit.

Finiunt hoc opus obseruata iam, vti supra monuimus, diario Parisino inserta et a nobis in nostris commentariis indicata \*).

XV.

D. CARL LEBRECHT SCHEFFLERS, *Churfürstl. Sächsf. Hofmedici, Amts - Land - und Bergphysici, und Med. Practici zu St. Annaberg, Abhandlung von der Gesundheit der Bergleute. Chemnitz bey Joh. Dav. Stößels Erben und Putscher, 1770. 8. Seitt. 243.*

i. e.

Tractatus de sanitate metallifossorum, auctore CAROLO LEBRECHT SCHEFFLER.

**D**e sanitate monticularum, et praesertim eorum, qui mineris effodiendis operam dant, vti in praefatione narratur, HIPPOCRATES et GALENVS, SENNERTVS, RAMAZZINI, PARACELSVS, PANSA et MATTHEVS KLINGEISEN, poliatri Annabergenses, STOCKHAVSEN, AGRICOLA, RAMLOV, VRSINVS, KOCHLATSCH, ALBERTI, HENCKEL, HOFFMANN, alique, quos Noster breuitatis ergo silentio praeteriit, tractarunt. Summa huius libri cernitur in sex sectionibus, quarum *prima* agit de sanitate in vniuersum, *altera* persequitur rationes, cur sua aequae ac metallifossorum sanitas curari debeat? *tertia* spectat differentiam sanitatis metallurgorum et aliorum; *quarta* respicit ad consuetudinem metallurgorum, quippe qua laesio sanitatis a metallurgo non tam facile et subito sentitur;

\*) v. comm. nostr. Indic. tripl. Imae et IIdae decadis.

titur; in *quinta* proponitur modus sanitatem metallurgorum conseruandi, additis diaetae regulis, et in *sexta* horum morbi in essentiales et accidentales dispescuntur.

p. 23. Missis iis, quae in prima atque secunda sectione differuntur, ad sectionem tertiam progrediamur.

p. 26. Hic quaerit Noster discrimen sanitatis inter fossiores et alios homines in aere, vaporibus subterraneis variis mineralibus impraegnato, item in

p. 29. motu, porro in quiete et somno. Aer in fodinis vel est copiosus ac superfluous, vel deest, vel subterraneis vaporibus singularibus mixtus. Differt itaque aer fossorum ab aere atmosphaerico.

p. 82. Remedia, quibus fossiores sanitatem conseruant, et quae iis morbos arcent, repetit Noster ex diaetetico fonte. Ac primum quidem vrget Cl. Auctor accuratam corporis disquisitionem, num illud iis viribus validis praeditum sit, quae necessariae sunt fossoribus. Id quod plerumque tam hic negligitur, quam in aliis vitae generibus: quemadmodum enim eorum corporum, qui militiae seruire cupiunt, natura accurate perlustratur, num huic vitae generi conueniat: sic quoque fossiores, et omnes omnino aliquod vitae genus electuri, deberent explorari, num corpus aptum atque idoneum habeant.

p. 85. Quapropter Noster hic in modum inquit, quo corpora eorum, qui fossorum vitae genus eligunt, debeant explorari. Fortes, validi et sani sint iis inprimis parentes. Ab infantia nullis grauibus morbis, vti sunt arthritidis, scorbutus cet. subditi, sed et omnino robusto corpore praediti. Nec serius ociusve fodinas petant. Porro respiciendum est in iis ad robur vitale et ad mechanicum, hoc disquirendum est metallurgis ipsis, illud physico medico. Non aetas quidem, sed vires definiunt tempus, quando  
ad



ad hos metallurgicos labores sese accingere possint, interim tamen ante annum decimum et quartum seu quintum aetatis eos Noster non admittit.

Iam disquiritur, quid fossoribus sit obseruan- p. 93.  
dum, et ad quasnam diaetae regulas sit iis atten-  
dendum. Omnes omnino subitaneae aeris vicissi-  
tudines sunt vitandae. Respiratione tarda sunt  
fodinae adeundae, nec salua est deglutienda. Non  
diu ibidem immorandum, neque ventriculo vacuo,  
sed absque timore iis laborandum. Antidotis contra  
noxias exhalationes est vtendum.

Item quaerit Noster, num venena possint ar- p. 107.  
ceri, et num iis, si in corpus ingesta sunt, queat  
resisti? Omne id, quod seruat humorum aequili-  
brium, arcet venena et omne id, quod aequilibrium  
humorum amissum restituit, venenis officit. Huc  
pertinet animi tranquillitas, mundities, balnea do-  
mestica et aquae minerales; motus lenis, ante-  
quam ad fodinas accedunt fossores, aqua pura  
fontana cet.

Inter optima remedia praeferuatua, si fossores p. 119.  
iam cobalti exhalationibus infecti sunt, refert hoc in-  
fufum, quod paratur ex herbis salviae, veronicae,  
floribus primularum veris, radicibus scorzonerae,  
bardanae, acetosae, helenii, polypodii, liquiritiae,  
pimpinellae albae, leuistici, petasitidis, dulcamarae,  
chinae ponderosae. Item collutiones oris ex her- p. 179.  
bis veronicae, capillorum veneris, radicibus dipta-  
mni albi et peucedani. Radici ipecacuanhae insi-  
gnem vim hic tribuit. Acidum antidotum con-  
tra saturnina a nonnullis insigniter laudatum  
prorsus reiicit Noster, quoniam tantum venenum  
per solutionem sistit.

Ad diaetam fossorum nunc sese conuertit No- p. 123.  
ster, quae cernitur in diligenti ciborum mastica-  
tione, nec in nimia repletione ventriculi, in cibo-  
rum

- rum electione accurata quoad sanitatem fossorum, in potulentorum modico usu, imprimis quod spectat vinum et cereuisiam, et calida potulentorum genera, vt Coffea et Thea. Puram aquam fontanam, quam inter praeferuatiua remedia fossorum supra iam Noster retulit, omnibus reliquis potus
- p. 146. generibus praefert Cl. Auctor. Somnum nocturnum quoque valde laudat, et imprimis iis suadet
- p. 151. fossoribus, qui aegrotare incipiunt. Excretiones duplici modo Noster contemplatur, primo alui, urinae et perspirationis insensibilis, quae potissimum apud fossores facillime turbatur, dein salivae,
- p. 165. sanguinis et feminis. Ad animi commotiones attendere oportet fossores, quarum moderationem inter praeferuatiua remedia numerat Cl. Auctor.
- p. 172. Venimus iam ad vltimam sectionem, qua morbos fossorum Cl. Auctor persequitur. Essentialis morbus eorum est asthma, quam ob causam a nonnullis asthma metallicum s. montanum appellatur.
- p. 184. Morbus fossoribus valde communis, qui dicitur Germanice *die Bergsucht*, secundum Nostri opinionem est febris lenta chronica cum glandularum atque pulmonum obstructione, et defectu elaborationis, secretionis, nutritionis et appositionis, quae partim ab arsenicalibus particulis deglutitis, lympham in glandulis pulmonum et asperae arteriae exsiccantibus, et proximam causam circulationis et densitatis sanguinis sal catholicum in pulmonibus corrumpentibus, pendet, partim a diaetae et omnino regiminis erroribus proficiscitur. Nutritionis enim defectus cernitur in laesa digestionem, quoniam in liquore gastrico, bile cystica et hepatica, succo pancreatico, liquore intestinali, moco et saliva, nec non in lymphis glandularum conglobatarum, vires sufficientes desunt. Atque ita vires a sale vitali, seu eo sale, quod regulares motus
- tus



tus tuetur et vitae inimicis officit, pendentes, adeo sunt dissipatae, vt summe irregularis motus intestinus seu irregularis motus humorum inde oriri debeat. Excretiones sunt, deficientibus secretionibus, ita vehementes in hac febre lenta chronica fossorum, vt, viribus subinde dissipatis, lymphæ nutritia et vis nutriendi prorsus desint, breuiter vt desit lumen et vita, vita in fluidis, lumen in solidis partibus.

Descripta hac febre lenta chronica fossorum, p. 133. ad causas occasionales et symptomata huius morbi Noster progreditur. Causae occasionales cernuntur in vigiliis nimis, in excretionibus nimis copiosis humorum nobilium, vt feminis, in variorum vaporum inhalationibus, in repentina aeris mutatione cet. Fossoris genitalia, vti in carcinomate, erosa vidit. Id quod pluries Noster obseruauit, et adscribit particulis arsenicalibus, et omnino mineralibus, quae hanc partem imprimis petunt, et erosiones ibidem efficiunt. Vertiginem Noster, quae prodit defectum plenum fluidi neruei cerebri, signum mortis proximae certum iudicat in hoc morbo. p. 190. p. 169.

Quod remedia attinet, radici chinae ponderosae multum virium tribuit in hac febre lenta fossorum; item radici cichorei hortensis. Corticis Peruuiani vsum in hac febre lenta prorsus reiicit Noster, et loco eius multo vtilius radicem dictamni albi suadet. Ad dolores compescendos et somnum conciliandum sequentem puluerem laudat. Recipe radicis dictamni albi drachmas duas, castorei scrupulum vnum, nitri depurati scrupulum dimidium, massae pilularum de cynoglossa grana sex. Misce, diuide in sex partes aequales. p. 201. p. 206.

Iam ad colicam saturninam Noster venit, cuius diuersitatem quoad symptomata quaerit in varie-

tate vaporum, arsenicalium, mercurialium, saturninorum, antimonialium, sulphureorum cet. Arsenicalibus vero et saturninis vaporibus plurimum tribuit ad colicam saturninam efficiendam, quoniam in his fodinis hic morbus maxime grassatur. Facilius est arcere hunc morbum, quam sanare. Os et nares sunt defendenda, vt vapores non adeo facile intrare queant; salua non est deglutienda, somno in his vaporibus plane non est indulgendum; non ieiuno ventriculo adeundae sunt fodinae, et inprimis antea et postea suadet lac tepidum, etiam aquam fontanam; spiritum vini, quem HENCKELIUS \* praedicauit, hic plane interdicit, eumque potius ad causas huius colicae refert.

p. 220. Inter remedia contra hunc morbum memorat Noster saponacea, herbas lactescentes, antimonium diaphoreticum cet. Vnguenta vero et linimenta, a nonnullis hic laudata, prorsus reiciuntur.

p. 222. Ad accidentales morbos, partim externos, partim internos, vt grauedo, catarrhales febres benignae, inflammationes, inprimis angina inflammatoria et erysipelas, obstructions hepatis et lienis e. f. p., Noster progreditur, et cum alibi de reliquis morbis dicere secum constituerit, inprimis hic de angina inflammatoria (*Bräune*) tractat. Lac in hac angina non conducit, et anginae eiusmodi curationem sine usu lactis et sanguinis missione commemorat Cl. Auctor.

p. 231. Narratur exemplum, vbi arteria cruralis laesa erat sine subsequente haemorrhagia, atque ita inscio chirurgo, suppuratione autem facta, liberabatur vulnus arteriae a compressione et haemorrhagia lethalis sequebatur.

\*) *Von der Bergsucht und Hüttenkatze, Freyberg 1728.*  
8. c. f.



XVI.

FRANCISCI GEBHARD, Medicinae et Chirurgiae  
 Doctoris, Professor. Anatomiae Friburg. Publ.  
 Ord. Artis obstetriciae Magistri, aduersaria  
 medica. Cum tabula aenea, Basil. apud Io.  
 Iacob. Flick. 1777. 8. pagg. 39.

**H**ic de hyperostofi tractatus complectitur de-  
 scriptionem, differentiam, diuisionem, cau-  
 sas, diagnosin et rationem medendi, additis non-  
 nullis conscriptariis et adiecta tabula aenea.

Hyperostosis est praeternaturalis, longitudinem p. 2.  
 totam, latitudinem ossis, sphaeram, vel illius par-  
 tem ad fines minus expandens, durus, renitens,  
 osteocopo dolore obtuso fixo magis vel minus co-  
 mitatus tumor. Substantiam ossis bracteata  
 omnem, plurimasque ossis regiones pro sede ac-  
 commodare sibi posse obseruatur.

Nonnullis de substantia ossis solida praemissis, p. 4.  
 hyperostoseos traditur differentia ab exostosi,  
 nodis, tophis, carie vulgari, spina ventosa, paedar-  
 throcae cet.

Causa est virulenta semper a lue venerea. Me-p. 16.  
 thodus medendi cernitur in mercurio, potissimum-  
 que Noster suadet inunctionem prae reliquis mer-  
 curium exhibendi formis, quarum nonnullarum  
 facit mentionem. Ac primum respondet ad obie-  
 ctiones contra inunctionem, quae partim dosin,  
 actionem incertam, dubiam cet. concernunt: Qui-  
 bus absolutis, non negat prudentia et cautione  
 magna exhibendi mercurium opus esse, nec omni-  
 bus hanc methodum destitui difficultatibus, atque  
 asserit inunctionem mercurialem esse efficacem,  
 potentem, et sub certo respectu infallibilem sanan-  
 di methodum, quae quidem suas habet difficulta-  
 tes, sed aliae aliis certe maioribus non carent cet.

Icones sistunt frustum tibiae, in quo substantiae ossis compactae monstrantur bracteolae separatae, portionem intestini ilei ex puellula vnius anni cum hernia appendiculari eaque noua specie. Est enim in Nostri exemplo appendix a natura fabricata; tota intestini peripheria in processum praeternaturalem abit, qui cum reliquo intestino vnum continuum est et eandem habet cauitatem. Quapropter hernias appendiculares dispescit in originarias et factitias, vt eae herniae appendiculares iamiam obseruatae distingui queant a Nostri specie noua, quam ideo herniam appendicularem originariam nominat. In eadem puellula ren vnicus inueniebatur, qui in corpore vertebrae lumborum vltimae ita situs fuerat, vt margo excauatus fursum spectaret, conuexus deorsum, quem hic in icone cum itinere vasorum rel. sistit.

XVII.

D. ADOLPH FRIEDRICH VOGELS *chirurgische Wahrnehmungen. Erste Sammlung. Lübeck, bey Christian Iversen und Comp. 1778. 8. Seitt. 78.*

i. e.

Chirurgicarum obseruationum fasciculus primus, auctore D. ADOLPHO FRIDERICO VOGEL \*).

p. 11. 1) De methodo Nostri cataractae operationis per extractionem, additis octo obseruationibus. Conuenit plerumque haec cum Cl. RICHTERI methodo. Depurat e. g. quotidie oculum cet.

p. 27. 2) De aperta fistula lacrymali cum cancroso aegylope. Aegra erat puella nouem annorum, cui scabies fuerat retropressa. Quo facto, aliis malis  
obortis,

\*) v. comm. nostr. Vol. XXV. p. 29.



obortis, oculus quoque incepit illacrymari, et sensim, iniustis praeterea adhibitis medicamentis, haec fistula apparebat. Exstirpationem noluit Noster admittere ob impuritatem humorum, cui propterea internis humores corrigendi remediis succurrit, et carcinoma externis tentauit. Quod in melius vergebat, et interea scabies redierat. Decima octaua septimana praeterlapsa haec puella sanitati est restituta, qua, vti Nostro breue ante tempus relatum est, haecenus gaudet.

3) De oculi morborum exstirpatione in puerop. 30.  
quinque annorum post variolas relictis. Oculo toto exstirpato, choroidea erat degenerata in fungosam substantiam, et opticus neruus adipe indurata erat circumdatus. Orbita propemodum omnis carne sana erat impleta et operatio bene facta. Nihilominus moriebatur aeger ex causa verminosa, ad quam Noster, viuo adhuc aegro, quoque respexit. Nam dissecto cadauere, intestina cum ventriculo inflammata et sphacelosa et duos lumbricos inuenit, per quos haec destructio in abdomine erat effecta. Sedes mali et causa symptomatum multorum et grauium mortisque erat aperta in abdomine.

4) De cancro labii inferioris oris. Erat can. p. 33.  
cer apertus, qui, cum externis remediis cedere nollet, feliciter exstirpabatur et sanabatur.

5) Tumor maxillae inferioris durus oriebatur p. 38.  
a carie dentis cum fistula. Remota dentis radice et particulis maxillae exentis, hic tumor euauit.

6) De amputatione mammae canerosae, quae p. 39.  
ponderabat viginti uncias. Varia etiam si accedebant mala, imprimis neruosa, tamen euentus amputationis respondere videbatur votis. At enim vero indurata glandula subaxillaris, ante amputationem non praesens, apparebat, quae adhibitis remediis non solum non cedebat, sed magis ma-

gisque crescebat, et cicatrix vulneris bene consolidata sponte aperiebatur. Rebus ita sese habentibus, aegra quotidie in peius vergebat et moriebatur Iunio 1777.

Noster putat, si amputatio, quae Iulio 1775 erat facta, non adeo dilata et fonticulo, qui suadebatur, ab initio denegato sensibilitas et irritabilitas nimia aegrae imminuta ac selectior diaeta seruata fuisset, hanc aegram amputationis ope potuisse sanitati restitui.

P. 49.

7) Officulum veruecinum inter esum oesophago sese impingebat. Id quod quidem noto instrumento protrudebatur, attamen non poterat in ventriculum immitti. Multis incassum adhibitis remediis, aegra insigniter debilis et anxiosa ob dolores cet. morti sese maxime appropinquabat. In mentem Nostro autem incidebat vncus, quem nonnulli, vt TISSOTVS, proposuerunt, quem ideo emendatum ita feliciter applicuit, vt corpus peregrinum, quod per oesophagum extrahi nequibat, penetraret in ventriculum. Filum ferreum nempe CL. VOGEL fabricari curauit cubitale, acus textoriae crassitie dupla, quod candefactum est ad eius asperitatem impediendam, cuius vtraque extrema reflectebantur, et acumini cuiuslibet extremi reflexi parvus plumbeus globulus ferruminabatur, ne oesophagus laederetur. Vtraque extrema huius fili versus vnum idemque latus flexa erant vt eius directio in oesophago obseruari posset. Quo itaque emendato vncō feliciter applicato, aegra insigniter laeta deglutire poterat sine conuulsionibus, et alia crudelia symptomata quoque cessabant. Quamquam autem multis remediis inflammationi officiebatur, tamen primo instrumento imprudenter applicato, abscessus parui oriebantur, et quaedam symptomata non diu post redibant, cum corpus peregrinum



num penetrauerat. Quibus vero ruptis, quarta in septimana purgante medicamine magna purulentae sanguinolentae materiei copia est per anum eiecta, et aegra octaua septimana huius morbi diaeta et vulnerariis cum cortice Peruuiano cet. decoctis ita sanitati est restituta, vt plane nihil haberet, de quo conquereretur. Laudat Noster admirandam huius aegrae obedientiam.

8) Castrationem testiculi, qui, equitando et tussi p. 55. accedente, per tres annos valde doleret, et in carcinomaticam vergebat indolem, cui multis remediis internis et externis, et ob suspicionem luis etiam antisphylliticis frustra succurrebatur, ita feliciter Noster fecit, vt, decima septimana praeterlapsa, aeger sanus euaderet. Conuulsiones, vti Nostro videtur, non p. 59. proficiunt a ligatura nerui et vasis ipsa, ea enim est necessaria, sed a nimis magna elasticitate vasis, qua subito et valde sese retrahit. Itaque ligatura ipsa non efficit conuulsiones, sed methodus, qua ligetur.

9) De amputato antibrachio. Abrasio peri-p. 63. ostei est superflua et inutilis. Ligaturam praefert Noster agarico cet.

10) De extirpata in intestino recto excrescentia, quam ortam esse putat Noster a sinu mucoso intestini recti, qui per annum crescebat et tandem per grauitatem sensim partem intestini protrahebat. Qua feliciter et funditus extirpata excrescentia, post horam praeterlapsam magna copia feculentae materiei cum sanguine emittebatur, de nullis doloribus aeger conquerebatur, edebat et dormiebat, instar sani, aluum quotidie deponebat, et nonnullis diebus praeterlapsis lectulum reliquit.

11) Miscellas inter observationes haec leguntur: 1) Vulnus colli a melancholico sibi illatum lethale; 2) monstrosam infantem describit Noster

sine suspicione imaginationis laesae matris; 3) decoctum sassaparillae in venereis morbis externis est vtile; 4) emplastrum Bechholzianum in oedemate et duritie post scirrhus est vtile; 5) extracti aconiti vsus in rheumaticis et arthriticis doloribus exemplis a Nostro confirmatur. Paruam dosin primum exhibebat Noster, et simul monet, extractum aconiti anno vetustius efficacia sua destitui.

XVIII.

*Berlinische Sammlungen VII<sup>ter</sup> Band, I — 6<sup>tes</sup> Stück.*  
*Berlin bey Joachim Pauli, 1775. 8. Seitt. 608.*  
*m. K.\*). VIII<sup>ter</sup> Band, 1776. Seitt. 724. m. K.*  
*IX<sup>ter</sup> Band, 1777. Seitt. 724. 8. X<sup>ter</sup> Band,*  
*1779. Seitt. 724. 8.*

i. e.

Collectanea Berolinensia, Vol. VII. VIII. IX. X.

Vol.  
VII.  
p. 5.

**I**n primo fasciculo: 1) *Tentamen, quo modo causae de mutatione climatis explicari possint, quae in America meridionali adnotata est.* Auctore HOG. WILLIAMSON \*\*). Causas ponit Cl. Auctor in mutata telluris superficie, a cuius cultura, siluarum imminutione, et paludum exsiccatione temperies,

p. 22.

pendet. 2) *Miscellae relationes de nonnullis raris conchyliis.* Cl. MARTINI ex PALLASSII spicilegiorum zoologicorum fasciculo decimo icones rariorum conchyliorum repetit: nempe *Turbinis principalis, Buccini Geuersiani, et Helicis Lyonetianae.* His subiungit iconem *Helicis decollatae* LINN. atque de priorum raritate et posterioris natura varias notatu dignas obseruationes.

p. 44.

3) *De ratione ceram dealbandi tentamina* Cl. BECKMANNI referuntur.

\*) Praecedentes tomos, instituti rationem et plenum titulum v. comm. nostr. Vol. XXII. p. 307.

\*\*) v. Journal de Scavans Octobr. 1773.



Praeterimus alia sympathica et sane incerta reme-

2) *Brevis descriptio* Blennii Galeritae: cuius icon p. 128.

2) *Brevis descriptio* Blennii Galeritae: cuius icon p. 128.

additur. Crista capitis duplex intra oculos, hydrae

fimilis est: duae aliae filosae infident radiis pinnae

dorsalis: alia pone membranam branchialem con-

3) *De remedis, potus genera refrigerandi.* p. 132.

Recentiorum inventa et tentamina phyllicorum va-  
riis salibus frigore artificiale producendi quibus

his talibus inguis artificiale producendi, quibus  
etiam potus refrigerari potest. Praesentim ex ten-

etiam potus refrigerari potest. Tractatum ex tef-  
taminibus. KOLLENI patet liquores refrigerantes

tanlibus ROBERTI patet, liquores refrigerantes  
mediante eorum exhalatione agere, et quo maior

est exhalatio. eo maiorem etiam esse vim refrige-

randi. Probabilis etiam videtur KRÜGERI conje-

Etura, qua frigus a materia quadam salinae indolis

Gg 5 produci

G g 5

produci

\*) Laudatur hoc remedium quoque contra cancerum.  
v. comm. nostr. Vol. XVI. p. 414. Vol. XIX. p. 516.  
in vrinae incontinentia ib. Vol. XVI. p. 495.

p. 147. produci existimat. 4) De nonnullis Islandiae notabilioribus naturae productis: excerptum ex itinerario TREMARECII. De ligno fossili, nigro, quod findi et instar ligni tractari potest, nec tamen vegetat: certe nihil aliud videtur, quam lignum bitumine penetratum et induratum. *Lichene Islandico* cum lacte fruuntur incolae, eumque cibum gratum habent. Ouium culturae maxime incolae operam dant, quae magnum frigus perpeti valent, ita, ut saepe sub niue sepultae sint. *Anatis mollissimae* plumis eo tempore potiuntur incolae, quo femina ouis incumbere incipit. Tum enim his plumis nidum molliorem reddunt. Praeterea magna

p. 165. piscium copia in insulae oris capitur. 5) *Collectio medicarum rerum memorabilium*. De morbo nervoso peculiari. Non edit aegra, nec bibit, nec dormit, calet vero et olet, oculi lucent, labia rubent, lingua est uti sani, facies non ingrata, anima non foetet, etiamsi per unius anni spatium neque alui, neque urinae excretionem habuerit. Similia exempla iam alibi\*) proposuimus.

p. 229. In tertio fasciculo traditur 1) relatio de molestiis a pluvia et insectis in Guiana obortis: ex descriptione BARRERII excerpta; 2) litterae BONNETI ad Cl<sup>um</sup> RIEM, subiunctis a posteriore annotationibus. Concernunt eae naturam apium mellificarum, atque controuersas de iisdem opiniones combinare operam dant Auctores. Notemus quaedam. Cl<sup>us</sup> RIEM affirmat, apes mellificas, neutras habitas, oua ponere, e quibus mares s. fuci gignantur. Negat iterum RIEMIVS, ex qualibet apis larua posse

p. 271. educi apem reginam. 3) NEEDHAMII observationes microscopicae versae a Cl<sup>o</sup> GOEZE, cum quibusdam annotationibus. 4) De brassica oleracea botryte s. cauliflora, hieme producta, colenda.

Vbe-

\*) v. comm. nostr. Vol. XXII. p. 547. Vol. XXIII. p. 579.



Vberior tractatio, quae in quarto fasciculo continuatur. Regulae clare distincteque proponuntur.

Ex quarto fasciculo notamus tractatum, in quo p. 383. insecta libris noxia variaque iis occurrendi adminicula recensentur. Depinguntur officula, Raiarum cuti instar squamarum spinosarum innata. Quae p. 397. praeterea ex Gallorum diariis excerpta sunt, ea quidem, cum non satis definita sint, si vel noua videantur, praeterire cogimur.

Quinto fasciculo traditur diatribe de vtilitate p. 476. pomorum, quam, vti satis cognitam, hic demonstrare nolumus. Sequitur continuata nouorum remedium enumeratio, inter quae reperitur oleum p. 511. oliuarum, quo, si corpori illinatur, hydrops tolli dicitur. Sit fides penes Auctorem! De ferro na- p. 514. tiuo. Colliguntur variae Auctorum sententiae, atque qui illud assumerunt nominantur, quibus etiam Auctor anonymus adsentitur, refert.

Sexto fasciculo Cl. TITIVS, Prof. Witeb. vtilita- p. 583. tem cygnorum demonstrat; atque excrescentiam, a cynipe productam, in gemma quercus vberius describit. Amenta coryli oleum sapidum praebere narratur. RAMICH, chirurgus, sub arena circum Spandouiam margam esse reconditam, atque corticem pinus siluestris vtile esse remedium in diarrhoea, fluore albo et gonorrhoea, refert.

In octauo volumine haec continentur: Vol.<sup>1</sup>

In primo fasciculo haec notanda inuenimus: VIII.  
1) Exemplis lectu dignis vtilitas historiae naturalis p. 1. demonstratur, quae quidem exempla ex LINNEI dissertatione de hac materie excerpta sunt; 2) re- p. 56. feruntur exempla, quibus imaginationis maternae grauidarum vis in fetum demonstrari videtur: quae quidem iis sunt similia, quorum saepe iam mentionem iniecimus \*); 3) ERXLEBENII disquisitio p. 63. alu-

\*) vid. comm. nostr. dec. I. et II. ind. tripl. sub voce *imaginatio*.

aluminis Grauenhorstiani ex comment. Soc. Gottingensis repetitur.

- P. 118. Fasciculo secundo 1) describitur lampas iis, qui litterarum studiis operam dant, commoda: cuius addita est icon; 2) de variis animalibus in regno Siamensi inueniendis notatu dignissima ex TURPINI historia de hoc regno \*) referuntur. De *Elephante* inter alia notemus varietatem eiusdem *albam et nigram* dari, easque magni haberi. Sympathia singulari erga homines, qui ei cibos offerunt, vti etiam erga simias fertur: magnam contra antipathiam fouet erga Tigrides, Crocodilos et Gallinas. Varia de ratione eum venandi atque domandi. Adduntur alia, sed satis cognita de *Rhinocerate*, de *Tigride*, de *Felibus*, *Onca* et *Pardalide*, de *Vuerra zibetha*, quam translator male pro *Moscho moschifero* LINN. venditat, *Mure moschifero* et *Boe bubalide*; 3) nouorum remediorum collectio continuatur. Inter alia clysmata ex Coffea in morbis soporosis multum prodesse, atque exemplum apoplectici aegri illis sanati refertur.
- P. 168. In tertio fasciculo traditur 1) brevis historia de *Ammodyte Tobiano* et *Esocæ Belone* LINN. iunctis eorum iconibus, quae ex ASCANII iconibus translatae sunt. Prior praebet *Delphino* nutrimentum;
- P. 229. 2) BORNEMANNI tractatus de carbonibus et iis, qui tam ex ligno, quam turfa arte vruntur, et de fossilibus, nempe lithanthrace vulgari, et anthrace minerali; ita enim lignum fossile bituminosum appellat. De modo hos carbones parandi iisque
- P. 237. vtendi differit; 3) MURRAYI de *Peloria* obseruata breuiter recensentur, e quibus eam non plantam hybridam, sed varietatem *Antirrhini*, esse patet;
- P. 251. 4) de animalibus Siamensibus continuata relatio: nempe

\*) Histoire civile & naturelle du Royaume de Siam, publ. par Mr. TURPIN. Paris 1771.



nempe *Ursum arcton*, *Suem scrofam*, *Cervos*, *Capreolos*, *Moschum pigmaeum*, *Simiarum* diuersas species, quae tamen non diligenter satis definiuntur, *Lemurem volantem*, nisi sit *Sciurus*, *Draconem volantem*, *Lacertarum* varias species, *Chamaeleontem*, *Testudines*, *Erinaceos*, *Hystrices* et *Dasytodes* illic habitare refertur. Caeterum nec descriptiones, neque obseruationes notatu digni quid continent; 5) *Oeconomicophyfica* obseruata: e quibus notemus, adipem cetaceorum cum aqua mixtam chrysomelis oleraceis infestam esse, easque a plantis, quibus vescuntur, abigere: Cl<sup>um</sup> IACOBI ex carbonibus vitis viniferae obtinuisse colorem coeruleum, qui ex alcali fixo, quod cum phlogisto vitis proprio vnitur, oriatur, hunc colorem pictoribus vtilem fore putat.

Ex quarto fasciculo notemus, historiam *Corui* p. 359. *borealis* albi cum icona ex ASCANIO tradi, deinde collecta esse varia plantarum genera, e quorum seminibus, vel corticibus, vel radicibus, variae gentes panem parare solitae sint. Praeterea nouo- p. 384. rum remediorum collectio continuatur. Radix *Orchidis*, quae hic *Fabaria*, *Telephium*, *Portulaca* agrestis dicitur, sanasse fertur haemorrhoides coecas. Contracturas et paralyfes iuuat vnguentum p. 400. ex vitello ouorum recenti cum tribus aquae fontanae vnciis trito paratum, frigide et tepide parti laesae illitum.

In quinto fasciculo nonnulla de naturae pro- p. 453. ductis Americae recensentur, praesertim de animalibus: translator nominibus triuialibus systematica subiungit. Sextus fasciculus exhibet: 1) anecdota nonnulla ad insecta exotica, excerpta ex itinerariis nouissimis; 2) descriptiones insectorum Russiae, huc ex itinerario Cl<sup>i</sup> LEPECHINI translatae; 3) arbores et fructus regni Siamensis  
ex

ex TURPINO recensentur. Caeterum in omnibus fasciculis nouorum librorum catalogus continuatur.

Vol.IX. Voluminis noni tractatus praecipui sunt hi: 1)

p. 1. Cl<sup>i</sup> LE ROY et GODEHEU DE RIVILLE de phosphorescentia aquae marinae, versi ex Actis academiae Parisinae \*); 2) Relatio de notatu dignis

p. 44. physicis rebus insularum nouarum, pone Kamtschatkam detectarum. Corpora naturalia non bene sunt descripta, sed nomine tenus tantum indicata;

p. 59. 3) obseruatio de asthma singulari, Auctore D. BETBEDER. Illud asthma neque humidum, neque siccum, nec conuulsium est. Consistit in respiratione molesta, ad suffocationem aucta: pistoribus potissimum est proprius morbus. Aeger summe est debilis, neque adeo viribus pollet, vt os aperire et aërem respirare valeat: atque anxietatem et suffocationem sentit, quam omnibus viribus vix superare potest. Pulsus erat paruus contractus, et muscoli omnes fere immobiles. Mors insequabatur, iis symptomatis stipata, quae in animalibus spatio aëre vacuo morientibus obseruantur. Causam huius asthmatis ponit Auctor in obstructis subtilissimo farinae puluere bronchiis. In medendo huic morbo vis musculorum irritabilis incitanda, ingressus sanguinis in arterias pulmonales accelerandus et tussis excitanda videbantur Auctori. Ideoque potum ex aqua melissae, hyssopi, cinnamomi; syrupo de erysimo, floribus benzoës et spiritu falis ammoniaci exhibuit alii aegro, quem cochleatim quacunq; dimidia horae parte sumat. Hoc remedio sex horis praeterlapsis materies viscosa exspuebatur, et respiratio leuior erat. Tertio die post qualibet tertia hora drachmam conseruae enulae campan. sumsit, et, loco potus, infusum hyssopi saccharo

\*) vid. comm. nostr. Vol. X. p. 392.



faccharo edulcoratum. Quibus remediis restituebatur aeger; 4) de morbo, a singulari polyposa p. 64. concretionem in intestinis reperiunda, cum excrementis aluinis deiecta; 5) de piro communi, quae duabus vicibus per annum floreret, sic ut ex fructu pedunculus oriretur, cui deinde flos innatus erat.

Ex altero fasciculo indicamus solam HAGENII p. 114. descriptionem noui, ut Auctori videtur, plantarum generis, quam florem Hottentottarum, s. Redui-vam appellat. Sed vehementer fallitur Auctor: planta enim descripta et depicta non est, nisi *Calendula capensis* LINN.

In tertio fasciculo notanda videtur SALCHOWII p. 230. confirmatio remedii variolas praecauendi, quod nempe in sanguinis ex funiculo umbilicali contenti repressionem versus placentam consistit \*). Expertus enim est, in epidemia vehementissima omnes infantes, in quibus illa manipulatio adhibita fuit, a morbo hoc liberos mansisse. Optat nunc, ut medici hoc remedio utantur, atque deinde infantibus variolas inferant, ut inde eiusdem usus certior fiat; 2) de usu falis Glauberiani in lue bouilla, p. 247. quem magnum esse affirmant GRAVENHORSTII fratres, atque methodum, qua exhiberi debeat, proponunt. Confirmat etiam WAGLERVS, plurimos boues huius remedii usu esse a morte ereptos; 3) de usu balsami Brunsvicensis in podagra, si interne p. 262. simul sal Glauberianum adhibeatur. Commendatur balsamum hoc etiam a WAGLERO, uti et a Cl<sup>o</sup> THEDEN. Indicatur methodus, qua adhibendum sit, et plura testimonia eius vis adferuntur.

In quarto fasciculo LEEUWENHOEKII epistola centesima trigesima quarta de aphidum Ichneumonibus \*\*), et Cl<sup>i</sup> CVRTIS relatio de terra Labradorica

\*) vid. comm. nostr. Vol. XXII. p. 309.

\*\*) vid. EIVSD. opp. T. III. L. B. 4. 1722. p. 263.

rica \*) versae traduntur, atque deinde Cl. scho-  
BELT *de tumoribus mammarum lacteis* agit, nihil ta-  
men noui vel notatu digni profert.

- In quinto fasciculo cognita margae vtilitas in  
fertiliorem reddendam terram demonstratur. In sex-  
p. 559. to ex itinere Cl<sup>i</sup> PHIPS versus polum borealem  
animalia illic reperiunda indicantur, atque noua  
quaedam insecta depicta sistuntur, vt *Cancer Boreas*,  
macrourus, thorace carinato, aculeato, manibus  
laeuibus, pollice subulato incuruo: *Cancer Ampul-  
lae*, macrourus, articularis, corpore ouali, pedibus  
quatuordecim simplicibus, laminis femorum postici  
paris ouato-subrotundis: *Cancer Nugax*, macro-  
urus, articularis, pedibus 14 simplicibus, laminis  
femorum sex posteriorum dilatatis, subrotundo  
p. 581. cordatis. Noui vermes depicti sunt: *Sipunculus  
Lendix*, corpore nudo cylindraceo, apertura subter-  
minali: *Clio helicina* nuda, corpore spirali: *Clio  
limacina*, nuda corpore obconico; *Buccinum cari-  
natum*, testa oblongo-conica, transuersim striata,  
anfractibus superioribus oblique obtuseque mul-  
tangulis, inferioribus vnicarinatis. *Turbo helycinus*,  
testa vmbilicata conuexa, obtusa, anfractibus qua-  
tuor laeuibus. *Sabella frustulosa*, testa solitaria li-  
bera, simplici, curuata, fragmentis conchaceis fa-  
bulosisque. Singulare vermis genus, quod Aucto-  
ri *Synoicum turgens* dicitur. Est Alcyonio affine, sed  
differt, quod vermis tentacula non exferere valet.  
p. 598. Sequitur plantarum catalogus. Deinde de notatu  
digno partu refertur. Vagina vteri contracta et in-  
durata, HENKELIVS aduocatus, vaginam a parte  
posteriore versus intestinum rectum iuxta longitu-  
dinem vna cum collo vteri et vicinis partibus dis-  
secuit, vt fetum viuum extrahere possit. Mater  
etiam sanata est.

Volu-

\*) vid. comm. nostr. Vol. XXI. p. 122.



Volumine decimo atque vltimo huius colle Vol. X.  
tionis sequentes tractatus comprehenduntur:

1) HALLERI *de lue bouilla agri Bernensis*: ea videtur a peripneumonia incipere, quae deinde in inflammationem pulmonum et phthisin abeat. 2) *De fulguris ictu*, quo homo percussus est. Describitur progressus eiusdem in domo, atque laesiones, quae in mortuo animaduvertebantur. Phaenomena obseruata demonstrant quidem similitudinem materiae fulguris cum electrica: interim intercedere etiam videtur notabilis differentia. Fulgur enim stanneas laminas fudit, nec tamen lignum adussit; vitrum diffregit, pilos combussit, et pannum ex lana confectum non tetigit. 3) *Methodus, aquam mul-* p. 31.  
*sam parandi.* 4) *De Chalcedonio*: eiusdem descri- p. 38.  
ptio, et varietates.

5) *Chirurgica tentamina, cum cortice Peruuiano* p. 49.  
*instituta.* In grauida, mamma vlcere sinuoso affecta, iniectiones ex decocto corticis Peruuiani aquoso filtrato, atque cum eodem factae fomentationes, iuncto corticis interno vsu, adeo prosperos effectus prodiderunt, vt post quinque dies mulier integre sanitati restituta esset. Sic etiam puluis corticis, vulneri a contusione complicata in spina tibiae copiose inspersus, illud trium dierum spatio sanauit: similem prosperum effectum edidit in vulnere tendinis Achillis.

6) *De haemorrhagia vehementi, quae singulis 12 p. 55.*  
*horis reuertebatur.* Primis vicibus simul vnciae decem sanguinis emanabant, sed venaesectioe atque clysmatibus adhibitis sexto die haemorrhagiae cessabant. Interim hoc tempore aeger circiter libras quinque sanguinis perdidit.

7) *Descriptio Xiphiae*, Auctore WALBAVM. p. 70.  
Praeter pinnas vulgares etiam duabus pinnis adiposis a latere caudae instruitur. Dentium loco in  
*Tertiae Decad. Suppl. III.* H h pala-

palato sunt 12 aspera tubercula, et pone branchias infra duo longi asperi calli. Vescitur hic piscis Zoftera, Fucis, pisciculis et insectis marinis. Exemplar descriptum pondere aequabat 167 libras.

p. 81. 8) *Contra podagram* iterum laudatur gummi guaiacum, quod si in spiritu sacchari, qui Tassia dicitur, solutum fuerit, atque huius liquoris quotidie cochlear deglutiat, certissimum remedium, quod penitus morbum tollat, praebere dicitur.

p. 95. 9) P. HENNE *relatio de Mulo fructu magno, albedo glaciato*, a Cl<sup>o</sup> DU HAMEL, *pomme de glace transparente*, dicto. 10) *Epitome historiae naturalis Iaponiae a KAEMPFERO traditae*. 11) *Observatio de piso in tracheam deglutitione illapso*. Medicus venaesectionem et vomitoria suavit, quae aeger recusabat: atque aliis medicis aduocatis, duobusque diebus consultando praeterlapsis, morboque semper magis adaucto, medicus primus tandem clanculum syrupo, quo utebatur aeger, immiscuit tartarum emeticum; atque sic vomitu pisum excernebatur, atque aeger restituebatur. 12) MARGRAFII *chemica experimenta* cum vesicae calculis instituta: de quibus iam supra \*) differuimus.

p. 204. 15) *De methodo polypo naris medendi*; feliciter eadem est ligationis ope peracta, etsi, cum polypus permagnus esset, ut totam nasi cavitatem impleret, adeo, ut radix polypi non attingi posset, difficilem operationem redderet: inuenit igitur Auctor instrumentum, quod cochleari obtuso simile est, huius ope tandem ligaturam adhibere potuit, atque sic maxima ex parte polypus sublatus est. Quae relinquebantur causticis medicamentis sustulit. Instrumentum in tabula aenea delineatum sistitur.

p. 242. 16) *Hominem maleficum suspensum*, postquam iam 19 minuta prima horae pependisset, a GLOVE-

RO

\*) vid. hui. dec. suppl. II. p. 219.



RO *vitae restitutum* esse refertur. Remedia in suffocatis alias adhiberi solita successu non caruerunt.

17) Electricitate ex ouis pullos exclusos esse P. 261. narrat Cl. ACHARD. Nempe electricitatis gradum, qui calori 32 graduum aequalis est, adhibuit, oua orbi stanneo imposita per octo dies et noctes continuo in eodem caloris gradu electrico habuit, atque aperto ouo omnia indicia euolutionis animadvertit.

Praeterire cogimur plura aliunde sumpta, etsi lectu digna. Caeterum in omnibus voluminibus, praesertim in posterioribus, nouorum librorum catalogi, et breuis de eorum contentis relatio continuantur; vt igitur haec collectio iis, qui eruditorum libros cognoscere cupiunt, et qui diaria eruditorum ipsa legendi occasione carent, utilis et accepta futura sit. Huic postremo volumini index in omnia decem volumina adiunctus est.

## XIX.

ANTONII DE HAEN, quondam S. C. R. Apostol. Maiestati a consiliis et archiatri, medicinae in alma et antiquissima Vniuersitate Vindobonensi professoris primarii etc. Praelectiones in HERMANNI BOERHAAVE institutiones pathologicas. Collegit, recensuit, additamentis auxit, edidit P. DE WASSERBERG. TOMUS I. Viennae, ap. Rudolph. Graeffer MDCCLXXX. 8. pagg. 567.

**T**otum hoc opus constat voluminibus quinque, quorum primum complectitur, exceptis prolegomenis, morbi naturam, morbos similes atque organicos. Hoc vt prodiret in lucem, atque tiro-nibus rei medicae prodesset quam maxime, b. HAE-NIVS moriens vehementer exoptauit. Quam in

rem Cl. STOLLIO huius operis edendi cura tradebatur, is vero, negotiis innumeris, iisque grauissimis immerfus quasi, hanc Cl. DE WASSERBERG, assiduo BOERHAAVII discipulo, commisit. Legimus in prolegomenis historiam medicinae inde a primo illius initio usque ad nostra tempora deductam. Certum enim est atque perspectum, primos homines casu et experimento atque ex belluis ipsis didicisse herbarum aliarumque rerum usum in morbis insignem, eosque, quae obseruarunt, ne obliuioni traderentur, ea in tabulas retulisse, ad columnas templorum parietumque affixisse, immo aegros in vias publicas, vt, quicumque transiret, consilium daret, exposuisse. Quo haec ars in dies creuit, praesertim, cum animalia occiderentur viua et cadauera hominum inspicerentur, usque ad HIPPOCRATEM, Coum senem, principem medicorum omnium. Quo mortuo, THESSALVS et DRACO, filii HIPPOCRATIS, nec non POLYBIVS, eius gener, philosophia exculi medicinam ita perturbant, vt magis obnubilarent, quam planiorem redderent. Veram et genuinam contra tuebantur CORN. AVREL. CELSVS, ARETAEVS, CLAVD. GALENVS, qui tamen hanc sub auctore ARISTOTELE placitis suis peripateticis mirum in modum foedauit. Atque hoc non, nisi initium malorum fuit, quae alia longe maiora exceperunt. Nam, ineunte seculo V. Vandali, Hunni, Gothi, ferro et igne deuastarunt omnia, innumeras dederunt flammis bibliothecas rapidissimis, suisque expeditionibus multis et crudelissimis studium litterarum et bonarum artium plane interruperunt, donec Arabes has excolere inciperent. Initio enim seculi noni, Princeps eorum ALMAMON ABDALAH legatos misit Constantinopolim, vt libros scientiarum quarumuis ab Imperatore peterent, atque in Arabicum con-



conuerterent sermonem, quo suos excitaret eo magis ad excolendas litteras, quae sic migrarunt ex Graecia in Latium, atque ex Latio in Hispaniam ad Arabes.

Quum vero anno MCCCCLIII Constantinopolis vrbs, subruto fere Orientis imperio, a Muhammede II. capta esset, EMAN. CHRYSOLORAS, THEOD. GAZA, CHALCONDYLAS, TRAPEZUNTIVS, PLETHO, GENNADIUS, alique multi ex Graecia in Italiam cum suis Mstis fugerunt, ibique, praecipue Venetiis, Florentiae, Romae, sedem fixerunt suam; ex quibus codicibus in bibliotheca Regis Galliae asseruatis multa cum eruditis communicauit BOIVINVS. Ad hoc accedit bellum theologicum seculo XV. ortum, quo bonae litterae incrementum cepere maximum, et sic quoque ars medica pristinum suum splendorem videbatur esse consecutura. At vero THEOPHR. PARACELSI, HELMONTII, aliorumque ineptiis chemicis, nec non phycis hypothesibus, scilicet doctrina Cartesianae et Newtonianae, detrimentum pertulit haud exiguum vsque ad HARVAEVM circa medium seculi XVII. qui sine dubio antiquam reddidisset medicinae faciem, nisi tot tantaque obstacula habuisset remouenda. Hoc in statu inuenit summus BOERHAAVE, natus a. MDCLXVIII. in pago *Voorhoet* prope Leidam, denatus Leidae a. MDCCXXXVIII. medicinam, quam vt in meliorem redigeret formam, atque adeo tirones rei medicae normam haberent, ad quam stadia dirigerent sua, conscripsit etiam has institutiones pathologicas, ratione illius temporis optimas. HAENIVS igitur discipulus b. BOERHAAVII studiosissimus, quum auctorem sibi eligeret ad medicinam tradendam, nullum eo inuenit aptiorem, etsi non ignorabat, multis eius libros scatere hypothesibus, plura in iis deficere,

- P. 80. necnon in interpretando, BOERHAAVIUS ipse vt interdum adderet, necesse esse. Enarrata itaque morbi natura progreditur ad morbos similes, in quibus explicandis vehementer se torquet HAENIVS. Nam qui fieri possit, vt in fibra simplicissima, quae in infinitum diuidi fortasse queat, quamquam instrumentis iis non instructi sumus, morbus oriatur, et quid sit fibra simplicissima, haec omnia, nisi magis illustrantur, non intelligimus. Etenim omnino nullus in praxi medica reperitur morbus simplex, sed ratione compositorum est simplicior. Vnde etiam hic verbis vti licet VERVLAMII, qui doctrinam talis veri, quod tam subtilis est, eandem
- P. 90. ob causam vsu cassam deprehendi ait. Transit deinde Auctor ad morbos organicos, quos iterum describit in morbos solidarum partium et fluidarum, adiecta eorum interpretatione eximia. Sed quia pars organica morbosa tum excessu, tum defectu peccare potest, atque adeo exsistere tophos nodos, et exostoses, HAENIQUE mens fuit, omnes in aphorismis contentos morbos pathologiae suae inferendi, caput de ossium origine eorumque morbis hic addidit. Hos excipiunt plures aliae morborum species, quas BOERHAAVIUS vel prorsus non tractauit,
- P. 170. vel leuiter tetigit, *spina bifida*, *odontalgia*, *paronychia*, *maxillae laxatio*, quorum pathologiam non solum, sed etiam curandi rationem vna cum variis HIPPOCRATIS aphorismis simul expositis attulit.
- P. 258. Quibus quidem absolutis, doctrinam *de herniis*, quarum BOERHAAVIUS obiter tantum, et HIPPOCRATES plane nullam mentionem fecit, inchoat, atque in explicandis earum speciebus haud paucis permultus est, quo ad vulnera transit, quae, quia b.
- P. 357. VAN SWIETEN plurima dedit in commentariis suis, breuiter ea recenset, et nihil, nisi sua obseruata inuentaue recentiorum, addit. Incidit hic in ner-



vi substantiam, quam cum BOERHAAVIO contendit esse tubulosam. At vero ex tam multis usque ad hoc tempus controuersis actis bene intelligimus, longissime nos abesse a verae neruorum fabricae cognitione, licet Cll. Viri DELLA TORRE \*) et PROCHASKA \*\*) experimenta cum substantia cerebri, cerebelli, medullae oblongatae et spinalis instituerint vel optima. Quorum alter deprehendit innumerorum congeriem esse globulorum pellucidorum in transparente aliquo viscido fluido natantium, maximos vero in cerebro, et sic sensim decrescere, promiscue positos, in substantia autem medullari neruorum in lineas rectas magis dispositas, et fili aut fibrae referre speciem eo magis, quo remotiores sint a cerebro; alter tam corticalem quam medullarem substantiam immensa globulorum constare copia vidit, globulos vero illos in pellucido illo ac viscoso liquore natare non perspexit, quin potius illos peculiari quodam ac elastico nexu inter se cohaerere testatur. Hoc ex phaenomenis patet, neruum esse tenuissimam medullarem substantiam atque maxime sensibilem, cuius indolem ac naturam veram tempus manet aequae ac vasorum lymphaticorum demonstrationem certiolem.

Sequitur tandem methodus vulneris medendi, p. 452. vbi merito docet, nullum esse medicamentum vel alimentum vniuersale, sed pro vniuscuiusque, quem curandum suscipiamus, natura, consuetudine, anni tempestate, loci conditione haec paranda, quod ex HIPPOCRATIS aphorismis, ad hanc rem spectantibus, eo magis confirmare studet. Et sic habemus hoc in volumine chirurgiam et manualet, et medicam fere totam vna cum variis exemplis memoratu dignissimis.

Hh 4

Volu-

\*) IO. MARIA DELLA TORRE noue osservazioni microscopiche, Napoli 1776.

\*\*) Tractat. anatom. de Struct. nerv. cap. IV. p. 66,

- Vol. II. Volumen II. enarrat morbos humorum, et pri-
- p. 10. mum quidem locum obtinet *plethora*. Quod nomen etsi HELMONTIVS, qui humores supponi ait bonos, et tamen morbum hos facere vidimus, si morbum faciunt, degenerarunt a bonitate sua, ergo nequeunt amplius boni appellari, deridere studet; tamen huius vocis vim siue non recte intellexit, siue potius praeiudicio captus HIPPOCRATIS aphorismum legit. Optime hoc perspicui potest in hominibus valde se exercentibus, quos humores abundantes boni, si ad summum progressi sunt, de capite timeant, efficiunt. Hi enim neque in eo statu permanere queunt, neque in melius mutari, et tamen mutationem quandam subeant, necesse est, ut, si quando mutantur, mutantur illico in deterius.
- p. 20. Sed aliam quoque humorum abundantiam habemus in cacochymicis, qui vero a statu naturali ita degenerarunt, ut ad functiones exercendas plane inepti fiant. HAENIVS igitur b. hac occasione data inuenta et experimenta cum humoribus facta breuiter percurrit, scilicet Leeuwenhoekii, cuius viri in rebus physicis industria eximia est notissima, cuiusque industria fuit causa, ut plura videret, quam alii, v. c. ut quisque globulus ruber constaret ex sex minoribus aliis, et hi sex a mutua cohaesione recedentes flauo essent colore, iterumque a sex minoribus conflati: Rob. BOYLII, qui primo grauitatem sanguinis specificam indagauit, sed peccasse videtur in eo, quod sanguinem ponderaret refrigeratum, unde tam multae de ea exstiterunt sententiae, multaque alia cum humoribus instituit experimenta chemica, quibus vero quam valde mutari possint humores, quis est, qui nesciat? GVILIELMINI, qui nihil maioris attulisse videtur lucis: HALESII, qui animalium haemastaticam persecutus est, plane autem non eo, quo necesse erat, deuenit; nullus enim liquor



liquor in rerum natura omni ex parte similis reperitur sanguini humano. His omnibus addi possunt egregia MOSCATI experimenta cum sanguine instituta, quae quanta medicinae afferant emolumenta, vnusquisque legat oportet. Falso videtur ergo p. 34. HAENIVS conclusisse, cum dixit, quemadmodum argentum viuum humores nostros ingressum sanguinem totum a sua crasi deiicit, et aquosum reddit, sic plumbum, stannum, aes etc. si intrarent corpus nostrum, procrearent ratione maioris suae soliditatis eosdem morbos, ac mercurius, sed eo leuiore, quo est illis grauior. At vero multum abest, quin effectus, quos metalla in corpus exferunt, a minori maioriue eorum pondere pendeant; ita enim arsenicum sumtum, quod tristissimos effectus progignere scimus, et mercurio tamen multo leuius, haud prorsus afferret noxam, longe maiorem autem ferrum, quod tamen rite adhibitum est saluberrimum. Acrimonias nunc describit, et primo quidem *acidam*, quam multis in morbis, quos breuiter percurrit vna cum eius signis, adesse reperimus: inprimis inquit in colorem fecum viridem infantum ex acido laborantium, atque hunc ab humoribus tum, cum a bilis motu et conuulsione oriri credit. Multa tamen sunt, quae hanc sententiam reddant dubiam, vt ipse Auctor ait, adeo, vt in ZEVIANI partes ire cogamur, qui coloris fecum viridis originem duxerit a nimis longa in intestinis remora, quo acres fierent et corrosivae, hinc bilem admistam redderent quoque ita virentem, vt ab addito fieri soleret acido nitroso. Quod ad sanguinis colorem attinet, adeunda videntur b. HALLERI elementa physiologiae et MOSCATI libellus de calore naturali et sanguine conscriptus. Hanc acrimoniam acidam excipit acrimonia *alcalina*, p. 75. *oleosa*, *saponacea* cum suis signis egregie explicatis,

in fine adiectam videmus tabulam σημειωτικὴν acrimoni-  
moniarum, quo eo certius appareat, in quo conue-  
niant discrepentue, ne praesertim medici iuniores  
ducantur in errorem, si signa discrepantia et parti-  
cularia in memoria non essent praesto. Has se-  
quuntur diuisiones morborum; v. c. morbi here-  
ditarii, quibus b. HAENIVS nimium tribuit, dum eos  
certo adeo euenire debere asserit, ac digitorum,  
manuumque accidit formatio, *connati, acquisiti*: ra-  
tione subiecti, *iuuenum, adultorum, senum*: ratione  
generis, *masculini, feminini, uniuersales, particulares*:  
ratione temporis, *acutissimi, peracuti, acuti, chronici,*  
*uerni et autumnales, continui, continentes, intermit-*  
*tentes*: ratione effectuum, *benigni, maligni, sanabi-*  
*les, insanabiles, letales, contagiosi, endemici, epidemici.*

P. 122. Ad *Aetiologiam* quod attinet, commentator  
longus est in definienda causa proxima, propterea,  
quod innumerae de hac inter medicos philosophos  
exstant *lites*, quo haud pauci saepius in errorem  
deducti sunt, et recte nihil aliud, quam morbum  
ipsum esse credit. In apoplexia v. c. medulla ce-  
rebri, fons actionum animalium physicus, laesa  
est. Videmus enim, vbi sensorium commune pri-  
uarit quid facultate exercendi functiones animales,  
ibi adesse apoplexiam. Ponamus nunc, sani ho-  
minis caput malleo ita percussum esse, vt sanguinis  
copia in cranii cauitatem effusa sit; hoc sanguine  
effuso, cerebrum, pars sentiens, percipiens, mouens,  
comprimitur, ita, vt eius medulla actiones anima-  
les perficere nequeat. Compressio igitur cerebri  
est causa proxima atque adeo morbus ipse, ergo  
causa proxima et morbus vnum idemque est. Se-  
quuntur causa *remota, proegumena et procatacti-*  
*ca*, quarum quidem posteriorum distinctio vix atten-  
denda est, cum vtrumque vocabulum ideam causae  
remotae tantum referat. Nunc aggreditur res sic  
dictas



dictas sex non naturales, ex veterum diuisione, quas  
 RONSTRONVS aptius in classes quatuor redegisse vi-  
 detur. Primum locum sibi vindicat aër. Experi-p. 138.  
 mentis enim constat, vix vllum in rerum natura esse  
 liquidum aut solidum, cui aër se non immisceat,  
 ex quo atque per artem educi non queat. Iam vero  
 notis illius virtutibus, fluiditate, elasticitate, graui-  
 tate, satis superque, species singulatim tractat co-  
 piose, et primo quidem *aërem nimis aestuantem*.  
 Hunc experientia nos docuit vasa exhalantia ex-  
 siccare, atque adeo impedire, quominus venae in-  
 halantes imbibant; ii enim, qui per longum tem-  
 poris spatium iter fecerunt in sabulo aestuante, sen-  
 tiunt olfactum periisse totum, vnde Kahirae etiam  
 ob ingentem aestum lippitudines obseruantur fre-  
 quentissimae, et Alpeses augusto et septembri  
 mensibus afficiuntur ophthalmiis endemicis. Ex  
 quo videmus, quam grauibz aër nimis aestuans  
 subiicere valeat corpus nostrum malis, cui adnu-  
 meramus cubicula nimium calefacta, a Cl. DE WAS-  
 SERBERG hic inserta, quae haud raro eadem, ac  
 carbonum vapor, produxerunt symptomata. Aër  
 gelidus, qui respectu nostri tantum mutationem  
 sensus caloris facit, etenim si v.c. aestate magna  
 post tonitrua calor subito a grad. LXXV. ad LX. mu-  
 tatur, de frigore conquerimur, et si ad graduum  
 medium LI. minuitur a gradu LXXV. aut LXXVI.  
 prorsus intolerabile frigus esse dicimus; hieme vero  
 media, vbi calor xv-xx. grad. est, si ex illo aëre  
 conclauia ingredimur, vbi aër ad LII. medium sci-  
 licet, gradum adscendit, calorem hic adesse clama-  
 mus. Aër gelidus igitur roborat, humores cogit,  
 densat, sed si regelascit, fibras dissoluit, destruit, at-  
 que adeo ex oppositis causis eadem mala efficit. Et  
 sic reliquas aëris humidi, sicci, nimis grauis, leuis,  
 qualitates absoluit, quibus tandem aërem, alienige-  
 nis

nis corporibus repletum, annectit, illiusque noxam ostendit insignem. Quam in rem magistratus cura vna esse debet haec, vt omnes remoueantur causae, quae atmosphaeram replere, vt puluis silicum in plateis, aquas stagnantes, paludes putrescentes gignere queant, et aërem exhalationibus pestiferis inficere. His enarratis, ad cibum et potum se conuertit, multa de vitiis ex nimia assumptorum copia, nec non abstinentia enatis disputat. Optimum semper est, medium tenere. Occurrunt hic rursus acrimoniae cibi et potus, earumque varia vitia, morbique, quos producant, scilicet acida, de qua supra egit, aromatica, spiritiuosa, fermentans, quacum multa inprimis Anglorum et Gallorum experimenta habemus instituta, qui quidem aër nihil nisi HELMONTII gas syluestre esse videtur. Aquam, cuius natura ex phycis et chemicis petenda est, nusquam vere puram haberi, immo alias aliis referatam esse particulis, neque vllam rem in rebus naturalibus difficilius cognoscendam, quod adeo difficulter separari a ceteris corporibus potest, vt et cetera corpora ab aqua, historia eius nos satis docet. Vnde factum est, vt varii varios excogitarent purificandi modos et colando et filtrando. Alii enim plura vasa terrea, arenis repleta, in fundo perforata, linteo crassiore obducta aliis imponunt, vt aqua sic transeat; alii lapidem pumicem adhibent, vt percolent; Aegypti incolae, inprimis Kahirenses, ad purificandam aquam niloticam vtuntur pasta ex amygdalis comparata, qua vasa aquifera magna obliniunt, quo turbida aqua decursis aliquot horis redditur limpidissima \*). Aqua purissima est ea,

quae

\*) Ait POCOCKE: — Afterwards the water becomes vergred, and still more turbid, and then it begins to be wholesome, and is drunk by the vulgar: but most people have large iarts, the insides of which they



quae in vaporem redacta est, quamobrem aqua pluviatilis ceteris saepe purior reperitur, etsi vaporibus ex mari, fluminibus, lacubus, paludibus ortis originem debet suam. Et haec causa fuit, cur Aegyptii aquam Nili colligerent de nocte, antequam sol partem puriorem traheret in aërem; cur nautae vellera ouina nauibus de nocte circumponant, ut excipiant vapores e mari adscendentes, ex quibus deinde exprimunt aquam potabilem; cur alii aqua carentes, marinam decoquant, eiusque vapores spongiis exceptas exprimant, ut potent. Absoluta itaque prima classe *de ingestis*, examinat p. 271. secundam *de gestis, motu et quiete*, quibus regulam hanc, *medium tenere beati*, magis confirmat: ducitur tum ad animi motus, quos permultis stabilire p. 295. conatur exemplis, varios canones vna cum historiis de vi imaginationis grauidarum, de qua sub iudice lis adhuc est, affert; progreditur ad tertiam p. 313. *de excretis et retentis*. Excurrit hic in memorando tabaco, varia imperatorum interdicta proponit, noxam ex abusu tabaci ingentem demonstrat, varias succi pancreatici et miasmatis venerei sententias attingit, et tandem cum classe quarta de *externe applicatis* huius voluminis II. finem facit.

Volu-

they rub with pounded almonds, that is, what remains after the oil is pressed out, which causes the water to ferment and settle in four or five hours. A Descript. of the East &c. vol. the first. Lond. 1743. fol. p. 200.

NIEBUR (*Reisebeschreibung nach Arabien etc. Kopenhagen 1774. I Th. S. 131.*) sagt, das Nilwasser ist immer etwas trübe, wenn man aber die großen Wassertöpfe (Bojanen, Dsjarren), welche man fast in allen Häusern dieser Stadt findet, inwendig mit Mandeln reibt, die auf eine gewisse Art zubereitet sind, so wird es in denselben in wenig Stunden klar, und man hält es für sehr leicht und gesund.

Vol. III. Volumen III. continet doctrinam earum rerum, quae simul cum morbo in corpus, quod velut umbra sequuntur, cadunt, siue *symptomatologiam*. Explicat b. HAENIUS verba, *symptoma, causae symptoma, symptoma symptomatis, epigenomenon*, et variis exemplis illustrat. Symptomatologiam enim cognitu perquam necessariam esse, ut nobis accuratam comparemus symptomatum cognitionem, quo perspiciamus, quid sint? unde nata? quinam eorum effectus? quatenus morbi ipsi, neque ab alio pendentes? quatenus aliorum morborum? quatenus in morbis propria aut aliena? quatenus sibi relinquenda siue auferenda? quis est, qui non intelligat? Quam in rem ut eo magis haec doctrina fieret clarior, in certas ex veterum diuisione descriptis classes. Prima actiones naturales refert, et quidem *appetitum in cibos et potus*. Hanc facultatem autem non raro perturbat vel *δυσορεξία*, vel *ἀνορεξία*, vel *ἀποσιτία*, vel *βέλγιμος*, (quod verbum minus recte interpretatus est commentator, per *famem bouinam*; magis per famem siue appetitum ingentem, immanem, praeternaturalem verti debuit; Graeci enim hanc particulam βε nominibus addunt, ut magnitudinem rei significant) vel *ὄρεξις κυνώδης*, *κίσσα*, *μαλακία*, *pica*, et *fames lupina*, hic omissa. Nunc sequuntur horum symptomatum causae. Eundem ordinem quoque retinet in explicanda manducatione laesa; quo accedit ad functionem ventriculi perturbatam, eiusque symptomata. Varia hic singultus phaenomena et curam recenset, et mirari videtur HIPPOCRATEM dicentem: „*A singultu detento sternutationes superuenientes solvunt singultum*”; singultum autem a spasmio et irritabilitate inprimis ortum saepius tollimus sternutatoriis, quia hac vehementi percussione, quam efficiunt, diaphragma, os ventriculi, ventriculus



culus ipse, hepar, lien, ita concutitur, vt, si acre quid adhaereat ad ventriculum, vel spasmus, vel conuulsio ad viscera, vt ipse ait, excutiat, et itus spirituum immutetur. In vomitu, si causam semper respicimus, ex qua originem duxit suam, haud facile errabimus in emetico exhibendo, etsi HAE-  
NIVS exempla nonnulla exposuit, vbi tartari emetici grana duo mala crearent tristissima, atque adeo mortem; hoc vero non vitium medicamenti, sed professoris fuit, qui regulam hanc „*distinguendum est inter et inter*„ nunquam perceperat, sed immediate post nauseas ex ira natas vomitorium propinarat. In grauiditate v. c. si vomitus oritur, emeticum vt demus, nisi signa materiae peccantis evidentissima adsint, necessarium fere non est, sed opium, aqua menthae siue cort.aurant. siue vnguentum neruinum ad illiniendum erit remedium praestantissimum. Easdem fere causas habemus in  
cholera, sed violentiores, vnde expulsio materiae malae fit sursum deorsumque. Quaerit b. HAE-  
NIVS, num iuxta methodum SYDENHAMI opio in initio huius morbi locus relinquendus sit? Nullo modo. Opium enim, nisi materies in ventriculo et intestinis haerens antea expulsa esset, noxas produceret dirissimas; quodsi vero hoc factum est, neruique nimium adhuc irritati sunt, remedium est diuinum, eapropter SYDENHAMVS ille vomitum inprimis magna iurium copia faciliorem reddere solebat. Et minus accurate explicasse vide-  
tur Auctor *affectionem coeliacam*, dum colorem fecum album chyli admixtioni tribuit soli, qui quidem color a defectu bilis corruptae potius oritur, quam a chylo, quod magis elucet ex eo, quum, qui ictero laborant, eorum feces exeant albae. Quod  
ad colicam attinet, vetustissimis medicis verbo magis, quam re, ignota fuisse videtur. Morbi enim  
illius

- illius causae enumeratae leguntur in malo iliaco, unde cum TIBERIVS in edicto de infirmitate sua nomen *Colicae* meminisset, Romani prorsus, quid
- p. 126. significaret, ignorarunt. In *Diarrhoea*, a dentitione infantum enata, febricula magis respicienda est et eruptio dentium lanceolae adiumento caute facta, quam diarrhoea ipsa; dolor, qui adest, breui evanescit, unde *diarrhoea dysenterodes* appellatur, inter quam et *dysenteriam* non magnum primo intuitu intercedere videtur ex iudicio HAENII
- p. 151. crimen. At vero si hanc, eiusque formas, nec non rationes medendi diuersas, in hoc casu salutare, in illo noxias, spectamus, intelligimus omnino, omnem
- p. 170. hanc mereri attentionem. Longus est b. Auctor in exponendo morbo iliaco, grauiter inuehit in HAGVENOTVM, qui motus peristaltici inuersionem negarat, difficultatem hoc in malo exsistere ait hanc, qua ratione nempe feces aluinae ex crassis intestinis superare possent valuulam sic dictam BAVHINI, cuius structuram anatomicam simul percurrit. Sed si vlla fides habenda est dictis experimentisque virorum grauissimorum, necesse est, vt nos in eorum partes eamus. Inter causas huius mali referatur quoque *voluulus*, et omni iure, at etiam hic cautione quadam opus est, propterea quod hic *voluulus* post mortem in cadauere repertus sub ipsa mor-
- p. 249. tis lucta exemplo polypi oriri potuit. In *ischuria* saepe videmus vnum renem inflammatum esse, neque tamen alterum suam obire functionem, unde hoc? Nulla hic alia causa esse potest, nisi vt alter ren ita distendatur in suis arteriis, quo illae tonum plane amittant suum, atque adeo sanguinem propellere nequeant. Suffocata enim circulatione, vrina non secernitur, siue, vt recte monuit HAENIVS, in neruis quaerenda est. Rarus autem mor-
- p. 279. bus est. *Diabetes verus*, pessimumque in febre putrida



trida symptoma; *spurius* saepe periodice reperitur in hominibus spasmō praecipue affectis, et minus periculosus, qui, auctore ETMÜLLERO, quippe primo huius distinctionis artifice, colliquatione humorum exoritur. Atque hoc modo *functiones naturales*, quas excipiunt *vitales*, ad finem perduxit.

*Cordis palpitacionem* variis ex causis initium p. 295. capere suum, atque harum respectu magis vel minus periculosam esse, quisque bonus medicus non ignorat. Tangit hic HAENIVS irritabilitatem Hallerianam, neque sibi persuadere potest, agere cor plane per irritationem. Aliud est enim, inquit, p. 323. cordis viuax natura, aliud eius irritabilitas, et semper, vt credimus, in ytramque partem militabant argumenta \*). Ad respirationis laesae symptomata primaria numerat *Apnoeam*, *Orthopnoeam*, *Catarrhum suffocatum*, *Dyspnoeam*, *Asthma*; quae quidem posteriora gradu tantum differunt, ita, vt *Dyspnoea* symptoma plurium aliorum morborum, vt hydropis, grauiditatis, et tympanitae, appareat; *Asthma* vero morbum efficiat singularem, quod pro varia coeli iniuria abit et redit, ex qua qui asthmate humido vel sicco laborant, maius vel minus percipiunt leuamen. Quum vero multis in rebus p. 334. conuenire videatur cum his morbis *tussis conuulsiva* a BOERHAAVIO plane intacta, b. HAENIVS hic eius mentionem fecit, praesertim cum anno MDCCXXVII. epidemice grassaretur, vbi ex quadraginta quatuor aegris historiam morbi adornauit totam. Hoc malum dicit a leui tussicula mox intra vnum, vel duos dies in violentam ac frequentem mutari, sed haud raro videmus quoque huius mali signa characteristica, decursis aliquot hebdomadibus,

\*) Conf. A. G. WEBERI Comment. de initiis ac progressibus doctrinae irritabilitatis. Halae MDCCCLXXXIII. 8. *Tertiae Decad. Suppl. III.* li

madibus, se ostendere. Primo inuasit Francogalliam anno MDXXVI. Plurimi medicorum contendunt vnum tantum hunc morbum aliquem fustingere, et probabile videtur, praesertim si assumimus eum a fero acri morbilloso ad laryngem delato ori. Egregios sibi effectus edidisse, ait b. Auctor in illa epidemia kermes minerale, quod vero anno MDCCCL. cum rursus faeuiret, hoc malum non modo non leniit, sed potius plures occidit. Optima remedia extant tartarus emeticus, sulphur aurat. antim. syrup. diacod. oxymel squillit. et si irritatio vehemens est, moschus, flores zinci, extractum hyoscyami, maximumque cortex Peruv. eiusque balnea; at vero etiam hic chamomillae vapores in laryngem missi non negligendi sunt, inprimis si

P. 348. sputa admodum viscida apparent. Alium morbum cognitu difficillimum et a BOERHAAVIO nullibi explicatum habemus in *hydrope pectoris*, quem, ut Auctor ipse ait, anatome saepius detexit, quam medicus viuo homine cognouit. Omnia enim experimenta Cl. AVENBRUGGERI \*) fallacia euadunt maxime in principio huius morbi. Etenim qui fieri potest, ut, cum thorax adeo coarctatus cernatur, fluctuatio aquae percipi queat, etsi aeger in alterum se conuertat latus, iam vero si signa habemus euidentia, post festum fere est. Ad idem quoque redit percussio pectoris, vbi, si dolii vacui sonum referat pectus, hydrothoracem adesse confirmat, quod quidem locum hic plane nullum habere potest. Nam qui pectus propter partes in se contentas cum dolio vacuo comparari possit, non intelligimus. Maximum hic est, ut indagemus, num forte morbus pectoralis, quale est asthma, tussis sicca, vel cum sputo aquoso iuncta etc. antecesserit.

Inter

\*) v. Tract. de percussione thoracis ut signo abstrusos thoracis morbos detegendi.



Inter actiones animales primo Auctor posuit p. 361. *visus laesi* symptomata numerosa, ampliore historiam oculi anatomicam inseruit, eiusque omnes, qui morbos in parte quacunque existere queant, nec non eos, qui vulneribus debentur, adiecit, quos ut quisque legat multum, neminem poenitebit. Eandem attentionem atque diligentiam merentur p. 466. morbi aurium, (quos haud incongrue ad quinque causas referre possumus has: 1) ad congestionem sanguineam; 2) ad congestionem serosam; 3) ad metastasin; 4) ad spasmos; 5) ad vitia mechanica:) olfactus, gustus, atque tactus. Inseruit hic Cl. p. 508. WASSERBERG morbos *capitis* et *neruorum* ex codice praelectionum matutinarum b. HAENII, qui cum *epilepsia* incipit, cuius mali sedem omnino omnem in cerebro esse contendit. At vero causa remota omnibus nervis inesse videtur, quae se per nimiam quandam sensibilitatem manifestat ita, ut vel minima irritatio hoc malum producere queat. Nunc ad cephalicorum omnium morborum prin- p. 557. cipem, *vertiginem*, qui eam ob causam quoque epilepsiae praemittendus fuisset, accedit, reliquosque egregie pertractat, ut *Apoplexiam*, *Parapoplexiam*, *Paraplegiam*, *Paresin*, *Anaesthesiam*, *Lethargum*, (qui inter ceteras huius mali species cognoscitur praefertim hoc, ut febre inflammatoria cum delirio et obliuione coniunctus reperiatur) *Cataphoram*, *Carum*, *Catalepsin* (morbum sane mirabilem, in quo functionum animalium aliae pergunt, aliae cessant. Multa autem hic incredibilia spargi, quis erit, qui neget? adeo, ut non raro viri sagacissimi abierint decepti. Duas esse catalepseos species, quisque scit, *perfectam* scilicet et *imperfectam*, ubi motus et sensus percipitur minimus, ex quo nota b. Auctoris hic adiecta diiudicari potest \*). *Chorem Sti Viti*,

Ii 2

Coma

\*) Si sensorium commune non plane iners, cur ad vel-  
licatio-

*Coma tomatoden, agrypnoden, Paralyfin*, (cuius locus esse debuit ante paraplegiam) *Incubum*. Ceterum hoc caput veluti compendium totius praxeos est. Morbi enim narrantur, causae eorum explicantur, curatio additur, formulae dictantur, atque doctrina HIPPOCRATIS ad quaevis symptomata et morbos adhibetur.

- Vol.IV. Versatur HAENIUS in volumine IV. in exponenda doctrina de signis, quam bene scire multum interesse, ut quae in aegro accidant, qui morbus sit, periculum habeat, nec ne, medicamentis opus sit, an solo victu etc. plane cognoscamus, quis est, qui inficietur? Docet, quid valeant signa prognostica, anamnestic, et diagnostica: nullum esse ait signum morbi pathognomicum (immo vero pathognomonicum ex vero Graecae linguae genio) et iure meritoque, quo ad signa sanitatis optima generalia accedit. Haec sumuntur a generatione, (loquitur nempe Auctor de vita humana nostri temporis: Patriarchas enim si consideramus primos nostri centenarii pueri sunt. Sed quaestio tamen semper manet haec, num anni patriarcharum plane responderint nostris, numne saepius, ut ex historia antiqua habemus, annus durauerit tamdiu, ac apud nos fortasse mensis spatium, quod facile cognosci potest ex hoc, quia res astronomica vera iis adhuc incognita erat) a gestatione in utero, a natiuitate, a modo, quo crescit corpus, ab habitu corporis, ab humoribus, ab actionibus. Quum vero incredibilis solidarum fluidarumque partium coniunctio reperiatur, ex qua tanta humanae naturae diuersitas enascitur, oritur illa inde a GALENO peruulgata
- p. 27. temperamentorum notio valde absorta in calidum, frigidum.
- p. 59.

licationes et punctiones non retrahitur pars, non mutatur situs? an est tantum iners sensorium commune respectu neruorum sentientium, et non respectu neruorum motoriorum?



*frigidum, humidum et siccum.* Sed quia varia in variis est proportio haec, melius videtur ista describi in *sanguineum, phlegmaticum, cholericum* atque *melancholicum*. Sequitur semiotica, quae *specialis* dicitur p. 76. posset, nisi tam multa aliena interspersa essent. Le. p. 86. gimus hic dissertationem totam adiectam *de fontibus internoscendi locos internos affectos*. Hanc excip. 213. piunt *dies decretorii*, qui irritabilitate Halleriana redduntur firmiores. Quo magis enim morbi materia aegros irritabiles aut tardos exercet, eo citius aut tardius finietur, eo vehementiores aut debiliores solidorum humidorumque motus sequentur, eo maius aut minus periculum, eo certius exitium aut salus erit. Non ignoramus quidem, controversiam haud leuem de *diebus decretoriis* esse, vtrum vere dentur, nec ne. Quodsi autem veterum, imprimis HIPPOCRATIS, diligentiam singularem in eruendis morborum signis, ordinandis, diiudicandisque spectamus, fieri non potuit, vt fallere potuissent. Ideoque certissimum est, morbos eos, quos fideliter, naturaeque apposite consignatos reliquerunt, tunc temporis vere certis ac statis diebus fuisse indicatos, etsi interdum non satis a se invicem distinxisse videntur *crisin* et *lysin*, eos tamen decretorios censuerunt, in quibus febrium plurimarum perfecta indicia fierent. Ceterum permulta ad hanc rem necessario pertinentia deficiunt, multa sine ordine bono exstant, quae hoc tempore curatius descripta et explicata sunt. Finem facit *Hy*. p. 427. *gieine*, tractatio admodum manca, nec satis limata, quae, vt tomus suam acquireret magnitudinem, addita esse videtur.

Volumen V. continet praecepta *Therapiae*, siue Vol. V. declarat rationem, qua functiones corporis sani laesae reddantur integrae. Ostendit Auctor, enar. p. 19. rata verborum *Indicantis, Contraindicantis, Coindi-*

- p. 36. *cantis, Correpugnantis* notione, *Cardiaca et diaetam aegroti*, transit deinde ad *Antidota*, siue remedia contra venena, quae quidem perpulchre ad certas classes redigere et vnicuique remedia addere potuisset, ita vt prima referret venena ex regno minerali, altera ex regno vegetabili, et tertia ex regno animali.
- p. 60. Minus accurate igitur BOERHAAVIUS dixit, *acetum plerumque in multis ceteris prodesse*; at quaenam sunt haec cetera? in venenis scilicet
- p. 79. vegetabilium acida optima exstant antidota. Differit nunc de corrigendis morbis solidis et fluidis, inserit hic Cl. WASSERBERG dissertationem de *hydropne articulorum* \*), quod multas aegrorum historias et animaduersiones contineret, quo moles operis
- p. 114. tam, quam pretium eo magis crescit. Quum vero duplex reperiatur materies, quae euacuanda est, 1) quae morbum facit, siue a morbo producta morbum simul auget, 2) quae iam dudum ante datum morbum in ventriculo haeret, duplices quoque dantur viae, altera *naturalis*, altera *praeternaturalis*, vnde ad medicamenta ipsa accedit, et primo ad *sudorifera*, quibus plura addi possunt, deinde ad
- p. 152. *sialagoga*, quibus experimenta et animaduersiones
189. WEBERI de *saliva* \*\*) addit pulcherrima. Dicit HAENIUS generalem doctrinam de *Emeticis* esse perniciosam. At vero emetica in manu prudentis medici saepe mira facere, quis est, qui nesciat? vnde medici practici summi, vt BRENDELIVS, HVGGO, SWIETEN, alique, initium methodi medendi, semper fecerant cum euacuatione primarum viarum, eosque felicissimos euasisse scimus, quod facile perspici potest. Nam haud raro impuritates canalis intestinalis causam morbi esse, nos satis superque
- docent,

\*) G. HAFNER differt. de hydropne articulorum, Vienn. 1762. 4.

\*\*) S. *Physikalisch-chemische Untersuchung der thierischen Feuchtigkeiten* von I. A. WEBER, Tübingen 1780.



docent, nunc autem quum medicamenta in visceribus vt fugantur, necesse sit; iis impedimentum est mucus, quominus effectus edant suos. HAE-  
 NIVS igitur valde timidus semper in exhibendis emeticis fuisse videtur, vnde, si ad hanc doctrinam venit, plerumque acerbus est: hoc vitium autem non cadit in medicamentum, sed in medicum. Ite-  
 rum hic addidit Cl. WASSERBERG dissertationem MEYERI de *Emeticis* \*). Euacuatione per superiores P. 226.  
 partes nunc ostensa, alia, per inferiores quae fit, in conspectum venit, per *purgantia* scilicet, quo P. 261.  
 rum varias appellationes earumque vim explicat. Haec sequuntur *diuretica*, quae humorum acrimo- P. 283.  
 niam demulcendo, spasmos viarum vrinariarum mitigant, vt lotium, hucusque cohibitum, liberius fluat. *Menagoga* et *Aristolochica* cum vtraque san- P. 288.  
 guinis fluxum per vterum intendunt, recte Auctor ad vnum idemque caput referre potuit, etsi lochia admittunt alia pellentia, alia menses. Quum vero nostro tempore variolarum insitio magis excolatur et promoueatur, addit Cl. DE WASSERBERG dis-  
 sertationem BARISANI de *insitione variolarum* \*\*), P. 295.  
 quae fata inoculationis, eius certa commoda et incommoda etc. ostendit, nec non historiam inoculatorum refert. In *Phlebotomia* optime quisque ver- P. 353.  
 satur, si constitutionem sanguinis et humorum, va-  
 forum vim, fluidis resistentem, et motum per vasa perpendit: eadem cautione vtatur in *scarificatione*, P. 374.  
 ne gangraenam aliaque mala dirissima efficiat. Huic operationi multis in rebus praeferenda esse vide-  
 tur applicatio *hirudinum* et propter leuiorem dolo- P. 378.

\*) C. A. MEYERI diss. inaugur. med. de eximio ipecacuanhae, nec non aliorum quorundam emeticorum, refracta dosi exhibitorum, usu, Goetting. 1779.

\*\*) SIGISM. BARISANI diss. inaug. medico-practica de insitione variolarum, Vindob. 1780.

rem et minora incommoda, quorum vsum medicum, HIPPOCRATES iam et CELSVS memorarunt, optimeque exposuit Cl. SCHMUCKER \*); vnde, quae ad caput hoc, ab HAENIO sat obiter tractata, spectant, partim excerpta, partim traducta hic le-  
 p. 397. guntur. Finem faciunt *setacea et fonticuli, stimulantia, vesicantia et cura palliativa*, quae sequuntur additamenta ad *Hygieinen* \*\*), ad *febrem hemitritaeam* \*\*\*), ad *bilis* \*\*\*\*) *sanguinis* †) eiusdemque *seri* ††) naturam indolemque pertinentia.

Seorsim excudi curavit Cl. WASSERBERG duos tractatus HAENII de *vermibus intestinorum et de ictero*, quorum prior fere omnia ad hanc rem utilissima continet collecta. Enarrantur hic sententiae et veterum, et recentiorum variae. Veteres enim omnes in ea fuisse opinione, vermes produci a putredine, et HIPPOCRATEM ipsum statuisse eos fectui in vtero materno nasci, ex excrementis tandiu ibi retentis notissimum est. Ex historia autem naturali scimus, nil nisi ex semine et ouulo generari, quamquam etiam nunc habemus, qui vermes nobis innatos esse contendunt, quod vero nihil aliud esse videtur, quam doctrinae Hippocraticae aliam induere vestem. In altero videmus recentissima cum bile instituta experimenta chemica, quae variis in libris dispersa leguntur et ad scientiam medicam multum profunt: attulit Cl. WASSERBERG quoque recensitionem theoriae nouae Cl. MARCARDI de  
 Ictero

\*) S. SCHMUCKERS *vermischte chirurgische Schriften*, I B. N. 2. S. 75. et Cl. GRVNERI prol. de recta hirudinum applicatione, Ien. 1780.

\*\*) I. C. GEHLER diatribe de variis aërem corruptum emendandi mediis, Lipsiae 1781.

\*\*\*) MELCH. STOERCK differtt. inaug. med. de febre hemitritaea.

\*\*\*\*) WEBER l. c.

†) idem ibidem.

††) idem ibidem.



Itero amplam, nec non ea, quae Cl. TODE hic monuit. Ceterum hi duo tractatus, quod pleraque hanc rem hucusque concernentia exhibent, lectu sunt dignissimi.

XX.

PETER MOSCATI, *der Arzneykunst Doktor, Professor der Chymie und Chirurgie zu Mailand, neue Beobachtungen und Versuche über das Blut und über den Ursprung der thierischen Wärme. Aus dem Italienischen übersetzt von KARL HEINRICH KOESTLIN, Stuttgart bey Johann Benedikt Mezler, 1780. 8. Seitt. 56.*

i. e.

PETRI MOSCATI, *Medicinae Doctoris et Professoris Chemiae atque Chirurgiae Mediolan. Observationes nouae ac experimenta cum sanguine et de origine caloris animalis instituta. Ex lingua Italica conuertit CAROLVS HENRICVS KÖSTLIN, Stutgardiae apud Iohann. Benedict. Mezler, MDCCLXXX. 8vo. pagg. 56.*

Quum inde a longo temporis spatio haud pauca facta essent cum sanguine experimenta ignis auxilio, atque ex iis perspectum, constare hunc ex fero ac cruore: Auctor huius libelli per se commendatissimi hanc incidit in mentem, eadem cum hoc fluido rubro repetere, sed longe alio modo, ac adhuc instituta fuerant, propterea quod ex hac theoria innumeri syllogismi colligi possent dubii ac incerti in variis morbis. Scilicet quam primum p. 9. sanguis e vena missus coagulauit, reperimus in eo principia inter se diuersa haec: 1) Serum, 2) Ge-

latinam, 3) Cruorem siue globulos sanguineos rubros, quibuscum in homine viuo magna phlogistici copia est coniuncta, vnde circulatio atque adeo fluiditas sanguinis ex sententia MOSCATI pendeat. Extra has autem virtutes recensitas detexit Auctor memorabilem quoque hanc, phlogistici ope serum coire ita, vt neque diluatur, neque existat calor. Quae quidem virtus vt magis eluceret, calcis viuae vncias duas vel tres cuidam aquae quantitati admiscuit; quo facto, calor ortus est magnus, qui sub campana vitrea ad gradus sexaginta thermometri Reaumuriani adscenderet; atmosphaera fiebat rara a campana calida, adeo, vt, si aer ficcus calxque bene praeparata esset, campana interdum diffringeretur. Eadem fecit cum sanguinis recens emissi sero sub campana vitrea, quacum machina Halesiana erat copulata, vt aerem e corporibus euolutum siue deglutitum inuestigaret. Thermometrum in hac mixtione positum, non nisi ad gradum vnum vel duo adscendit, aer nec rarefit, nec campana calida, et tamen, praeterlapsis aliquot horis, serum sensim sensimque turbatur, impellucidum apparet, atque post tredecim, quatuordecim aut viginti horas cernitur inspissatum et coagulatum, tanquam in aqua ebulliente coctum. Haec experimenta autem etsi singulari diligentia atque studio eximio sunt facta, modus tamen ratioque vis et efficaciae rebus physicis aliqua ex parte contraria videntur. Nam quod Auctor, cum calx aqua commixta non efferuescit, vt fit, sed sensim turbatur, atque decursu horarum XIII – XX coagulatur, quod Auctor, inquam, ex hoc colligit, phlogiston calcis, quod in serum transferit, hoc effecisse, haud probari potest, immo vero causticitas calcis esse videtur causa, quo huic crassae et ferosae massae fluidum tenuius, tanquam instrumentum fluiditatis, eripitur, et quo illae partes so-

lutae



lutae in spatia angustiora redire, h. e. se inspissare coguntur. Quod quidem eo magis inde apparet, quia calx, peracto experimento, cum aqua neque efferuescebat, neque pondus suum pristinum, uti serum, reddebat, propterea quod multae partes aquosae et igneae solutione auolarant, quanquam neque campana calida, neque aër rarus erat factus.

Sed ut alterum quoque sanguinis principium, p. 23. gelatinam, disquisitioni subiiceret, atque ostenderet, hanc a sero differre, sanguinem aegroti in vitrum aquae calidae immistum demitti iussit, cuius sanguinis pars dimidia in eadem aqua infundendo agitabatur. Spatio horarum XXIV decurso collegit gelatinam, quae quum aquae ebullienti adiceretur, serum antea fluidum coiuit, pondere suo ratione sanguinis in vitro adhuc contenti perpaucum emisserat, ubi simul quoque observauit, sero gelatinam multo citius in putredinem transire. Sed perpulchra est observatio, cum globulis sanguineis facta, qui quamdiu cum sero mixti sunt, id rubicundum apparet; quam primum vero globuli sanguinei fundum petunt, recipit colorem suum flauum. His enim dum aquam adderet destillatam, post aliquot horas decomponebantur ita, ut aqua fieret rubicundior, neque turbulenta, cumque hanc aquam perscrutaretur oculo armato, nec globulos rubros, nec vlla corpuscula alia detexit. Ex quo coniecit Auctor, globulum minime constare materie rubra sola, immo vero partem eiusdem, quae solutione globuli sit liberata, esse. Quam quidem coniecturam alia etiam experimenta confirmarunt magis. Microscopio enim composito instructus in quouis globulo sanguineo punctum obscurius vidit, et circa hoc materiem pellucidam, neque tamen vero coloratam, itaque hoc punctum haud dubie coloris esse principium credidit. Cuius materiei prima  
flamina

flamina quum accuratius inuestigaret, inuenit, terram ea continere natura sua viridem, indoleque singulari, quae propter phlogiston coniunctum in homine viuo cerneretur rubra, atque adeo phlogiston esse id, ex quo maior vel minor penderet sanguinis color. Haec experimenta omnino omnia editione alia longe maiori, quam auide exspectamus, reddentur clariora.

XXI.

NICOLAI RIGLER, Physici Ducatus Bielicensis in Silesia Austriaca, constitutio epidemica annorum MDCCCLXXV, LXXVI, LXXVIII, LXXIX. adiectis nonnullis selectioribus casibus practicis, Vratislaviae MDCCCLXXX. 8. sumtibus Guilielmi Theophili Korn. pagg. 158.

**H**oc in libro descriptam legimus synochum putridam maxime malignam, quae annis superioribus dictis praesertim in Ducatu Bielicensi epidemice est grassata. Cuius constitutionis epidemicae, ut Auctor ipse ait, causae grauissimae esse videntur situs municipii, ciuium pannificia, nec non politia pessime constituta. Etenim vrbs admodum populosa a tergo montibus sat altis atque collibus vndiquaque cincta conspicitur adeo, ut non prius, usque dum suburbia quis intret, eam cernat, vnde aer, qui urbem libere permeare non potest, circumfunditur impurissimus. Accedunt innumerae cloacae, quae odorem spargunt tam intolerabilem, ut quis, etsi longe ab iis abest, ferre tamen vix ac ne vix quidem possit. Qui quidem odor foetens magis augetur more isto pessimo, quod sordes omnes eiiciantur in plateas, ciuesque, qui fere omnes pannificio victum sibi quaerunt quotidianum, copiam olei oliuarum rancidi ad lanam praeparandam consumunt



sumunt insignem. Quo facto, pannus subiicitur molae fullonum, vt vrina hominum putridissima a sordibus reddatur pura, quam in rem in vnaquaque fere domo vasa habentur vrina putrida repleta. Fertur nunc pannus per plateas, particulae effluentes foetidissimae adeo penetrabiles sunt, vt, clausis etiam naribus, syncope correptum hominem in terram prostertere valeant. Hoc itaque modo pannus praeparatus atque lotus tinctoribus ad colorandum traditur. Hi, quum non procul ab municipio fluuius praetereat, Piala dictus, in quem fluuium quisquiliae confluunt omnino omnes atque latrinae et cloacae hinc inde exstructae se exonerant, multitudinem materiae adhibitae ad tingendos pannos, telam, lanamque abluendam coniciunt insignem, v. c. alcali volatile, alumen, tartarum, vitriolum, mercurium, eumque potissimum corrosiuum, pigmenta colorata, liquores ex ahenis tinctorum venenatos. Haec aqua, venenis talibus impraegnata, pecoribus postea praebetur ad potandum, vnde singulis annis epidemiam auferre quam plurima, quis est, qui miretur? Cui fato tristissimo etiam tota ciuitas cedere cogeretur, nisi venti rapidissimi et pluuiae vel maximae hanc, fluuiumque a putridis his et venenatis coërcerent effluuiis, etsi morbos putridos, inprimis vero febrem putridam et dysenteriam, omni anni tempore epidemice et endemice regnare, fere continuo videmus.

Periodi huius morbi primae signum pathogno. p. 6. monicum, vti omnium febrium putridarum, erat virium totius corporis prostratio, quam symptomata fere consueta sequebantur. Secundo, tertio, p. 7. quartoue die autem accessit febris aucta continua continens, quae ad morbi vsque finem perduraret, cuius comites praecipui erant calor admodum exiguus, qui medici manus, cum pulsum exploraret, tanquam

tanquam aciculis, punxit; genae roseae, facies tristis inflata, albugo oculorum rubra et quasi inflammata, decubitus plerumque in dorsum, nonnunquam in abdomen. In ἀκμῇ morbi non raro syncope correpti sunt ea, quae imaginem mortis referret plenam, vnde, nisi medicus accessisset, haud dubie terrae fuissent traditi. Pulsus magna ex parte naturali similis, in aliis iusto celerior, in aliis debiliior, vomitus nec leuans, nec nocens, tussis vehementissima ab initio sicca, postea vero humida, vesperique exacerbata; respiratio eorum, qui in nosocomiis militaribus erant, libera et naturalis, qui vero castra sequi cogeabantur, suspiriosa; lingua initio mucosa, in morbo ipso humida, quamobrem si aegri eam ostendere efflagitabantur, se ostendisse responderunt, etsi, hanc ut exporrigerent, non valerent, sitis vix vlla, progressu autem morbi fere inextinguibilis; vrina in paucis turbida cum sedimento bolo armenae simili, in plurimis crassa; cutis sudans. Iam vero quarto septimoue huius periodi die miseri hi petechiis aut miliaribus reperiiebantur conspersi, in aliis apparebant post mortem, in aliis iam primo huius mali die, ita, ut nonnulli deambularent iis affecti, neque tamen criticae erant. Nullus enim ex his percepit leuamen. Et Auctor experientia sua fretus cum AASKOEO et PERCIVAL audacter affirmat, petechias his in epidemiis plane non regimini calido esse tribuendas, propterea, quod, etiam si methodum medendi adhibuerit antisepticam et frigidam, ex iis, qui se puluinaribus fere immerferint, vix vnum miliaribus siue petechiis viderit obsitum, cum e contrario qui lectos missos facerent, ii exanthematis affecti fuissent.

Die vndecimo accessit periodus tertia, quam signa pessima, quae vnum, ad summum duo perdurarent



rarent dies, quibus vitam finirent miseri, comitati sunt. Color flauus augebatur post mortem, petechiaeque liuidae ratione magnitudinis non solum, sed etiam numeri crescebant, omninoque totum malum ad diem vigesimum primum usque, siue ad vigesimum octauum, attamen vero in paucissimis, ubi sanitas aut mors sequeretur, durauit. Plurimi obierunt die XI. XVII. XXI. sed etiam recidivas quater saepe et quinquies sustinuerunt.

Hic Auctor symptomata supra laudata explanat p. 14. fusius, omniaque ea, quae ad hunc morbum putridum procreandum conferre quid videntur, recenset, quo ad indicationem et *prophylacticam*, cui p. 32. omnia annumerat ea, quae aëris puritatem conferuant, bilis, humorumque putredinem coercant, transpirationem augent, digestionem bonam adiuuant, reliquasque excretiones promouent, accedit et *Curatoriam*, quae quam difficilis sit, quis est, qui p. 40. non intelligat. Inprimis autem medicus bonus hac in peste respiciat ea, ut putredinem corrigat, vires vitales conseruet, labefactatasque erigat, symptomatibus prospiciat, recidivas praecaueat. Vnde p. 41. remedia nunc in hac synocho putrida anabatica enumerantur adhibita, in quibus primum locum obtinet cortex Peruvianus, cuius virtutes praedicat multis, sed eodem quoque animo ingenuo profiteatur, se plane non reperisse ea in opio, radice Valerianae siluestris maioris et Arnicae etc. quae in morbis putridis efficere dicerentur. (Recte. Neque vero nobis datum est peruidere diuinas Arnicae dotes, quas COLLINVS vbique vidit.) Tandem historias p. 123. morborum quasdam selectas vna cum formulis hac p. 150. in epidemia praescriptis adiecit, ex quibus, uti ex toto libro, studium Auctoris indefessum ac iudicium practicum elucet quam maxime.

XXII.

*Dr. SAMUEL GOTTLIEB VOGELS Handbuch der praktischen Arzneywissenschaft, zum Gebrauch für angehende Aerzte, 1<sup>ster</sup> Band. Stendal 1781. 8. 1 $\frac{1}{2}$  alph.*

i. e.

Manuale medicinae practicae, in vsum medicorum iuniorum. Auctore SAMUEL GOTTLIEB VOGEL.

**P**atris sui praelectiones *de cognoscendis et curandis praecipuis corporis humani affectibus* primum auctas et varie emendatas in lucem emittere Cl. Auctor secum constituerat, quum autem in hoc proposito ab aliis praeueniretur, factum est, vt proprium plane librum elaboraret, multa quidem pathologica ex patris libro desumta continentem, totum vero proprio labore lucubratum. In hoc libro facilem ab omnibus opinionibus, hypothesebus, cet. alienam, morbos medendi methodum naturae fidelem tradere sibi proposuit, eumque finem, si non penitus, ex parte certe hoc modo attigit, vt merito speremus fore, vt iuniores medici tali duce comiteque haud facile in vehementioribus morbis curandis hallucinentur.

Hoc volumen febrium partem comprehendit, primumque de febribus generatim agitur. Morbos chronicos hodie, prae febrilibus magis inualuisse. De febribus essentialibus, accidentibus, symptomaticis, criticis. Febrium symptomata, diuisiones, variorum earum generum definitiones.

p. 25.

*De febribus intermittentibus*, earumque symptomatibus. Crisin quandam post quemlibet febris intermittens insultum subsequi, morbum tamen ea non penitus solui. De typis et intermittentium febrium symptomatibus insolitis. Malignarum causam



causam semper in bile latere. De intermittenti-  
bus febribus, laruatis causis intermittentium fe-  
brium. Febres intermittentes quare in quibusdam  
regionibus parum frequentes sint. Extispicia fe-  
bribus intermittenti- demortuorum. Medicinae  
ad febres intermittentes. Carnachini pulverem  
recenter praescriptum nec situ alteratum egregiam  
ad febres intermittentes medicinam esse. De re-  
soluentium usu recte aestimando. (In salium usu  
nimis longus esse videtur doctiss. Auctor.) De Pe-  
ruuiano cortice et medicinis illi substituendis. De  
quartanis febribus curandis. Ad eas clysteres Kaem-  
pfiana methodo administratos mire valere, nec non  
mercurialia. De opii ad malignas febres intermit-  
tentes curandas usu. Ab intermittenti- febribus p. 167.  
ad continuas transitus est. Primum variae defini-  
tiones exhibentur, deinde de duratione harum fe-  
brium agitur. De malis harum febrium sympto-  
matibus, earumque malignitate. Febres malignas  
ad neruosas omnes pertinere. De vario febrium  
continuarum exitu, crisi- bus crisi- umque signis. De  
criticorum dierum recta aestimatione, et de absces-  
sibus febrium. De symptomatibus, ex quibus pe-  
riculum morbi colligitur. De curatione febrium  
continuarum generalia quaedam, venaesectio quan-  
do indicetur. De euacuantibus, emeticis purgan-  
tibusque recte adhibendis. De refrigerantibus. Et  
lactentibus pueris acida, et mineralia dari posse. De  
potu aegrotantium et oxymelide. De crisi- um iusto  
moderamine, diaeta acutarum et earum symptoma-  
tibus maxime vrgentibus moderandis. De febribus  
tractandis, in quibus vires vitales languent, quo in  
vnico paene casu calidam medendi methodum  
Noster laudat. Camphoram vim cantharidum in  
vrinae vias non infringere. De corporis robore  
post febres superatas restituendo. (Symptomatum

tamen, post superatas febres rebelles fugientium, oedematis pedum, hydropis, diuturni languoris, aliorumque nulla mentio iniecta est.)

P. 274. *De diaria febre. De simplici syncho, eiusque variis complicationibus. De crusta sanguinis inflammatoria.* Aegros, in quorum sanguine talis crusta observatur, sanguinis missionem semper facilius ferre; alia tamen simul signa, quae sanguinis missionem indicant, aestimanda esse. De synochi curationibus. Balneorum in febribus curandis vsum nimis negligi.

P. 292. *De biliosis febribus, signisque bilis in primis viis haerentis, illiusque, quae sanguinem infecit. De epidemicis febribus biliosis, in calidis inprimis regionibus grassantibus. De biliosa inflammatione a vera recte distinguenda. De variis febribus ad biliosas referendis, inprimis de febre flaua Americana.*

Salem ammoniacum ad bilem praeparandam, vt facilius educi possit, diarrhoea praesertim bilem non educente praesente, inprimis conuenire. (Nos tartari cremorem cum sale mirabili ex aqua coctum eum in finem cum successu dare consueuimus.) De viis, per quas bilis educenda est, recte aestimandis. Signa bilis in primis viis collectae inprimis recte aestimanda esse; saepius enim euenire, vt aut spasmi, aut infarctus vasorum ventriculi in febribus per se non biliosis biliosae colluiei praesentis symptomata simulent. De cortice Peruuiano in his febribus administrando, venae sectione, diaeta, cet.

P. 330. *De putridis febribus.* Putredinis aut in primis viis, aut in sanguine latentis distinctio. Symptomata, signa, duratio putridarum febrium. De laruatis febribus putridis, neruosas febres praesertim simulantibus. De prognosi harum febrium et de varia earum complicatione cum inflammationibus viscerum occultis, biliosa colluie, pituita, dysenteria, exan-



exanthematibus, intermittentibus febribus, febribus nervosis malignis, vermibus, caet. Extispicia, in quibus imprimis de frequentibus suppurationibus harum febrium agitur.

De emeticorum et purgantium in his febribus usu. Inprimis autem harum medicinarum usum ita moderandum esse, ne noxae ex iis accendantur. De potibus ad febres putridas acidis. (Nos in febribus putridis subinde insigni cum usu cerevisiam tenuem aegris copiose dedimus recentem paratam et maxime fermentantem.) De Peruviano cortice in pulveris forma inprimis adhibendo. (Nos frigidum infusum ad Cl<sup>i</sup> PERCIVAL mentem paratum dare consuevimus, quum pulvis saepe in ventriculo molestias creet.) De mineralibus acidis. Vinum virium imbecillitate summa existente, optimam medicinam esse. De aliis medicinis putredini aduersis simulque vires instaurantibus. De vesicatoriis emplastris adhibendis.

Occultas inflammationes in putridis febribus quo modo tractare expediat, et de aliorum symptomatum urgentium iusto moderamine. De balneorum et ad has febres, periculo vitae summo existente, usu. De his, quae talibus febribus epidemice grassantibus agenda sunt. De fixo aëre.

*De nervosis febribus.* Earum tres species noster p. 403. constituit, *lentam, acutam et malignam.*

De febre lenta nervosa primum agitur, eiusque symptomata causaeque bene enumerantur. Curatio huius febris. Leuia emetica in initiis semper danda esse, postea ipecacuanham aut tartarum emeticum parvis dosibus insignem utilitatem afferre. De vesicatoriis emplastris in his febribus copiose adhibendis camphoram etiam prodesse, non tamen sudore excitato morbum profligari, qui omnibus

copiosis excretionibus intenditur. De moschi usu, et excretionibus nimis in his febribus moderandis.

P. 436. *De rheumaticis febribus et rheumatismis generatim* nouo capite agitur. Rheumatismi essentiam in humorum serosorum aut lymphaticorum stagnatione positam esse. Rheumatismus fixus, vagus quomodo distinguendus sit. De symptomatibus ex rheumatismo interno. De rheumatica febre. Eius indolem aut mere inflammatoriam, aut biliosam, aut catarrhalem, aut putridam esse. Historia harum specierum.

P. 450. De chronicis rheumatismis, eorumque inflammatione praegressa, suppurationibus. Rheumaticam materiam variam esse, catarrhalem, miliarem, scorbuticam, veneream, cancrasam, scabiosam, scrofulosam, verminosam. De variis rheumatismi, pro variis locis, quae occupat, nominibus. De phthisi ex psoae musculi inflammatione et suppuratione. De ischiadico malo et morbi specie in huius morbi curatione recte aestimanda. De ischiade nervosa

P. 472. COTVNNII. Proximam rheumatismorum causam in inflammatoria stagnatione humorum in lymphaticis vasis, membranis musculosis, (musculorum tendines inuestientibus) neruorum vaginis et in ligamentis articulorum contentorum positam esse. Subinde et corrosiuam quandam materiem neruos immediate irritare.

De causis rheumatismorum et de differentia inter rheumatismum et arthritidem. Signa, quibus huius morbi inter se distinguuntur, bene tradita sunt.

De curandis rheumatismis. Rheumaticam febrem eodem modo, ut inflammatoria, tractandam esse. De hirudinibus ipsi loco in rheumatismo affecto applicandis. Nitrum copiose datum optimam ad rheumatismum inflammatorium medicinam esse. (Nos salem ammoniacum cum nitro remixtum



mixtum insigni cum successu in eodem morbo copiose saepius exhibuimus.) Tartarum denique emeticum paruis dosibus datum insignes effectus praestare.

De doloribus externe per emollientes foci leniendis. Opium caute exhibendum, taxandosque Anglos esse, qui hanc medicinam sine ullo paene discrimine exhibent. DOWERI vero puluerem vtilissimum esse. De doloribus summis aegrorum leuandis ac de emetica medicina, dolores optime, biliosa causa existente, leuante. Febrem rheumaticam pituitosam longam lente resoluentium medicinarum et vesicatoriorum usum requirere.

Derheumatismorum retrogradorum medicinis. p. 497. Calidas plures commendat, quod probare nos haud facile possumus, quum haec retrograda materies inflammationem in parte, quam occupat, excitet, antiphlogisticis, aestum delentibus medicinis et vesicatoriis propellendam. De aconiti extracto, aliisque ad frigidos rheumatismos medicinis.

A calidis rheumatismis ad frigidos transitus est. De venae sectione, ptisanis diluentibus resoluentibus copiose bibendis, aliisque ad eos medicinis. De guaiaco in hoc morbo caute adhibendo. In externis ad frigidos rheumatismos medicinis cantharidum tinctura, vapores resoluentes varii, moxae, thermarum usus, scarificationes etc. inprimis commendantur. Ad immanes dolores leniendos aquam frigidam externe loco dolenti applicatam maxime conferre. Tandem COTYNNII medendi methodus breuiter enarratur.

Libro bono et multifariam rerum vtilium copiam continenti formulae medicamentorum 144 additae sunt, omnes paene bonae et efficaces.

XXIII.

*Geschichte der Wissenschaften in der Mark Brandenburg, besonders der Arzneywissenschaft, von den ältesten Zeiten bis zu Ende des sechzehnten Jahrhunderts; in welcher zugleich die Gedächtnismünzen berühmter Aerzte, welche in diesem Zeitraum in der Mark gelebt haben, beschrieben werden, von D. I. C. W. MOEHSEN. Berlin, bey Decker 1781. 3 Alph. 4 Bogen. in 4to. nebst drey Kupfertafeln.*

Eidem libro et alius titulus additus est:

*Beschreibung einer berlinischen Medaillensammlung, die vorzüglich aus Gedächtnismünzen berühmter Aerzte besteht, nebst einer Geschichte der Wissenschaften in der Mark Brandenburg, besonders der Arzneywissenschaft. —*

i. e.

*Scientiarum, inprimis medicinae, ab antiquissimis temporibus vsque ad saeculum XVI. in Marchia Brandenburgica historia, in qua simul numismata in honorem celebriorum medicorum, qui his temporibus in Marchia Brandenburgica vixerunt, describuntur, Auctore I. C. W. MOEHSEN.*

**H**oc egregio omnibus plane modis, diligentissime et sagacissimo ingenio elaborato opere partim politica Marchiae Brandenburgicae historia, partim et medicinae aliarumque scientiarum naturalium in vniuersa Germania historia valde illustrata est, ita vt hic liber, prae pluribus aliis, partim doctrina rerumque in eo contentarum dignitate, partim et amoenissima earum varietate emineat.

In



In varias periodos historia diuifa est, quarum prima ab antiquissimis temporibus ad annum 1144. post C. N. producitur.

Primum de religione veterum Germanorum p. 5. naturali agitur. Germanicas litteras quarto saeculo ab *Vphila*, Gothico episcopo, inuentas et ex graecis litteris emendatas esse. Terram, solem, lunam, caet. aut potius vires ex his naturalibus corporibus emanantes pro Diis coluisse. De quernorum viridescentium foliorum, visci que apud veteres Germanos dignitate, et de sacris ceremoniis, quibus viscus colligebatur. Medicos veterum Germanorum sacerdotes, viscumque ab iis ad plures morbos adhibitum fuisse. De *selagine* PLINII et *verbena*, sacris Germanorum herbis. Diaeteticam medicinae partem veteres Germanos magis coluisse, victui duro et simplici adsuetos; in anatome et chirurgia parum expertos fuisse. De numinibus peregrinis in Germaniam per peregrinarum nationum commercia, peregrinationes Germanorum, introductis, inprimis de Isidis cultu, nouam tamen hanc religionem medicinae valde aduersam fuisse.

De religione antiquissimorum Marchiae Bran- p. 47. denburgicae incolarum vberius Cl. Auctor differit. Vandalos primum, postea his expulsis Slauos Marchiam incoluisse, easque gentes Odinum coluisse, christianamque religionem ob ingentem rerum naturalium aurique quantitatem annuam, quam clerici principesque ab iis postulabant, maxime infensam fuisse. Hospitales autem, bonos fortesque viros fuisse, ac latissimum habuisse commercium, etiam fuisse in mineris metallicis liquandis et in variis metallis valde expertos.

Altera periodus ab anno 1144. ad annum vf. p. 79. que 1417. producitur, primumque politica historia breuiter, postea autem terrarum status Alber-

to I. imperante traditur. Hunc Marchionem bonum virum fuisse, terras suas diligenter curantem, eo tamen imperante clericos, qui politicarum rerum curam frequenter gerebant, neglecta penitus religione, turbas varias excitasse, eoque inprimis tempore clericorum in politicis potestatem vehementer creuisse, quum omnibus paene regionibus a Carolo M. occupatis clerici praefecti essent, aliique principes principatum suum pro sancto haberent, si Romani pontificis aut episcoporum Vasalli essent, penes quos omnis fere et in politicis potestas erat. Nobiles etiam bello rapinisque aduetos multum eo tempore contulisse ad scientiarum incrementa praefocanda, hisque inprimis bellis agriculturam commerciumque potenter impedita fuisse, ad has turbas vero Romanos pontifices multum contulisse. Monasteriorum his temporibus in Marchia institutorum catalogus exhibetur.

p. 155. Scholas ad iuventutem instituendam Slaui num habuerint incertum, christianas vero scholas a Carolo M. temporibus in Germania institutas esse. In Marchia inprimis in monasteriis episcopatibusque instituendis, ad iuventutem publicis scholis instituendam respectum esse, scholarum vero status quam malus sub monachorum auspiciis fuerit, quantumque ipsa hac publica institutione ad augendam omnis generis superstitionem praestitum fuerit, Ill. Auctor ex exemplis fuse docet.

p. 164. Nunc ea, quae ad veram horum temporum doctrinam speciatim pertinent, exponuntur, docti homines, inprimis autem chronicorum scriptores, memorantur, qui his temporibus inclaruerunt. De PVLKAWAE Chronico, ex quo varia ad historiam marchionum Brandenburgicorum pertinentia illustrantur.



De bibliothecis horum temporum publicis, ad quas instruendas plurimum pecuniae a principibus datum est; has vero praeter missalia, caet. parum continuasse.

De Othone IV. Astrologiae valde dedito. Carolum IV. vero Romanorum Imperatorem, doctissimum inter omnes sui temporis virum, ad scientias augendas plurimum contulisse, plures in Marchiam homines doctos vocasse, plurimosque studiosos, ut in Pragensi Academia litteris operam darent, commouisse. Commercia ab eo restituta vegete floruisse. De monetis his temporibus usitatis plura exponuntur lectu dignissima, monetarumque variae species quid his temporibus valuerint, fuse traditur.

Nunc ad medicam historiam propius accedit p. 256. Cl. Auctor. Medicinam in initiis paene omnem penes clericos christianos, et admodum superstitiosam fuisse. Pestem in hac periodo dirissime et frequentissime saevisse, et ad eam partim hominum summam incuriam immunditiemque, partim et clericorum auctoritatem contulisse, qui tales morbos a Deo ad nequitiam hominum puniendam immisos adeoque nulla plane cura auertendos esse putabant. Et hoc modo pestem latissime propagatam esse, quod ea infecti ad Sanctorum altaria delubraque confugerent, hocque modo morbum in sanos propagarent. Annorum, quibus pestilentia saevit, catalogus exhibetur. Magnam etiam stragem febres putridae et petechiales his temporibus ediderunt, primumque Venetiis, et in aliis Italiae maritimis regionibus, laudabili modo de peste auertenda cogitatum esse. Prodigia etiam varia a clericis, ut opes suas augerent, divulgata nunciataque multum ad hos morbos frequentiores reddendos contulisse, et superstitionem vulgi in immensum auxisse.

De infirmariis in Marchia per equites ordinis S. Ioannis Hierosolymitani institutis, vt in terram sanctam peregrinantes iis refocillarentur. De nosocomiis ad spiritum sanctum, ad nosocomii Romani normam institutis. De infirmariis pro leprosis, et nosocomiis ad pestilentiam. Laneas vestes, imunditiem, et carnis suillae vsum in militibus, cruciatis expeditionibus vacantibus, ad lepram disposuisse, et in Marchia his temporibus frequentissimam.

**P. 283.** Balnea publica ob lepram in Germania frequentem primum instituta, ex iisque clericorum opera mox religiosum quoddam institutum factum esse, ita vt et *animarum balnea* darentur. Vt et nobiles munditiei curam gererent, institutum esse, vt nullus, nisi barba derasa, lotoque diligenter corpore, in equestrem quendam ordinem recipi posset. Barbas tamen in Germania difficulter derogari potuisse, ita vt saeculo demum 13. barbitonfores instituti fuerint. Ad lepram etiam balnea valde laudata, moremque fuisse, vt et omnes, priusquam matrimonium contraherent, balneo vterentur. Monachos vero balneorum taedium mox cepisse, quum iis morbi contagiosi in eos frequenter propagarentur, eamque ob causam *balneatores* institutos esse.

*Chirurgiam* eo tempore, licet plurima bella gererentur, in Germania paene nullam fuisse, medicosque parcos, qui bellicis expeditionibus intererant, ducum tantum nobiliorumque valetudinem curasse, et cum aliis militibus armis pugnasse.

Quum *barbitonfores* necessarii demum euaderent, his chirurgia simul demandata est, eorum vero artificium eo tempore pro turpi et ingenuo homini indigno habitum eam forte ob causam est, quod Slaui vtplurimum, qui ab omnibus opificum societatibus sedulo arcebantur, ad barbae tonsuram adhibe-



adhiberentur. Hoc modo potissimum omne chirurgiae studium praefocatum esse, et licet barbitonfores a WENCESLAO, Rom. Imperatore, priuilegiis amplissimis ornarentur, haec tamen ad hominum praeiudicia extinguenda parum valuisse.

Nunc ad *chirurgiae historiam* transitus est. Sa-p. 294.  
lernitanam scholam in primis ad chirurgiam in Germania amplificandam contulisse, omnesque in Chirurgia magistros eo tempore Parisiis, Salerni, aut Bononiae creatos esse, ita tamen, vt in chirurgos *physicos* et *vulgares* diuiderentur, quorum illi medicinam et chirurgiam simul, hi vero chirurgiam tantum exercerent.

Chirurgorum etiam in Gallia ordini tonfores adscripti erant, qui pariter chirurgiam exercebant, et 1301 iam cum medicis chirurgis rixas mouebant. In Germania partim tales chirurgiam exercebant, qui eam in exteris academiis didicerant partim et a principibus speciali ad eam priuilegio donati.

Tertia periodus ab anno 1417 ad annum 1499 est. FRIDERICI I. et II ALBERTI et IOANNIS laudes. De clericis et doctis in hac periodo viris, ex equestri ordine iurisconsultis, et medicis. Archiattrorum simul Brandenburgicorum hoc tempore illustrium vita enarratur. De SIMONE PISTORIO, academiae Francofurtanae fundatore.

Officinarum pharmaceuticarum in Germania p. 372.  
historia; primaeque litterae, per quas officinis pharmaceuticis Berolini immunitates quaedam concessae sunt. Officinas pharmaceuticas in Germania ad normam earum, quae Neapoli et in Sicilia erant, instructas esse. Primam officinam pharmaceuticam Halae Saxon. 1493. Berolini autem 1488 instructam et priuilegio donatam esse. Finem huic periodo

periodo varia ad rem monetariam pertinentia faciunt.

**p. 385.** Quarta periodus vsque ad annum 1598 extenditur, praemissaque introductione de scientiarum in hac periodo statu, et quantum Francofurtensis academia ad eas contulerit, agitur. Plures tamen in peregrinis academiis medicinae studuisse, inprimis Basileae.

De praeiudiciis et erroribus Germanorum Saeculo XVI. vberius agitur. Haec in astrologiae studio, rerum magicarum amore pariter odioque, et in alchemia inprimis sita fuisse. De connubiis, quibus medicina eo tempore cum astrologia coniuncta erat, de astrologico furore, qui eo tempore paene omnes inuasit, et de germanorum principum erga astrologiam amore plura exempla, eaque satis mira lepidaque proponuntur. De professoribus astrologiae academicis, eorumque summo applausu, inualescente inprimis in Germania Paracelsistarum secta.

**p. 421.** De calendariis medicis cum variis signis, et de calendariis futurarum rerum euentus praesagientibus. Calendarium Romanum STOEFLERI ab anno 1518. primum astrologicam medicinam continentem fuisse; dari vero et alia calendaria ante hoc tempus impressa. Hoc inprimis plebem in maximam admirationem raptam esse, quod haec calendaria certos solis et lunae eclipsium dies indicerent, hocque modo et fidem aliis in iis contentis vaticiniis habitam esse. De STIEFELIO mundi vniuersi interitum praesagiente sat lepida historia.

De magis et a diabolo obsessis, deque superstitionis in medicinam influxu. Hoc inprimis saeculo rerum magicarum fidem maximam fuisse, magicisque vnguentis phantasmam tali modo turbatam esse, vt, sopore iis praeternaturali inducto, eo durante  
ipfi,



ipsi, qui talibus vnguentis vsi erant, cum diabolo commercium alere existimarent.

De IOACHIMO I. bono principe, scientias amante, et IOANNE TRITHEMIO, viro doctissimo; de archiatriis principis electoris, eorumque salariis, deque variarum rerum eo tempore vilissimis pretiis.

De IOACHIMO II. principe electore, et scientiarum, eo imperante, statu. De variis hominum hoc tempore quoad vestimenta consuetudinibus, foetibus monstrosis, magicis processibus, deque diabolo in homines hoc tempore imputata potentia. Rerum magicarum fides quare post reformationem a LVTHERO susceptam increuerit. De LIPPOLDO, Iudaeo, rei monetariae Berolinensis praefecto, eiusque, quum pro mago haberetur, supplicio, quo inprimis euenit, vt omnes Iudaei ex terris Brandenburgicis modo sat violento expellerentur.

IOACHIMI II. archiattrorum vitae vltcrius enar- p. 539.  
rantur, imperiumque IOANNIS GEORGII, principis electoris. De archiatriis eius, inprimis LEONHARDO THVRNEISSERO, alchymico celeberrimo. De primo Berolinensi physico, MATTHAEO FLACCO.

Tabulae aeneae, a IO. KRÜGERO eleganter sculptae, numismata in honorem *medicorum excussa continent.*

#### XXIV.

D. HENRICI FRIDERICI DELII aduersaria argumenti physico - medici. Erlangae, apud Wolfg. Walther. Fasc. I. II. et III. a 1778 vsque ad 1783.

**I**nstituti rationem III. Auctor his exposuit: „Visum est nuper speciminibus nonnullis academicis dicare plures schedulas, quibus subseciuas quasdam meditationes et annotationes, et in recitationibus

nibus academicis passim relatas, ne memoriae plane exciderent, consignaueram. Has, ne plane perirent, in aliquem ordinem redegi, et secundum partes medicinae principales et ministras distribui. Placuit hoc institutum medicinae candidatis, ita ut sibi eligerent vnam post alteram chartularum harum, et aduersariorum collectionem, quam, propositis interdum aliis, e cathedra eo magis defenderent, quo magis varia in iis ex vniuersa medicinae et naturae scientia continebantur, quae satis largam disputandi et colloquendi et vberius meditandi materiam subministrarent.,. Tres priores collectiones ab *Antonio Statio Müllero*, *Hermannno Lewino Smitian*, et *Ioanne Alexandro Roth*, in altero autem volumine contentae a *Ioanne Christiano Strebel*, *Leone Samuele Hassfurther*, *Casp. Christian. Albert. Gresselio*, et ab *Henr. El. Othone Wagnero* defensae sunt, quas omnes, quum ante annum 1780. et hoc anno iam editae sint, excerpere haud lubet.

Tertium autem volumen anno 1783. editum *Fr. Leber. Eisenbergii* dissertationem initia medicinae extemporaneae et domesticae cum aduersariis quibusdam chemicis continentem exhibet. De consilio curationum subito, et in ipsa arena capiendo, et de noxis ex protractis nimis curationibus, morborumque sublationibus differitur, morbique, qui praesentaneum auxilium requirunt, exponuntur. *Repletionis et inanitionis* terminos non sine ratione in medicinam introductos esse. (Hanc theoriam tamen, in qua omnia ad has causas proximas referebantur, curationi morborum praesentanea auxilia requirentium vehementer obstitisse putamus, quum et hoc accedat, quod *deplere* quidem facile sit, *replere* vero in angusto temporis spatio difficile.) De *συναγία* mediorum, deque auxilio iis, qui



qui subitanea quadam vi vitam amisisse visi sunt, statim ferendo.

Nunc *chemica* quaedam sequuntur. Aërem fixum et in carbonibus esse. De vaporibus medicamentorum forma. In omnibus acidis salibus et alcali iam exsistere, tartaro id probante. Resinae elasticae speciem ex visci baccis, ex quibus gluten ad aues capiendas paratur, parari posse.

*Meditationes quaedam in medicinae uniuersae partes a Conrado Bawier defensae sunt.* Primum de medicina in genere, et de historia eius litteraria agitur. *Sextum Empiricum* multum tamen et theoriae habuisse.

*Chemicis* quibusdam traditis, ad physiologica transitus est. De sanguine phlogiston resorbente et exturbante. De venereo aestu temperando, consensu partium corporis humani, caet.

Exanthemata num a vermibus sint. De capitis dolore, podagra, variolis, hypochondriaco malo, colicis rite distinguendis, et podagrica materia in corpore oberrante tractanda.

Diaeteticis quibusdam expositis, pharmaceutica quaedam sequuntur. De menthae virtute antaphrodisiaca, radicis lapathi virtute ad cutaneos morbos, theriaca, et confectione de hyacintho (celeberrimo olim SYLVII affeclis medicamento) minime indiscriminatim vendenda.

In chirurgicis de *albis tumoribus* agitur, panno laneo asperiori frictione et inuolutione tractandis. De internis ad oculorum morbos medicinis.

*Observationes et propositiones quasdam medico chirurgicas cum aduersariis nonnullis chemicis defendit* LEONH. MICH. KAPP.

De *hydropicis tumoribus* exempla proponuntur. De aqua inter cutem diureticis hoc modo euacuata,

ta, vt aqua vlcere in pedibus orto efflueret. Ad pedum tumorem residuum vapores spiritus vini accensi vtilis fuere. Tandem vero aeger, eodem morbo redeunte, neglecto medicamentorum vsu, suffocatus est. Inuoluntarium vrinae stillicidium in hydropicis post diureticorum vsu exortum morbum sanasse, exemplis quibusdam probatur. De diureticorum medicamentorum ex regno vegetabili, cum aqua ostracodermatum feruida digestorum, cui aquae post refrigerium vini boni quantitas adiicitur, vsu egregio.

Fracturae tibiae grauis et fibulae cariei casus exponuntur. De femoris tumore grandi suppurato. Vir quidam bolum satis magnum carnis bovinæ fumo induratae deuorauit, indeque deglutionis difficultatem passus est, quae frictione sanabatur, manifesto indicio, musculares oesophagi fibras a bolo grandi nimis distensas, paralyfi quadam a nimio extensione affectas, eoque modo et vicinas partes compressas esse.

In *chirurgicis propositionibus* de mammarum nodis, tumoribus, inflammationibus, inprimis agitur. Nodos emplastro de ammoniaco FORESTI optime solui, inprimis si mamma panno laneo contegatur.

In *chemicis aduersariis* de sacchari lactis variis proprietatibus, pro vario, quo parari solet, modo, varia proponuntur. De naphthis, sodae sale, salibus plantarum alcalinis fixis, spiritu vini gallico, pyxidibus stanneis in pharmacopolarum officinis, sulphuris acido, nitri spiritu, caustico alcali. Dissertationi vtilis tabula adnexa est salium mediorum, quoad partes eorum constitutiuas.

*De gratiola eiusque vsu praesertim chirurgico cum corollariis nonnullis physico-chemicis* dissertationem Io. A. S. Zobel defendit. Primum gratiolae ad internos morbos, inprimis a pituita ortos, vsus exponitur,



ponitur, postea vero proprietates plantae, eiusque chemica analysis vberius traduntur. Pluribus deinde exemplis demonstratur, gratiolae extractum interne adhibitum ad vlcera antiqua, sordida, rebellia, plurimum valere.

*De affectibus arthriticis* quarta in hoc fasciculo contenta dissertatio est, a G. S. Tries defensa, cui *aduersaria quaedam chemica, praecipue circa acidum spathi*, adnexa sunt. Causam materialem noxiam in arthriticis affectibus in liquidis et in lymphae inspissatione sitam esse. De differentia inter arthritidem internam et externam statuenda; arthritidem vero a podagra non differre, nisi in eo, quod podagrica materies magis fixa, arthritica vero tenerior sit. Rheumatismum etiam valde ad arthritidem accedere. De tumoribus arthriticis et arthritidis speciebus aliis. De sede arthritidis, variis eius formis, duratione. De febrili materia ad articulos delata, arthritidem simulante, deque vlcerosa arthriticorum lassitudine. De therapia arthritidis, naturaliumque thermarum ad eam usu. Quibus medicinis retrogradae arthritidi succurrere conueniat.

De spathi acido, vasa, per quae destillatur, et in quibus asseruatur, vitrea corrodente. Hoc spathi acidum verum salis communis acidum esse concentratissimum et maxime corrosiuum, quod ex eo praecipue patet, quod idem illud, addito nitri spiritu purissimo, aquam regiam constituat et aurum soluat. Ipsum etiam salis communis acidum vitra corrodere ex exemplis probatur. Crysallos hoc acidum in medium sal mutatum cubicas exhibere. Finem dissertationi aduersaria quaedam chemica imponunt.

Toti operi indices copiosi indexque scriptorum ab Ill. Auctore conscriptorum additus est.

XXV.

*Abhandlung über die Nerven und deren Krankheiten*  
 von Herrn TISSOT, Teutsch herausgegeben von  
 JOHANN CHRISTIAN GOETLIEB ACKERMANN.  
 Leipzig. 1781 - 1782. 3 Bände in 8.

i. e.

TISSOTI de nervis eorumque morbis tractatio-  
 e Gallico versa a IO. CH. G. ACKERMANN.

**Q**uum hic vtilissimus liber iam in omnium ma-  
 nibus versetur, non est, quod libri argumen-  
 tum prolixè recenseamus. Eorum, quae Editor ad-  
 iecit, mentionem iniecisse sufficiet.

Tom. I. Irritabilitatem animalium sanguine calido prae-  
 p. 308. ditorum et post mortem, capite rescisso, longe per-  
 durare. Vidit inprimis editor anates capite rescisso  
 volasse, cucurrisse, caet. Similia phaenomena in  
 columbis, arteriis carotidibus rescissis, observari.

Medullae dorsalis laesiones, inprimis in caudis  
 animalium contentae, non semper mortem inferre.  
 Caudae animalium, catorum, caet. adeo resectionem  
 mortem his animalibus nunquam intulisse.

T. II. Neruorum morbos, epidemicis morbis grassan-  
 p. 30. tibus, frequentes inde pendere, quod epidemicum  
 contagium a corpore susceptum et non satis euo-  
 lutum nervos petat, eosque irritet, subinde et in-  
 farctus vasorum viscerum infimi ventris, hisque  
 neruorum morbos producat. Maniam febris ex-  
 pertem, vnius tantum vici incolas crebro inuaden-  
 tem, Cl. editor observavit.

p. 89. Morbos inferiorum articulorum ex grauiditate  
 oriundos paene omnes a sanguinis regressu ad cor  
 impedito pendere.

p. 191. Vidit Cl. editor vnius duorum granorum pon-  
 dus habentis purgantis pilulae vsu infantem trium  
 anno-



annorum necatum esse. In adultis dimidia talis pilulae pars intensissimam purgationem mouit

De surarum spasmo diarrhoeas vehementissimas p. 193. excipiente exempla. Dolorem huius spasmi inefabilem paene esse.

Mercurius dulcis martialis *Hartmanni* conuulsiones neruorum in infantibus, quibus ad atrophiam datus est, excitauit. p. 199.

Mortem in iis, qui sepulcra diu reclusa aliaque loca subterranea petunt, saepe a timore pendere ex exemplis probatur. p. 332.

Venereum miasma difficulter, vbi, mercurio maloque regimine inprimis conferentibus, tabem excitauerit, debellari posse. Quae tali in casu medico incumbant. p. 353.

De grauidarum vomitu singulare exemplum. Vomitus a primo conceptionis die vsque ad partus diem sine vlla intermissione perseuerans, hora XI. antemeridiana semper remisit, ita vt grauida post meridiem maxime tolerabilem vitam ageret. p. 458.

Morbidae materiae post miliarem putridam febrem ad humeri regionem translatae mortemque producentis historia. p. 500.

Cephalalgiae ex febris intermittentis metastasi lethalis historia. p. 509.

De lactea vrina infantum febribus inprimis ex atrophia, nec non febribus pituitosis laborantium. Periculum vitae hoc symptoma minari. p. 463.

Paralyseos perfectae ex omni parte a materiae retrograda ortae historia. Medicamenta morbo aduersa immensa paenè quantitate, aegro iam pro desperato habito, adhibita sunt. Camphorae drachma huic octo annorum puero data ne pulsum quidem mutauit. p. 552.

De scutorum stomachicorum irritantium utilitate. p. 587.

- p. 645. De arnicae viribus ad neruorum morbos plura Cl. editor adiecit.
- p. 667. De lactis sero parando prolixè editor agit, pluresque, vt optime paretur, cautelas adiecit. De insigni inter serum lactis coctum crudumque differentia. Coctum intensius purgare et diu adhibitum longe magis debilitare.
- p. 715. Electricitatem in paralyfi sine vllo effectu applicuit Cl. Auðtor.
- T. III. Plurima Cl. editoris additamenta ad tomum III. sunt, in quo epilepsia, catalepsis, hemicrania aliique cerebri morbi pertractantur.
- p. 5. De signis epilepsiae diagnosticis varia.
- p. 7. Linguae insignis ex epileptico insultu laesionis exemplum.
- Sanguinis suffusiones tunc inprimis post epilepticos insultus oriri, vbi aegri, durante insultu, nimis vehementer continentur.
- De vesicae vrinariae in epilepticis spasmis.
- p. 18. De epilepticis insultibus a vehementi quadam causa excitatis, non perdurantibus. Plures tales casus adferuntur.
- De causis epilepsiae varia Cl. editor, plura inprimis exempla epilepsiae a matre foetui communicatae inseruit.
- p. 42. Ad infantum epilepsiam producendam cibos viscidos inprimis valere ex exemplis probatur.
- p. 52. De animi affectibus maxime ad epilepsiam facientibus.
- p. 61. Solani tuberosi radices ad epilepsiam puero-  
rum inprimis conferre. Vermes num semper epilepsiam producant. Subinde in pueris epilepsia demortuis lumbricos in vermiformi coeci intestini processu inuenit.
- De epilepsia ex matrimonio denegato in viris orta, de eadem in virginibus ex veneris desiderio
- et



et ex varia irritatione partium verendarum, a fluoris albi maligni materie, vermibus, caet. orta.

Sympatheticarum epilepsiarum varia exempla proferuntur. Plurima etiam circa epilepsiae causas Cl. editor profert.

De herpetum acrimonia epilepticos insultusp. 143. producente.

Epilepticorum insultuum subito ingruentium exemplum.

De medicinis ad epilepsiam plurima adferuntur a Cl. editore. Catalogus inprimis specificarum ad epilepsiam medicinarum ab editore valde dilatus est.

Copiosae etiam annotationes Cl. editoris ad cap. 412. put de catalepsi sunt, non quidem proprias observationes continentes, verum plurimas ex aliis scriptoribus, inprimis ex DELII libro, depromptas.

Hemicrania ex arthritica materie ortae variap. 509. a Cl. editore exempla proferuntur. Argumentum etiam TISSOTI ex FORDYCE libro de hemicrania valde illustratur. De sinuum frontaliu morbis hemicraniam simulantibus.

De cerebri morbis anomalis, inprimis de cerebri hydrope, quae tractatio additamentis editoris ex LVDWIGII, WATSONI, caet. tractationibus plurimum illustrata est. De morbis ex fecalis cornuti usu, inprimis de morbo spasmodico conuulsivo vago, quae tractatio ex Cl<sup>i</sup> TAVBE praeclaro libro aliisque paene omnibus, in Germania inprimis editis, quos TISSOTVS non legerat, maxime ab editore aucta est.

XXVI.

ANTONII DE HAEN quondam S. C. R. Apostol. Maieſtat. Conſiliarii et Archiatri ac Med. in alma et antiquiſſima Viindobonenſi Vniuerſit. Prof. primar. cet. tomus tertius, Ratio- nis medendi continuatae ſeu operum poſt- humorum volumen I. collegit ediditque MA- XIMIL. STOLL, S. C. R. Apoſtol. Maieſt. Con- ſil. in eademque Vniuerſ. Prof. prax. P. O. Viennae Auſtriae ſunt. Rud. Graeffer 1779. 8. 469. pagg.

Cum grata bonorum virorum memoria poſteris eſſe debeat, tum vel maxime laudandum eo- rum ſtudioſum eſt, qui de operibus ab interitu vindican- dis cogitant. Non inutilem ergo operam in- ſumſit Cl. STOLL, cum HAENII, ſummi viri, reli- quias cum lectoribus communicaret, quae etſi non ſatis cultae et comtae foras prodeunt, continent tamen non pauca ſcitu et memoratu digna. Abſol- vitur liber ſex ſectionibus. In

p. 1 - Sect. I. continetur *caſuum variorum decas*. Poſ-  
138. ſunt iſtae obſervationes iuniores medicos docere, quomodo viſa rite ac breuiter literis conſignare, cauſas et effecta morbi ex cadaueribus eruere de- beant, ſed adeo breues et conciſae ſunt, vt vix ac ne vix quidem hinc inde ſoſculi quidam excerpi queant.

p. 139 - Sect. II. *Aphoriſmi de diagnofi et prognofi in acu-*  
226. *tis et Hippocraticae circa urinas doctrinae compen-*  
*dium*. Vuſus erat b. HAENIVS hoc compendio ad hanc ſemiotices partem non vltimam auditoribus  
p. 147 - explicandam. Nam in *cap. 1.* reperiuntur quaedam  
153. generalia, *cap. 2.* axiomata BOERHAAVII §. 941. per- cenſentur perſpicue ac docte, exemplo virginis Lariffae



Larisseae HIPPOCR. confirmantur; cap. 3. docetur, Coum senem pulsum non posthabuisse; cap. 4. *urinae signa* memorantur; cap. 5. vero *alia de urinis et metastasibus*, cuius continuatio, *de metastasi* inscribitur, cap. 6. continetur, item cap. 7. *prosecutio de urinis* subiicitur, at vero cap. 8. *de urina rubra cum sedimento lateritio*; cap. 9. *de urinis, maxime fursuraceis et squamosis* etc. cap. 10. *de urina, et quidem de urina crocea, viridi, nigra*; cap. 11. *de urina nigra*, et cap. 12. *de urina pingui et oleosa*, agitur, subdito textu Hippocratico. Iam incipit cap. 13. quod *de respiratione* inscribitur, et cap. 14. iterum *de morbis systematis urinarum*, nec non cap. 15. *prosecutio thesium diagnosticarum circa systema urinosum* breuibus adducitur. (Laudamus quidem HAENII studium, signorum doctrinam HIPPOCRATI superstructam audientibus proponendi, sed miramur etiam, quod nec omnia, quae in febribus acutis incidunt, memorabilia vberius memorauit, nec ea, quae ad urinam spectant, ordine magis lucido collocauit. Poterant enim vtraque, et breuitas orationis, et materiae explicandae vbertas, bene inter se iungi, id quod in *Semiotice* Cl. GRVNERI magis reperisse videmur.) Sequitur iam

Sect. III. IV. V. eaeque omnium lectu dignissi. P. 227-  
mae, *historia morborum, praecipue variolarum an.* 268.  
1744. et 1745. *Hagae-Batauorum obseruatorum.*  
Grassabantur an. 1744. *efflorescentiae* longe lateque P. 229.  
diuagantes *contagio communicatae*, quarum prima  
erat *rubedo uniuersalis*, brachia ad humeros vsque,  
collum, faciem, ventrem ac lumbos, rarius pedes,  
occupans, cum leui febricula; altera se manifesta-  
bat *rubro circulo* breui disparente; tertia *punctulis* P. 230.  
*minimis ruberrimis*, sensim in milii grani molem au-  
ctis; quarta a *scabie* propius abesse visa est, quia P. 231.  
plures menses substitit, et pustulas lymphas plenas,

- iterum iterumque renatas, ostendit. Auxilio fuerunt vnguentum caeruleum et fumus sulphuris, panno molli laneo exceptus partibusque superhabitus. Insecutae sunt *variolae confluentes epidemicae*, quae bene quidem describuntur ac cum fructu legi possunt, sed noua hodie amplius non sunt. In
- p. 233-268. Sect. IV. agitur de *tussi conuulsiva puerorum finiente a. 1746. et initio 1747. Hagae-Batauorum obseruata*. Fragmenta potius sunt, quam perfectae obseruationes. Purgantia et vnguenta adhibenda HAENIVS putauit.
- p. 289-362. Sect. V. complectitur *historiam medicam a. 1747 et 1748. Hagae-Batauorum conscripta*. Potiores morbi erant anno quouis sollemnes, *febris quaedam singularis*, qua languescunt homines, debiliores fiunt, minus appetunt, dormiunt inquietius, leues sentiunt horripilationes, et subsequentes calores, capitis grauitatem, et nauseas leuiores; dysenteria
- p. 338. non contagiosa, angina, morbilli et febris scarlatina cet. vnde *Haenianum* ingenium et obseruandi studium satis elucet. Clausulam operi imponit
- p. 363-469. Sect. VI. *Dissertatio de colica pictonum, olim ab auctore edita, nunc vero multis in locis ab eodem auctore correcta et casibus aegrorum ineditis locupletata*. Non vltimum locum inter libellos, qui in *colica pictonum* versantur, haec HAENII commentatio obtinet, primum edita Hagae Bat. 1745. iam hinc in-
- p. 431-464. de auctior facta. Adiectae nunc demum in calce sunt *historiae nouem aegrorum hoc morbo decumbentium*, quibus mirum in modum confirmantur ea, quae HAENIVS in libro suo dixerat. Finit opuscu-
- p. 464. lum *fragmentum animaduersionum in doctiss. GRASHUISII tentamen de colica pictonum*, quo potissimum caussa proxima, *abrasio muci enterici vel etiam ipsius membranae villosae*, argumentis haud leuidensibus refellitur. Haetenus illae HAENII reliquiae. Plures



res nondum in lucem prodierunt, etsi eas Cl. editor spoponderat.

XXVII.

Voyage dans les Alpes, précédé d'un Essai sur l'histoire naturelle des environs de Geneve, par HORACE BENEDICT DE SAUSSURE, Professeur de Philosophie dans l'Académie de Geneve. Tome I. II. Neuchatel, chés Samuel Fauche, imprimeur et libraire du Roi. 8. 1780.

i. e.

Iter alpinum, praemisso tentamine historiae naturalis agri Geneuensis, auctore HORATIO BENEDICTO DE SAUSSURE.

Operis, horum studiorum amantissimo cuique dudum familiaris, feriozem exhibemus recensionem, ne mentione eius plane praetermissa graviozem culpam contrahamus. Geologiae vniuersae vndequaue lumen affundit Ill. Auctor, momentosi Alpium iugi indagationem persequens. Dolemus saltem, tardius sibi succedere volumina, quae, si ex editorum biga iam sistenda iudicare liceat, bene multa supersunt posthac addenda. Primariae editionis, forma, quam vocant, quarta, Geneuae donatae, solam hanc nostram genuinam imaginem agnoscit Auctor, Germanico idiomate donatam Bernae curauit Cl. WYTTEBACH, qui suas quasdam adnotatiunculas adpersit. Miraculorum naturae in immanibus Alpium cacuminibus oculos ferientium praegustum exhibet praefatio, summariam eorum enumerationem praemittens; rationem praeterea reddit mediorum, quorum ope tali operi aggrediendo parem se praestitit Auctor. Vellemus,

mature datam fidem liberet Ill. Auctor instructionem itineratoris per Alpes pollicitus. Primum volumen, physiographiae ditionis Geneuensis consecratum, exponit situm vrbs, naturam soli, lacus Lemani memorabilia, cuius profunditati mensurandae atque calori variis temporibus in varia profunditate aestimando plurimum operae insumsit. Pergit ad colles vicinos, conflatos stratis sabulosis maxime et argillosis. Saxum sabulo quarzoso tenero ope calcis vel margae conglutinato constans dicitur Geneuensibus *Molasse*; hoc ibi frequentissimum. Iniicitur simul plantarum atque insectorum rariorum ibi occurrentium succincta mentio. Fusius tractantur detrimenta montium voluendo rotundata, quorum magnam vim et inexhaustam varietatem torrentium alpinorum inundationes in agro Geneuensi disperferunt. Lithologiam alpinam nomenclaturis accuratius definiendis, idoneisque characteribus illustrandis magis magisque explanare studet Auctor, sic tractans quarzum, petrosilicem, iaspidem, spathum scintillans, granatum, schoerlum, corneum, ardesiam, steatitem, nephriticum, amiantum, asbestumque, micam, calcareum, tum saxa plurima mixta, ceu granitem, porphyrium, saxa lamellosa variae compositionis, saxa glandulosa ac venosa, saxa aggregata. Sobolem vulcanicam, quoque Alpes peragrauit, nusquam deprehendit, nisi detrimenta quaedam trahere huc velis singularia, e longinquo forte aduecta, basaltis speciem vtcunque adfectantia, quae ipsa tamen corneis adscribere mauult Auctor. Corneum autem materiem sistere, ex qua ignes subterranei basaltem forment, propria dissertatione p. 165 sqq. interiecta adstruere studet. Origini lapidum terendo rotundatorum, aliorumque rupium detrimentorum Cap. VI. dicatum est. Observationibus circa hoc momentum instituendis  
pluri-



plurimam opportunitatem offert Geneuensis ager. Considerando monti Saleue impenditur Cap. VII. et VIII. analyfi aquae sulphuratae prope pagum Etrembieres. Montis Voirons historiam exponit C. IX. sequens autem montem Môle dictum spectat, collemque Montoux C. XI. alium porro collem Boisy C. XII. Pergit hinc C. XIII. ad montes Meillerie et St. Gingulphi, quorum historia primum volumen terminat.

Volumen II. Iuram montem praecipuumque adspectuum varietate celebre eius cacumen, la Dole, tum et lacus in hoc montium iugo occurrentes tribus capitibus persequitur. C. XVII. Rhodani eclipsin describit. Lapidés lenticulares, numismalium, nummulariorum, frumentariorum, porpitarum, helictarum passim nominibus signatos ad examen reuocantur C. XVIII. duplex horum lapillo- rum genus probe distinguit Auctor, priori anima- lem originem concedens, at de animalis specie, cui domicilium hoctribuendum sit, iudicium suspen- dens (ad milleporam, grauib. argumentis ductus, nuper reuocauit Ill. SCHMIDEL); alterum genus circa Rhodani deliquium reperiundum, animalis prosapiae esse prorsus negat Ill. SAUSSURE, do- cetque, ferri mineram habendum esse, distinctam tamen a BOMARII minera ferri lenticulari. Mons Iorat, inepte aliquando cum Iura monte confusus, C. XIX. perstringitur, et sequente C. XX. quod agri Geneuensis historiam absoluit, mons Sion. Reliqua huius voluminis pars summi albi Montis (*Mont-blanc*) confiniis perscrutandis consecratur. Prae- missa introductione itinerum in hunc finem institu- torum ratio exponitur. Primumque huius sectio- nis caput viam inde a Geneva ad oppidum Bonne- ville describit, II. ad oppidum Cluse pergít; III. Noui magnetometri in hac expeditione adhibiti  
noti-

notitiam tradit. C. IV. iter ad oppidulum Sallenche persequitur, V. ad pagum Seruoz, VI. ad pagum Chamouni, opportunum locum, vnde excursions in vicina, aeterna niue rigentia, Sabaudorum montium cacumina instituantur. Hisce expeditionibus viam sternit Auctor egregia illustratione naturae montium glacialium, insigniumque aeternae niuis coagulorum, in vallibus et decliibus altissimorum montium lateribus nidulantium, quae nomine Glaciers, *Gletscher*, venire solent. Primum in pagum Valorfine excursum refert C. VIII. Summum inde montis Buet cacumen assecutus, Auctor itineris rationem exhibet C. IX. observationum historiam C. X. Quibus duo capita accedunt, XI. de natura et structura montis Buet, XII. denique de vltioribus circa Granitem institutis observationibus. Summaria haec vtriusque voluminis recensio argumentum suppeditare potest lectori, perspiciendi, quam larga observationum atque inuentorum messis in hoc opere compingatur, quae vero tanta est, vt, quodcunque fere caput integrum eramus redditori, fusioiem illud narrationem suo sibi iure vindicaturum esset, quam quae instituti nostri ratione admittatur. Adfinis argumenti librum subiungimus:

XXVIII.

Description des Alpes pennines et rhétiennes ;  
 dédiée à S. M. très-chrétienne Louis XVI,  
 Roi de France et de Navarre. Par M. T. BOURRIT,  
 chantre de l'Eglise Cathédrale de Genève. T. I. II. à Genève, chés I. P. Bonnant,  
 imprimeur, 1781. pagg. 285.

i. e.

M. T. BOURRIT descriptio Alpium penninarum  
 et rhaetiarum.

Inde-



**I**ndefessi quidem Alpium pedissequi, nec pictoriae artis imperiti, at naturalis disciplinae parum gnari, subinde etiam verbosioris, ampullosi, sic nec ubique satis fidi Auctoris huius indicandam nunc opellam recensito operi aequiparasse nullo modo videri vellemus. Summariam tamen praecipuarum et plurium omnino, quam ex fronte libri expectaveris, alpinarum regionum notitiam affert, iconibusque nitidissimis, immo commentitio lepore naturam excedentibus ornatur. Prodiens Auctor e Geneua vrbe, commissus lacui Lemano eximiis vndequaue oculos ferientibus adspectibus multum delectatur. Hinc fontem muriaticum Benensem petit, pedemque porro in Valesiam promouet, primum quidem in vallem Baneam, hinc in vallem Charmotane, vnde haud memoratam antea vallem glaciale affecutus est vastissimam, quam cognitarum vallium glacialium excelsissimam censet. Patet per hanc vallem aditus ex terris Pedementinis in Valesiam, per quam elapsum fuisse *Caluinum*, monticolae retulerunt Auctori. Interiecta historia itineris amici, qui altissimum montem Velan magno cum discrimine conscendit, Valesiam inferiorem peragraré Auctor pergit, iamque Seduni, Vallis Berens, dulcissimorumque ibi locorum occurrentium adspectuum, balnei Leucensis, montis Gemmi, transitusque per vallem Kandelssteig in vallem Lauterbrunnen, detecti ante plures annos ecclesiasti Lausannensi, Polier de Bottens, descriptionem tradit. Visitatis dein felicissimis incolis plurium remotarum vallium, intra sinus montium Valesiae inferioris delitescentium, aggreditur arduum opus explicandae montium materiaturae atque fabricae, e quo tamen facili negotio se expedire nouit, *BUFFONIVM* exscribendo. Alter Tomus primum congeriem glaciei (*glacier*) ab origine Rhodani nomen repetentem

petentem exhibet, vnde ad montes Grimsel, Furca, St. Gothardi transit. Sequuntur Alpes Rhaetiae. Iamque abrupto filo montes peruiani considerantur, quorum facta cum Alpibus collatione his praepollentia insignis vindicatur, ita intelligenda, vt montibus peruianis summis non tam ipsis, quam eleuationi soli, quo nituntur, insignis ista altitudo competat, quam experimenta ibi instituta, ipsa forte haud erroris plane expertia, pronuntiant, cum contra Alpium celsissimi montes in se bene altiores, at humiliori solo superstructi, gigantes quasi referant in depresso loco confidentes; peruiana autem summa cacumina nonnisi nani vel mediocres monticuli habendi sint, substratae molis volumini suam altitudinem debentes. Redux e diuerticulo in viam, vallem Vrsenen repetit Auctor, pontem diaboli aliaque memorabilia in itinere Altorfam versus directo obuia perstringens. Inde Glaronensis atque Appenzellenensis pagi quaedam memorabilia adnotantur, lacus porro Lucernensis ac Lucernae, Thunensisque lacus et oppidi, vallis Lauterbrunnensis, eorumque memoria iniicitur, quae in itinere a Lauterbrunna per montes Grindelwald et Scheidek in vallem Hafsli obseruanda veniunt. Missa demum niuis atque glaciei sede Bernam se recipit Auctor, paucisque huius vrbis memorabilia indicat, musea quoque in aliis Helvetiae partibus hinc inde obuia significat, breui adspersa locorum, qui eorum visendorum ergo adeundi sunt, notitia. Narrato tandem reditu ad suos, Geneuae cimelia producit, in his tamen describendis alios magis quam suos oculos consulit. Vtilia, quae passim in hoc libro occurrunt, extrahi maluissemus, quam totum librum germanice reddi, quod anno superiori factum est Turici apud Orell, Gesner, Fueslin etc. Haec autem versio satis mediocris inscripta: *Beschreibung der Penni-*



*Penninischen und Rhätischen Alpen von Mark Theodor Bourrit, Domsänger zu Genf, aliquas tantum iconum Auctoris editionem exornantium easque longe inferiores sistit.*

XXIX.

*Vorstellung einiger merkwürdigen Versteinerungen mit kurzen Anmerkungen versehen von Dr. c. c. SCHMIDEL, Nürnberg bey Valent. Bischoff. Vier Stücke in gr. 4. mit 24 ausgemalten Kupfertafeln, 1780 — 82.*

i. e.

*Icones petrefactorum memorabilium succinctis observationibus illustratae, auctore D. c. c. SCHMIDEL.*

**I**niquis hominum anonymorum atque obscuro-  
rum inculpationibus prouocatus sibi visus Ill.  
Auctor, vt causam diceret, sui ceteroquin optimam  
vindicem, et profecto ex omni parte saluam, sic  
simul elici sibi passus est observationum missum,  
naturae consultis eo acceptiorem futurum, quo  
magis aliquo ex tempore frigere coepit obiecto-  
rum ipsi tractatorum cura iustaue aestimatio. Fasci-  
culorum indicandi operis primus mox petrefactum  
sistit, GUETTARDO quidem memoratum at diligen-  
tius inuestigatum Auctoris nostri studio: archety-  
pum vicinum statuit Onisco animal, accedens ta-  
men dotibus quibusdam ad aphroditae indolem, sic  
forte proxenetam, insectorum classi transitum ad  
vermes paraturum. Sequitur Ammonitarum noua  
cordiformis species, primo intuitu concham po-  
tius biualuem referens. Porro os cyprini carpio-  
nis petrefactum, et fragmentum ad pinnatulam re-  
ferendum exhibetur. Quibus aliud parum haec-  
nus

nus intellectum specimen adiicitur, a spongia, quam articulatam comcellare vellet, Auctori repetitum. Subiunguntur demum encrinitarum quaedam membra forma praedita ab illa deficiente, quam specimina adhuc nota exhibent. Quod idem argumentum, additis aliis nondum antea obseruatis formarum vicissitudinibus, circa easdem partes obviis, subsequens fasciculus persequitur. Ampla hinc tractatio inchoatur, illustrandis plurimis obscurae belemnitarum historiae capitibus dicata, cui absoluendae tertii fasciculi maxima pars infumitur. Docet nimirum oculatissimus Auctor, tuberculum apici belemnitarum aliquando adfixum nequaquam omnibus commune esse: siphoni plerorumque consensu belemnitis adscripto parum fauet, eximium inuentum, structuram incolae testarum earundem patefaciens, in lucem edit, vnde iam constat, partibus, alueoli nomine notae, basi substerni coronam tentaculorum gemino ordine praeditam. Pergit ill. Auctor ad penitus enucleandam belemnitae speciem, non quidem plane praeteruisam antea, quae tota longitudine dissepimento ad medietatem coniprotenso diuiditur; radiatam belemnitarum medullam testae structurae tributurus Auctor affert exempla testarum extus lamellosarum, intus fibrosarum. Memorat et specimen filicei belemnitae nihilominus radiati. Circulos belemnitis aliisque testis extrinsecus inscriptos a serpulis adfixis nequaquam repetens, acutiori coniectura pertundentis vermium lithophagorum proboscidis vestigia celebrat. Petrefacta quaedam, quae plurimis lithologis crucem fixerunt, helictarum, nummismalium, lenticularium nominibus donata, cochlitis adnumerari solita, milleporis satius accenseri, in hoc tum et sequente quarto fasciculo pluribus demonstrat Auctor, adnotato etiam discrimine genuinorum helictarum.



licitarum polythalamiorum. Paucis quoque mentio fit petrefacti, vorticellam Boltenii referentis, marmoris libellam grandem exquisitè adumbratam sistentis, aliusque filicei typolithi Osmundam regalem exhibentis. Echinidae nondum descripti exemplum adiicitur, cuius in vertice papilla occurrit, neutiquam pro ore vel ano habenda. Radii quoque echinorum rariores describuntur. Descriptae WALCHIO heritae desiderata icon exhibetur. Ultimo autem loco ammonitarum siphon pluribus argumentis impugnatur, ratione habita speciminum, quae nonnisi sinistra interpretatione adstruendo siphoni adhiberentur. Finem iam imponi operi tam diuiti memorabilibus inuentis atque dilucidationibus, Lithologos non minus quam Zoologos allicientibus, non possumus non dolere. Quam vellemus, nostra hac seria inuitatione ac hortatione adduci se patiatur Ill. Auctor ad continuandam tam utilem tamque laudabilem operam.

XXX.

Observations sur le coucou, par Mr. A. I. LOTTINGER, à Paris 1775. 8.

i. e.

Observationes de cuculo, auctore A. I. LOTTINGER \*).

Cl. Auctor hic propriis experimentis demonstrat, *Cuculum* in nidum aliarum avium ova sua deponere,

\*) Prodiit etiam versio: *Der Kukuk, oder des Hrn. A. I. LOTTINGERS, M. D. auf eigene Erfahrungen gegründete Nachrichten, über die Naturgeschichte dieses Vogels. Aus dem Französischen übersezt. Straßburg, verlegt Amand König, Buchhändler. 1776. 8. 80 Seitz.* Cl. HERRMANNVS, historiae naturalis Professor Argentoratensis, observationes libro apposuit utilissimas, quarum potiores nos suo loco commemorabimus.

ponere, simulque alias scitu dignas obseruationes indicat.

p. 5. Negat Cl. Auctor cuculum iuniorem auem eam trucidare, cuius calore ex ouo exclusa et a qua nutrita educataque sit, atque ab eo pullos illius auis, a qua excluditur, deuorari, cum cuculus alia oua semper ex eo nido, in quo sua deponit, eiiciat.

p. 7. Cuculus e nostris terris prius migrat, quam aliae aues; tempus migrationis autem certe definiri nequit. Ouum eius album est, punctatum, vti oua *Lanii Collurionis*. Neque vnquam plus, quam vnum ouum, in nido inuenit, etsi *SALERNE* duo oua in femella deprehendit. Cuculus, vti quoque *Tetrao Coturnix*, tempore venerei aestus in monogamia viuunt.

p. 10. Oua sua ponit cuculus inprimis in nidum *Motacillae Hypolais*, *Trochili* et *Rubeculae*, sic quoque,

p. 67. Cl<sup>o</sup> HERRMANN notante, in nidum *Alaudae*, *Motacillae albae*, *currucae*, *Fringillae coelibis*, quae omnes sunt aues insectiuorae, praeter alaudam, de qua etiamnum dubium est. Causa, cur cuculus ipse ouis suis non incubet, in structura corporis, et praecipue in situ ventriculi posita est, qui antrorsum supra reliqua viscera abdominis et intestina reperitur; ideoque difficile et impossibile est hoc officium cuculo. Praeuisum est igitur a creatore, ne species haec intereat, cum aliae aues eius oua excludant. Ostendit Cl. Auctor plus quam viginti obseruationibus, aues omnia alia oua, iis supposita, relinquere, atque solum *Cuculi* ouum excludere. *Turdo pilari*, *T. musico*, *Emberizae Cirlo*, *Fringillis*, *Tringae*, *Loxiis*, aliisque talia oua supposuit, quae ouo cuculi fuerunt similia; aliae tamen ea reliquerunt, aliae, vt *Strix Nula*, ouum peregrinum ex nido deiecerunt, suisque incubuerunt; aliae statim, aliae post aliquot dies fraudem senserunt, vt *Motacilla Trochilus*.

Cucu-



Cuculum iuniorem in *Motacillae rubeculae* et *Trochili* nido inuenit, viditque illum ab his nutriri infectis; cuculum matrem vero etiam probabiliter iunioris curam gerere, quoniam illam circa nidum, in quo iunior exclusus fuit, volitare, atque ad vocem illius respondere obseruauit.

XXXI.

*Recepte und Kurarten, nebst theoretisch-praktischen Anmerkungen von D. ERNST ANTON NICOLAI, Hofrath und Professor zu Jena, Jena bey Cröker, 1780. 8. 3 Alph. 6 Bogen.*

i. e.

Medicamentorum formulae et curandi methodi, cum obseruationibus theoretico-practicis.

**H**oc libro Celeberrimus Auctor partim doctrinam de formulis medicis conscribendis, partim et *usum* celebratissimarum medicinarum, imprimis compositarum, ex probatissimis auctoribus tradidit. Primum ea exponuntur, quae ad formulas medicas generatim pertinent, quibus praemissis transitus fit ad diuersas medicamentorum doses et ad varia alia, quae in formulis accidentalia sunt. Regulae in medicamentorum formulis praescribendis obseruandae, plurimaeque incongruarum formularum exempla traduntur.

Nunc de formulis medicamentorum speciatim, p. 86. et de variis medicamentorum formis agitur. De extractis vulgaribus vegetabilium, iisque, quae methodo Garayana parantur. De sapis, roob, conseruis, iulapiis, syrupsis, balsamis, caet. De externis medicinis, balneis, et de balneorum terrenorum imprimis usu. De balneis stillicidii ope agentibus,

Mm 2

vapo-

vaporum balneis, sudatoriiis, eorumque vtilitate. De thermis, vaporariis, caet. De frigidorum balneorum vsu, curandique morbos catarrhales methodo a Cl. DE MONETA laudata. De frigidorum balneorum in febribus acutis, exanthematicis, malignis, cephalalgia, infania, articulorum infirmitate, articulorum a frigore laesione vsu. Frigidorum epithematum ad capitis vulnera vsus vberius ex exemplis a SCHMUCKERO traditis illustratur. De apoplexia frigidis epithematibus capiti applicatis curanda. Aquae etiam frigidae externe adhibitae in erysipellate, arthritide, podagra, caet. vsus traditur, modusque agendi aquae externe adhibitae explicatur.

p. 257. De *clysmatum* variis speciebus, et de iis, quae in clysteribus applicandis obseruanda sunt. De emplastris, vnguentis, balsamis, suppositoriis, pessariis vterinis, caet.

Nunc ad puluerum formas Cl. Auctor transit. De emeticis pulueribus, tartaro emetico, illius ad vomitum in infantibus concitandum vtilitate, antispasmodica illius, resolvente, diaphoretica et diuretica vi. Vsus illius in tussi, asthma conuulsivo, caet. traditur. Num infantibus difficulter dentientibus tartarum emeticum exhibere conueniat. De tartari emetici in febribus intermittentibus et continuis, dysenteria, biliosis febribus, vsu. Num eum in apoplexia, capitis dolore, soporosis affectibus, capitis, pectoris, oculorum et colli inflammationibus exhibere expediat. De tartari emetici in varioloso morbo, in hydrope curando, in ictero, rheumaticis arthriticisque affectibus, amaurosi, coecitate, vteri haemorrhagia, vermibus, caet. vsu.

p. 339. De curationibus morborum per nauseam excitatam tentatis; quantumque tartarus emeticus prae antimonii sulphure valeat.

Ad



Ad ipecacuanham transitus est, generatimque illius viribus medicis traditis, vires illius ad febres spasmosque, ad haemorrhagias cohibendas traduntur. De ipecacuanhae cum opio connubiis, et DOWERI puluere. Varia illius simul alia connubia, inprimis cum melle et rhabarbaro, traduntur. De variis fluidis formis, quibus ipecacuanha exhiberi solet. De violae odoratae radice et asari radice paridisque quadrifoliae herbis ipecacuanhae substituendis. (quanquam Cl. viri COSTE et WILLEMOT asari radiceis emeticam vim plurimum laudauerint, nos tamen ex exemplis didicimus, eam eadem dosi exhibitam aut nullos, aut nimis vehementes effectus edidisse.) De HUXHAMI emetico vino et antimonii cerato vitro.

De antimonii aurato sulphure et carthusiano-p. 439. rum puluere. Pulvis PLUMMERI alterans. Sulphur antimonii auratum liquidum.

De purgantibus pulueribus, Cornachini pulve-p. 493. re, rhei, eiusque tincturae extractique usu. De pulvere STORCHII polychresto, magnesia, terris, terreis medicinis earumque usu recte aestimando. Magnesia ad vomitus intensos sedandos salutare effectus.

De resoluentibus et diaphoreticis pulueribus p. 549. praescribendis, tartari cremore, pulueribus cinabarinis, nitrosis, nitri in rheumatismis, sanguinis profusionibus, caet. usu.

Pulueres ex camphora. De camphorae effectu p. 596. calefaciente, eiusque ad varios morbos, furorem, maniam, melancholiam, caet. usu. De Vindobonensium medicorum ex camphora medicinis, et camphorae usu in morbis contagiosis, putridis, variolis, colico dolore, exanthematicis febribus, hypochondriaca, hysterica passione, sanguinis profusione et in verminosorum morbis. Camphorae variae for-

mae connubiaque. Quantum camphora summe debilitatis conferat.

p. 684. De pulvere ad arthritidem ducis de PORTLAND, pulvere hypnotico *Kreilii*, aconiti pulvere. De pulsatillae nigrescentis vsu. De diptami albi, florum zinci pulvere, cupro ammoniaco pharmacopoeae Edinburgensis.

De digestiuis pulueribus, Quercetani stomachico pulvere, pulueribus ex moscho, tunquinenſi pulvere, pulueribus ex antimonio, diureticis pulueribus, myrrhatq saccharo FR. HOFFMANNI. De pulueribus ex sulphure, ad scabiem et ex mercurio pulueribus. De pulueribus, qui ex ferro parantur. De martis croco, ex guaiaci resina pulueribus et specifico antipodagrico Americano.

p. 840. Pulueres ex ammoniaco sale plures describuntur. De corticis Peruuiani viribus et vsu ad gangraenam, putridas et intermittentes febres. De arsenici ad febres intermittentes, mammarum cancerum, caet. vsu. De pulueribus ex agarico muscario, medicinis ad taeniam, pulueribus variis contra caducum morbum, quassiae, salium mediorum pulueribus.

De pulueribus ad externum vsu.

p. 955. Tertia sectione de bolis, electuariis et pilulis agitur. De purgantibus pilulis, aliisque praescribendis.

p. 1028. Occasione pilularum de cicuta *Stoerkii*, de cicutae aliorumque venenorum, quae in medicina adhiberi solent, effectibus agitur. De pilulis ex marte, aliisque. De asae foetidae effectibus.

p. 1092. Quarta sectione morsulorum, trochiscorum, caet. compositio et praescribendi modus traditur.

Fluida medicamenta quinta sectione pertractantur. Purgantes, antifebriles potiones traduntur, simulque de celebrioribus quibusdam medicamen-

tis,



tis, in fluida forma exhiberi solitis, agitur. De mercuriali *Plenkii* solutione, et de mercurio sublimato corrosiuo cum aqua soluto plura traduntur. Ad operis finem index additus est.

XXXII.

*Anweisung für Aerzte und Wundärzte, um bey gerichtlichen Untersuchungen vollständige visa reperta zu liefern: und wie die Rechtsgelehrten wissen können, ob von Seiten der erstern das gehörige beobachtet worden, von D. JOHANN PETER BRINCKMANN. Düsseldorf 1781. 8. 84 Seiten.*

i. e.

De iudiciis medico-forensibus ex cadauerum violenta morte occisorum legali inspectione recte formandis et conscribendis, auctore IO. PETR. BRINCKMANNO.

Quum in iudiciis medicis, inprimis in iis ex cadauerum incisionibus saepius delinquatur, hocque modo vero reique accommodato iudicio ex vulneribus, num lethalia fuerint, ferendo plurimum impedimenti nascatur, his pagellis Cl. Auctor medicis epitomen omnium, quae in talibus iudiciis obseruanda sunt, tradere voluit, ex qua et iurisconsulti facile perspicere possent, quid ad tale iudicium requiratur, et in quo medicus aut chirurgus iudicii auctor errauerit.

Prima sectione *regulae praecipuae generales* traduntur, in iudiciis medicis formandis obseruandae. De medicis collegiis, physicisque, quibus inprimis haec cura demandata est. De phaenomenis praesertim aut difficilibus explicatu, aut nullam plane explicationem permittentibus, medicum iudicare

non debere, nec de subtilioribus istis iurisconsultorum distinctionibus. Praestare semper in dubia re iudicium suspendere, quam firmo nimis iudicio veritati obesse. Nulli, priusquam iudicium iudicibus traditum sit, ea, quae in cadaueribus inuenta sunt, iudiciumque ex iis communicanda esse.

Altera sectione ea traduntur, quae in obductionibus et inquisitionibus iudicialibus a medico observanda sunt. De vulnerum externo statu, internisque mutationibus ab externis laesionibus productis diligenter observandis. De pure et sanguinis effusionibus imprimis in internis partibus collectis. De his, quae circa infantum recens editorum obductionem et inspectionem legalem observanda sunt. De iudicio medico ex veneno dato formando et de externis veneni dati signis caute aestimandis.

Tertia sectione *de lethalitate vulnerum accuratius determinanda* agitur. Divisionem in vulnera absolute, per se, et per accidens lethalia, quum firmo iudicio locum non det, abrogandam esse. Constitutionem corporum vulneratorum, varia in ipsa vulneratione incidentia, humorum indolem, ad degenerationem propensionem, caet. imprimis bene aestimanda, vulnera autem sic diuidenda esse, ut vulnera *absolute lethalia*, talia nempe, de quorum sanatione nullum plane exemplum prostat, *taliaque* constituantur, *de quorum sanatione parca quidem exempla prostant, in quibus vero ad sanationem semper maxime bona humorum indoles et organorum optima constitutio requiratur* (ut plurimum lethalia medici forenses vocant).



XXXIII.

*Anzeige der Rettungsmittel bey Leblosen und in plötzliche Lebensgefahr Gerathenen, nach des Hrn. Leibarztes HENSLER Plan ausgearbeitet, von D. IO. CHRIST. FRIEDR. SCHERFF. Altona bey J. H. S. Hellmann, 1780. 8. 279 Seiten.*

i. e.

Index remediorum in iis adhibendorum, quibus vita subito erepta visa est, ad ductum archiatri HENSLERI elaboratus, auctore IO. CHRISTIANO FRID. SCHERFF.

Quo potior hominum vita est, eo magis laudibus efferenda opera, quae in praesidiis huius et conseruandae et restituendae versatur. Id quod Cl. Auctori denegabit nemo, neque facile aliquid omisit, quod ad hanc rem pertinuisse videretur. Continetur ergo

Sect. I. *Indiculus vniuersalis remediorum.* Insunt p. 1-46. potiora, quae in tali casu et infortunio vitae veluti sufflaminatae quidem, at vero reuocandae apta sunt, et satis, opinor, nota. Haec ex Cl. HENSLERO; quae sequuntur, propria sunt Cl<sup>o</sup>. SCHERFF. Quare in

Sect. II, percensentur *Asphyctici*, et quidem p. 47 - 61. *Recens nati infantes sine vitae signis.* Auct<sup>r</sup> ergo Noster est, vt vmbilici funiculus illico resecetur, aër infletur, pectus et scrobiculus cordis fricetur, plantae pedum quam maxime, aluus eluatur aqua et sale, sub colore oris liuido cochlear sanguinis mittatur ex funiculo, balneum tepidum ex aqua, vino vel spiritu vini fiat, et si debilitas magna vrget, potui detur paullulum vini dulcis. Sub finem iubet Cl. SCHERFF, ne cum matre mortua infans in vtero pereat, sed sectione extrahatur. (Nollemus tamen, vt ipsi visum est, hoc negotium per obstetrices rudes fieri.)

- p. 61 - 2. *Infantes suffocati* id requirunt, vt aër spirabilis per os reddatur, sanguis mittatur, corpus fricetur, clyster applicetur, spiritus volatiles naribus admoueantur, stertori opponatur emetica medicina.
- p. 66 - 3. *Vndis submersi*. Praeuio hortatu, ne remedia plebeia in subsidium vocentur, iubentur vestibus exui, abstergi linteo calido et sicco, calore refici, fricari, aëre spirabili beari, aluo fumum nicotianae recipere, et si opus est, sanguinem mittere.
- p. 92 - 4. *Frigore exanimis facti*. Debent niue vel stragulis aqua gelida madidis contegi, donec mobilitas et calor redeant, deinde in lectulum modice calidum reponi, calefieri, spiritu naribus admoto revocari, aëre resuscitari, interdum sanguine misso ab febre, ore tumido et liuido, pessimisque symptomatis liberari.
- p. 101 - 5. *Casu exanimis facti* postulant subitam sanguinis missionem, aëris inspirationem, alui lotionem, fomentationes capitis frigidas et balneum tepidum, et, si qua facta est subluxatio vertebrarum, repositionem.
- p. 105 - 6. *Laqueo irretiti* liberantur illico a vinculis, et in locum frigidum delati fricantur, spiritu rescillantur, aqua frigida adsparguntur, si adhuc calent, at vero si frigent, aërem inflare licet, sanguinem mittere, fricare membra, aluum eluere, tandem balneum tepidum tentare, et aegrum reficere.
- p. 113 - 7. *Suffocati vapore graui et pernicali*. Ii, qui nondum omnem conscientiam perdiderunt, respi-  
136. scunt in aëre frigido, adspersione frigidae vel acetī, vel parua sanguinis missione; sin contra, in aërem liberum delati et vestibus spoliati superinfunduntur aquae frigidae ancoris, deinde sanguis e vena iugulari ducitur, membra fricantur, nares spiritu volatili stimulantur, aluus frigida aqua eluitur. Cetera singulis casibus aptanda sunt, et hic perspicue docentur.



8. *Fulmine tacti*, frigida superaffusa, fricantur, p. 136-  
spiritu inunguntur, sanguinis missione vel alui lo- 147-  
tione frigida non posthabita, post dantur analepti-  
ca, imponuntur capiti fomenta gelida et vesicatoria.

9. *Suffocati vapore putrido*, qualis intra cloacas p. 148-  
latitat, exigunt fere eadem remedia, quae antece- 158-  
denti numero dicta sunt. Sub finem adduntur  
praecepta haud proletaria, iisque proficua, qui in-  
terfunt *morbis contagiosis*.

10. *Vera asphyxia detenti*. Ex hoc numero sunt p. 159-  
feminae hystericae et hypochondriaci, epileptici, 175-  
qui, frigida affusa, vena incisa, aëre in os et nares  
spirabili, clystere ac balneo tepido suscitantur, his-  
que subiiciuntur, qui in morbis acutis lipothymia  
vel syncope correpti iacent.

In Sectione III. continentur ii, qui subito in  
vitae periculum incidunt, hucque referuntur a No-  
stro Auctore

1. *Venenis extincti vel tentati*. Venena singula p. 176-  
explicantur, quatenus acria et corrosiva sunt, v. c. 218.  
arsenicum, mercurius sublimatus corrosivus, flos  
aeris, et plantae quaedam, vel narcotica, vel acida  
rodentia, et semper adduntur antidota usu com-  
probata. Aequa accuratione

2. *Morsu animalium laesis* suadet, quicquid p. 218-  
proficuum, usus et experientia docuit. Idem sen- 224-  
tiendum est

3. *De suffocatis vel suffocationi proximis ab de-* p. 224-  
*glutitione rerum noxiarum*, quippe hic non absimili- 232.  
ter Cl. SCHERFF suavit, quae ab auctoribus clarissi-  
mis hinc inde consignata leguntur et usu probata  
esse dicuntur. Quid denique faciendum sit

4. *Apoplecticis*, vel etiam p. 233.

5. *Catarrho suffocante detentis*, item p. 238.

6. *Haemorrhagiis obnoxiiis*, non lubet vberius p. 248-  
repetere, quia fere in singulis compendiis memo- 256.  
rantur.

rantur. Eodem iure paucis addimus, Nostrum etiam quaedam

- p. 256.      7. *De ambustionibus*,  
 p. 258.      8. *De excretionum naturalium suppressionibus*,  
 p. 271.      9. *De doloribus*, et  
 p. 277-      10. *De spasms atque conuulsionibus* in medium

279. attulisse, remediorum delectum subdidisse, nihilque intactum reliquisse, quod memoratu dignum vel factu opus esse videretur. Sed nota cuius medico silentio praeterimus, ne cramben bis coctam recoxisse perhibeamur.

De reliquo Cl. SCHERFF suo munere bene functus sine dubio est, et si quid monendum vel redarguendum putes, hoc fere in eo consistit, ut alicubi popularem orationem, breuitatem et concinnitatem desideres, alicubi patrii sermonis puritatem. Sed haec vitia absterget, ni fallimur, noua editione.

#### XXXIV.

MARCI ANTONII PLENCIZ, Med. Vindobonensis, tractatus de scarlatina olim cum aliis eiusdem operibus, modo vero separatim et ab auctore ipso nouis obseruationibus auctus in lucem prodit. Vindob. typ. Ioh. Thom. Nob. de Trattnern 1780. 8. 225 pagg.

**N**oua, sed haud aucta editio boni *de febre scarlatina* libri, in quo quae adiectae sint nouae obseruationes, ut in fronte legitur, non liquet: Nam eadem numero insunt versionis germanicae. Id vnum iam legentibus datur, ut possint hunc tractatum facilius euoluere, atque hinc doctiores recedere.



XXXV.

Mémoire pour servir au traitement d'une fièvre épidémique, fait et imprimé par ordre du Gouvernement, par Mr. MARET, à Dijon 1775. in 8. pagg. 62.

i. e.

Tractatio de febre epidemica curanda.

**E**pidemica febris putridae indolis Galliae plures regiones quum annis 1760. 1761. aliisque clade afficeret dirissima, Cl. Auctori a TVRGOTTO aliisque regni proceribus mandatum est, vt morbum exacte describeret, methodumque medendi ei maxime accommodatam hoc modo traderet, vt et rerum medicarum parum gnari huic morbo aliquo modo mederi possent. Idque hoc libro hoc modo praestitit, vt generalioribus quibusdam praemissis in altera paginae columna morbi descriptionem, in altera vero curationem traderet, modo primo quidem intuitu facili, verum semper, quum peculiaris morbi symptomata peculiarem tractationem ut plurimum, rite cognita causa, haud requirant, ambiguo, et homines in rebus medicis parum versatos dubios subinde de medicina eligenda reddente.

Omnes morbi epidemici ex Nostri sententia, aut inflammatorii, aut putridi sunt, epidemiarumque diuersitas ex horum characterum generalium varia complicatione pendet. Plurimi morbi epidemici in agris grassantes putridi sunt (inflammatorios morbos tamen ruricolis, ob constitutionis robur, quo urbium incolae maxima ex parte sedentarii destituuntur, frequentiores putassem, quod et, in Germania saltim, experientia probat; morbi epidemici tamen non aut non mere inflammatorii longe frequentiores mere inflammatoriis ubique,  
 terris

terris forsan frigidioribus exceptis, obseruantur.) Morborum epidemicorum species, quum a particulari aegrotorum dispositione pendeant, infinitae sunt, adeoque non opus est, vt quaeuis speciali nomine insigniatur, multis confusionibus et peruersae subinde tractationi ansam praebente. Morbus, quem Noster obseruauit, duplex fuit, aut putridus nervosus, aut putridus catarrhalis. Nunc morbi putridi nervosi historia sequitur, eique medendi methodus adiecta. Morbi prima symptomata a materia praeternaturali in ventriculo collecta orta sunt, virium videlicet iactura, nausea, vagique horrores. Febris primis diebus tertianae simplicis aut duplicatae typum seruauit, postea vero semper continua, ex remittentium genere euasit. Eam vehemens horror praecessit, eaque cum insigni articulorum, renum, capitis dolore, dolorifica in ventriculi regione sensatione, nausea, calore omnia symptomata augente coniuncta fuit. Pallida facies, oculi rubicundi lingua sicca, rubra cutis calida siccaque, pulsus paruus, frequens, irregularis fuere.

Secunda febris periodus ab eo tempore fuit, quo febris continua facta est. In ea dolores ventriculi, capitis, nausea, caet. perdurauerunt, facies profunde rubra, oculi rubri, lacrymantes, lingua sicca, colore nigro praedita, muco viridescente obducta, tremula, dentes squalidi, exspiratio laboriosa, suspiriosa, urinae paucae, aurantii coloris, cutis sicca, calidissima, pulsus parum frequens, inaequalis fuere. Haec periodus per quatuor dies durauit.

Tertiae periodi symptomata oculorum rubor, squalor, dentium nigredo, linguae rubor, ficcitas, omnium internarum oris partium profundus rubor, aphtae, difficilis deglutitio, odoratus iactura, laboriosa vehementer respiratio, omnium excretionum mirus languor, dolor calcanei intensius, sopor, deli-



delirium, virium insignis iactura, insensibilitas, exanthemata cutanea pulicum morfibus similia, violacea subinde, cutis sicca fuere. Ad finem huius periodi alius copiose nigra, flauaque deiecit, pulsus conuulsius et intermittens euasit.

Quarta periodus intra nonum vsque ad decimum quartum diem incipit. Virium defectus pertinax, sopor, delirium, auditus acer, facies liuida, oculi rubri, fixi, squalidi, lingua fauces palatumque sicca, nigra, maxillae inferioris pertinax spasmus, colli inflammatio, deglutitionis difficultas, strepitus in pectore inter potandum, singultus, anima foetens, cadauerosus totius corporis odor, sudor pinguis, ventris inflatio, alui fluxus niger, foetidissimus, copiosissimus, aut sanguinis ex intestinis aut ex naribus, aut aliis ex corporis locis profusio, vrinae parca quantitas inuoluntarie profluens, dentium subsultus, conuulsius totius corporis rigor, pulsus irregularis, contractus, frequentissimus, parotides, bubones, ex quibus suppuratis salus aegris fuit, — mors; eius praecipua symptomata fuerunt.

Altera sectio morbi putridi catarrhalis descriptio traditur. Iam in neruoso putrido morbo pectus ut plurimum laesum fuit, ita tamen, ut aegri stupidum tantum eius dolorem sentirent, et profunde spirarent: hoc morbo autem dolores vagi in pectore, respirationi magnam vim inferentes intensiores tussis frequens, sicca, sputa spumosa, sanguine remixta fuere. Morbus per sputa mucosa, crassa, ex albo flaua, et per vrinam solutus est.

Sanationem morbi quod attinet, medendi methodus a Cl. Auctore commendata euacuans primum, postea autem putredini aduersa et neruis amica est, plura tamen in ea sunt, experientiae Cl. virorum haud consentanea. Sic plethoricis iisque, quibus plenus pulsus est, venae sectionem commendat,

dat, in his morbis TISSOTO, praeclare notante, aliisque plurimis, tristi, quem obseruarunt, euentu probantibus, maxime et semper paene damnosam. Sic tribus, aut ad summum quatuor libris herbarum, hordeiue decoctionis, ab aegris *per totum morbi decursum potandae*, duas *butyri recentis* vncias adlicere iubet, quod idem paene est, ac si oleum igni addi iussisset; sic frigore febrili perdurante, a putrida massa in primis viis haerente, productio bolum commendat, ex dimidia *theriacae* drachma, cum *viperarum puluere* confectum, sic ad ventris purgationem medicamentum suadet, cui *ialappae radix* admixta est. (haud impune, TISSOTO monente, aliisque, in putridarum febrium accessibus alvus, et leuibus medicinis, subinde ducitur, ob *diagestionem* nullo modo cohibendam subinde subsequentem, et si demum purgationes ex fortiter irritantibus medicinis ab aegris assumuntur, iustus utique metus est, ne medici in prudentiam morte aegrotantes luant) Sic in altera morbi periodo, vbi putredo iam inualuit, ad vomitus citandos vinum emeticum *HUXHAMII*, incertam semper, et, *quod vidimus*, maxime noxiam subinde medicinam, si ab incautis incaute sumitur, cui tartarus emeticus longe praeferendus est, suadet; sic ad aphtas in ore praecauendas radicis althaeae decoctionem (cortex praestitisset!) commendat; sic in tertia periodo morbi kermes minerale (quid hoc efficiet, in morbo iam putridissimo, pectore ut plurimum parum affecto? Putredinem certe augebit) cum camphora, et liquiritiae succo in bolum confecta *loco euacuantis medicinae*, quum alias omnes aegri non ferant, praescribit.

Acida mineralia in morbo putridissimo parcissima dosi, ut aqua iis modice acida reddatur, et tunc tantum, si calor vehemens nimique sanguinis mo-

tus



tus metus est, commendat, Peruvianumque corticem ad tertiae denique periodi finem, „*eo in casu*, p. 18. „*ubi extrema virium deiectio, sensibilitas, aut insensibilitas summa, necessariam virium erectionem indicant, et ad putredinem inhibendam, tam parca dosi commendat, ut certe parum praesidii a diuino hoc medicamento expectari possit.* Loco corticis Peruviani et camphoram, cum vitello oui (!) solutam, theriaca adiecta (!) suadet.

In quarta periodo, putredine summa existente, vesicatoria *multiplicanda* suadet, (ad putredinem augendam, sine dubio; multiplicata enim vesicatoria eam certe non arcent, non corrigunt) multaque alia eiusdem farinae commendat, nulli prorsus indicationi satisfacienda, et putredinem, morbum, vitaeque periculum ex morbo augentia.

Legentibus nobis morbi descriptionem bene et dilucide elaboratam, et de bono libro, in vulgi usum conscripto, laetis, bilem mouit incerta illa, inconcinna, inefficax, et ex magna parte non ad cohibendum morbum, non ad vitam ciuium seruandam, sed ad augendum morbum apta, immo aptissima methodus, quam *regiminis iussu*, ad ciues seruandos, utque et inexperti rerum medicarum, sibi ipsis medicinam contra hunc morbum facere possint, ut *indocti discant, et periti meminisse ament*, in publicam lucem emissam ab Auctore, ceteroquin Clarissimo, vehementer dolemus.

### XXXVI.

Mémoire sur l'usage où l'on est d'enterrer les morts dans les eglises et dans l'enceinte des villes, par Mr. MARET, à Dijon 1773. in 8. pagg. 67.

i. e.

De consuetudine mortuos in templis et intra urbium moenia sepeliendi, auctore Cl<sup>o</sup> MARET.  
*Tertiae Decad. Suppl. III.* N n Mor-

**M**ortuos in templis et intra urbium moenia humani consuetudo quum in Gallia nondum exoleuerit, imo magis magisque inualescat, Noster damna huius consuetudinis ratione primum hoc modo probare annisus est, ut ignem centalem in terra esse, eum in corporibus terrae mandatis effervescentiam et fermentationem accendere, huiusque effluvia in aërem efferri, hominibusque in eo viventibus pro varia illius qualitate, motu, cet. communicari asserat.

Animalium autem mortuorum effluvia copiose in aërem elata morbis plurimis, dirissimis, maxime contagiosis, pestilentialibus ansam dedisse, Noster ex exemplis plurimis probat, posteaque morborum plurimorum et mortium adeo exempla plura affert, ex sepultura humanorum cadauerum in templis ortorum.

**p. 22.** In templis autem plura conferunt ad periculum viventium ex sepultis in iis augendum, caeuae non satis profundae, ut earum aëri omnis cum externo aëre communicatio prohibeatur, frequens sepulcrorum, inprimis eorum, quae familiis quibusdam propria sunt, apertura, aër templorum humidus, iners, parum motus, ipsaque adeo templorum structura, aëri inprimis septentrionali omnem aditum prohibens, portarum angustia, caet.

Ex hac forsan aëris pessime infecti inhalatione morbi maligni putridi pendent, magnarum inprimis urbium incolis maximas clades inferentes, quod et ipse Cl. Auctor ex exemplis pluribus probat, lectu dignissimis.

**p. 39.** Historia demum consuetudinis mortuos in templis sepeliendi traditur, et ex effatis S. Patrum, conciliorum actis, et ex legibus eum in finem latis manifeste probatur, in coemeteriis tantum humana cadauera humata priscis temporibus, et nostris humananda



manda esse. Ingens quoque, immo summum periculum ex apertura sepulcrorum est, in quibus cadauera putredine nondum consumta continentur: quumque hoc saepius accidere solet, de tempore Noster quaerit, ad humanum cadauer penitus per putredinem destruendum necessario. Id tempus duos annos excedere asserit, nos vero in frigidiori Germanorum coelo saepius obseruauimus, vix decem annos ad plenariam carniū destructionem sufficere, inprimis vbi solum, cui cadauera mandantur, aquosum valde est, in quo carnes subinde, vt nos pariter vidimus, per XV annos durant. Hinc sapienti admodum lege in quibusdam Romani imperii ditionibus cautum est, ne sepulcra ante decimum, aut saltem octauum annum iterum aperiantur.

Tandem de coemeteriorum intra vrbium moenia noxis agitur.

### XXXVII.

Mémoire sur les moyens à employer pour s'opposer aux ravages de la variole, adressé à ses concitoyens par Mr. MARET, à Paris 1780.  
8. 158. pagg.

i. e.

De his, quae ad variolarum cladem auerruncandam proficua sunt.

**P**rimum de physicis adminiculis ad variolosi veneni susceptionem praecauendam Noster loquitur, de sanguinis ex funiculo vmbilicali expressione, quam inutilem putat, et de celebratissimis remediis a BOERHAAVIO aliisque ad hunc finem excogitatis.

Variolas Arabum temporibus primum apparuisse Cl. Viro dubium videtur, quum partim in Graecorum monumentis, partim et in historiogra-

phorum Gallorum antiquissimis operibus loca pro-  
stent, in quibus de variolis sermo esse videtur. Ne-  
que, quamvis contagiosus morbus sit, ex solo con-  
tagio nascitur, verum et ab aliis causis accenditur,  
aëris singulari qualitate caet. et vt contagium pro-  
pagetur, aliarum causarum concursus semper ne-  
cessarius est. Nec in omni suo decursu variolosi  
morbi eo affecta corpora variolosa miasmata exha-  
lant, sed suppurationis tantum exanthematum  
tempore; attamen contagium et hoc tempore, quo  
nulla variolosa effluvia e corpore manant, in alios  
propagatur. Nec semper, quamvis exempla pro-  
stent, variolosum contagium immediate agit, sed et  
mediate saepius, corporibus per aërem infectum  
communicatum. Plurima simul de modo, quo mor-  
bida miasmata in aërem efferuntur, in eo dissipantur,  
caet. et de aëris qualitatibus, contagiis morbi-  
dis propagandis maxime opportunis, proponuntur.

P. 55. Physice itaque variolarum extirpatio vix possi-  
bilis est, nec moralis illius possibilitas maior est.  
Exempla enim, quae in extirpationis fauorem addu-  
cuntur, ignis St. Antonii, leprae, caet. nihil pro-  
bant, et pestis etiam longe alia, quam variolarum,  
ratio est. Quum autem viae, per quas variolosum  
miasma aliis communicari solet, tam variae sint,  
iam ex hac varietate intelligi potest, quam difficul-  
ter homines ab eo possint praeservari. Sanorum  
autem praeservatio in eo consistit, vt omnis eorum  
cum aegris communicatio caueatur, vt omnia, quae  
ab aegris aut contacta, aut alia variolosi veneni  
communicatione foedata sunt, diligenter purgen-  
tur, libero aëri per longum tempus exponantur, vt  
linteorum inprimis, per quae facillima communi-  
catio est, diligentissima purgatio instituatur. Quae  
autem omnia vt diligentissime ab omnibus obser-  
ventur, nosocomia pro variolosis instruenda sunt,  
in



in quae omnes variolis affecti inferendi sunt, et quum variolosus morbus contagiosus tantum euadat, variolosis exanthematibus suppurantibus, sat temporis restat, vt omnis cura ad contagium aliorum praecauendum adhiberi possit.

Verum et haec parum valent, quum nosocomia vix hoc modo instrui possint, vt omnes hoc morbo affectos, saeuiente eius epidemia, capiant; nec facile varioloso morbo affectae regionis omnis communicatio cum aliis caueri potest. Si omnes, qui terris in hoc orbe praesunt, communem operam ad hunc morbum arcendum impenderent, illius perfecta extirpatio merito expectari posset.

In hac insigni omnium difficultate, quae ad variolosi veneni extirpationem tentari possunt, omnis hominum cura in eo versata est, vt mitior morbus redderetur, vtque hoc tantum tempore homines inuaderet, quo maxime salutaris eius exitus expectari possit. Quem in finem variolosi veneni artificialis communicatio inuenta est, eiusque duplex modus, per *cohabitationem*, quo arctiori commercio cum aegris sani varioloso miasmate inficiuntur, et per *insitionem* excogitatus est.

Insitionis commoda exoptatissimique successus nunc vltcrius et prolixè, ad eius aduersarios coarguendos, recensentur. Haec autem iam ex TISSOTI aliorumque libris plurimis ad insitionem variolarum commendandam conscriptis nota sunt.

### XXXVIII.

De sensibilitate ossium morbosa, consensu Exper. Fac. medicae, praeside ADOLPHO MURRAY, M. D. anat. et chirurg. Prof. R. et Ord. Acad. reg. scient. Holm. soc. scient. Vpsal. Acad. Basil. Florent. Botan. et Georg. vt et Sienens. et Berol. N. C. membr. in audit. inst.

mai. d. 6. maii 1780. horis ant. et pomerid. solitis, pro gradu doctoris disputavit LAVRENTIVS BRANDELIVS, philos. Magist. V. Gothus. Vpsaliae, apud Ioh. Edman, direct. et reg. acad. typogr. 4. pagg. 26.

- P**rimo quaedam de sensibilitate in genere proponuntur, doceturque, quantum discrimen positum sit inter statum sanum et morbosum partium, in quibus eadem disquiritur, idque inprimis mutatione telae cellulosae morbosa declaratur, si eadem
- p. 6. acri succo turgescit, nervosque in vicinia v. c. partium ligamentosarum dispersos vel nudiores reddit, vel arctius alligat, vel ipsa substantia morbosa quasi velat et includit; neque improbabile videtur, ipsam telam cellulosam, fibrillas tenuiores nerueas in fasciculos colligentem, simili modo turgescere atque indurari posse, quod probat exemplum nervi post ischiadem nervosam triplo crassioris a Cl. Auctore inuenti. Ex qua mutatione telae cellulosae etiam argumenta Cl. MECKEL ad demonstrandam ipsius sensibilitatem refutantur. Tum propius
- p. 10. accedens ad praefixum scopum disquirit Cl. Auctor, an ossibus nervi dati sint? Horum indagationem omnino difficilem reddit mutatio continuatorum nerueorum filamentorum in adeo subtilem formam, ut nec oculis, nec tactui ulterius bene pateant: ex quo itidem patet, saepe telae cellulari, periosteo et pericranio adscriptam esse sentiendi vim, quae a reticulis nerueis, illis supertextis, proficiscitur. Sunt tamen vere exempla, in quibus
- p. 11. nervos ad canaliculos ossium deducere datur, vasa ibi ingredientia comitantes; in ossibus cranii in tuberculo occipitali nonnulla filamenta nervorum cervicalium arterias ad ipsam ossium substantiam sequuntur, quod melius omnino in humero, femore,



re, tibia et calcaneo patet. An vero neruuli isti omnes ad medullam tendant, an partim in ossium fibris ipsis dispescantur, vix definiri potest. Sensibilitatem medullae declarant experimenta instituta, et morbi eandem aggredientes, inque ea prius sensus dolorum, quam ipsa substantia ossis partiumque, quibus tegitur, mutationem passa sit. Ossa vero ipsa, licet in statu sano nerui in iis forte praesentes ita comprimantur, vt sensu non possint non carere, tamen compage hac densa variis morbis soluta, sensibilitatem omnino acquirunt, quod quidem exemplum illustrat, Cl<sup>o</sup> MURRAY Lugduni Galliae visum, in p. 17. femina carie ossis parietalis laborante, quam butyro antimonii lacte diluto tollere volebat Cl. CARET, chirurgus nosocomii primarius, quod remedium ob acerbissimos dolores et conuulsiones, quas excitabat, adhiberi non poterat; quare trepano totam corruptam ossis partem abscindere tentabat, sed hoc auxilium dolores, conuulsiones, animi deliquium producebat, et licet demum particula destructa repetita trepani applicatione ab osse sano separaretur, eadem tamen cum dura matre cohaerens et mediante excrescentia fungosa coniuncta deprehendebatur, locusque affectus vel leuissime tactus intensissime dolebat. Quis huius morbi exitus fuerit, non constitit: foramina enim trepano facta bene consolidata sunt, sed caries fungosa diutissime perstitit, donec tandem sine praegressa exfoliatione sensim cute obduci videretur, doloribus interim capitis, vt iam antea, priusquam locus affectus nudatus fuisset, factum erat, redeuntibus, quibus aegra caruerat, quamdiu vlcus apertum fuerat. Ast non in omni quidem carie ossium sensus iisdem inest, sed in quibusdam tamen eius speciebus certissime, p. 20. me, praecipue in scorbutica, venerea et cancrosa: dolent etiam granula carnea vel papillulae ex superficie

- perficie ossium denudatorum, vel sub frustulis cariosis et ex rimis corroforum ossium efflorescentes, neque ex contextu celluloso et periosteo os cingente, sed ex ipsa structura ossium provenientes, atque successu temporis in os ipsae transmutandae.
- P. 22. Sentire porro ossa emollita, docet dolor sub ipsius huius morbi principium praesens. Huc referatur dolor osteocopus venereorum tophorum comes, qui eos ab exostosis benignis, saepe multo maioribus, at sensu carentibus, distinguit. Cur vero subtiliores nervi, in substantia ossis dispersi, sensus facultatem a comprimente textura ossium non penitus perdant, sed remota hac causa, recuperent, et tunc quidem maiori in gradu ostendant, quam a minutis adeo fibrillis expectari posset? vix definiri adhuc poterit, licet phaenomena in aliis morbis ostendant, in partibus inflammatis diuque irritatis sensibilitatem nervorum augeri. Suspiciatur inde
- P. 24. Cl. Auctor, nervulos istos ab acredine quadam laceratos demumque corrosos in fungulos quasi excreescere adeoque superficiem maiorem acquirere posse, quae ideo maioris sensibilitatis capax fiat.
- P. 25.

### XXXIX.

Indicis in SWIETENII commentariorum tomos quinque supplementum, continens res notatu maxime dignas in commentariis repertiundas, realis indicis vices supplens et observationes indicans, in proprios usus confectum, nunc vero publici iuris factum a IOANNE ADOLPHO GLADBACHIO, M. D. Sereniss. Principis Anhaltino-Serueftani a consiliis aulicis, aulae medico et physico, ut aiunt, forensi, L. Bat. apud I. et H. Verbeeck et I. Douzy, bibliopolas, 1776. 4. pagg. 231. praeter praefationem et catalogum librorum.

Mira-



**M**iraberis fortasse, dicit Noster, apparitionem huius supplementi, eamque superfluum iudicabis, cum index iam locupletissimus tomo horum commentariorum quinto \*) annexus sit. Sed compares quaeso eum meo cum supplemento, videbis priorem ab ultimo differre. Ille enim res in omnibus quinque tomis reperiundas breuissime recenset, hoc fusius illas explanat. Praeterea adnotauit Noster observationes, ad probandas rationes a SWIETENIO maximo iudicio positaе, in hoc suo supplemento, quod in indice priori non factum est. Grates itaque profecto Cl<sup>o</sup> GLADBACH sunt habendae pro magna solertia atque accuratione, quibuscum hunc utilem indicem suum effecit.

XL.

**Table alphabetique raisonnée des trente premiers volumes du Journal de Médecine, rédigée par ANDRÉ MARIVS LALLEMENT, Docteur en médecine de l'Université de Montpellier, Médecin - Conseiller du Roi des villes d'Epernay et Chatillon sur-Marne, à Paris, chez Vincent, imprimeur libraire rue des Maturins, hôtel de Clugny. MDCCLXXIV. 8. pagg. 518. praeter praefationem.**

i. e.

**Index alphabeticus rerum, quae in triginta prioribus voluminibus diarii: *Journal de Médecine* cet. continentur, auctore A. M. LALLEMENT.**

**C**eleberrimo quondam B. VANDERMONDE \*\*) mortuo, qui hoc diarium medicum Franco-Gallica lingua conscriptum ab initio rexit, quod

N n 5

quidem

\*) vid. comm. nostr. Vol. XIX. p. 72.

\*\*) vid. ib. Vol. IX. p. 169.

quidem integrum in his commentariis \*) est indicatum, AUGUSTINVS ROUX \*\*), etiam e viuis ereptus, eius continuationem in se suscepit. Cuius quidem morte subsequente Cl<sup>i</sup> Viri DUMANGIN et BACCHER \*\*\*) huius operis periodici curam hactenus gerunt. Index itaque, quem hic indicamus, attinet triginta priora volumina huius diarii, quem Cl. LALLEMENT cum viris eruditis hic communicat. Ac primum quidem complectitur breuem descriptionem singuli tractatus, dein librorum, quorum breuem recensum hoc diarium complectitur, notam per asteriscum dedit.

Finit hunc indicem catalogus medicorum, chirurgorum, pharmaceutarum, aliorumque, qui suas huic diario inseruerunt obseruationes.

#### XLI.

Supplementum indicis scriptorum physico-medicatorum, quae anno 1777 prodierunt.

*Medicinische Commentarien von einer Gesellschaft der Aerzte zu Edinburg, 3ter Theil, 3tes und 4tes Stück. Altenburg. 8.*

*Der Naturforscher, 11tes Stück. (v. comm. nostr. Vol. XXIII. p. 640.)*

*Physikalische Bibliothek oder Nachricht von den neuesten Büchern, die in die Naturkunde einschlagen, 4ter Band, Göttingen. 8.*

*Lehrbegriff sämtlicher ökonomischer und Kameralwissenschaften, 3ter Band, Mannheim. 8.*

*Nützlicher und getreuer Unterricht für den Land- und Bauersmann auf das Jahr 1777, oder fortgesetzter*

\*) vid. comm. nostr. Vol. VI. p. 451: vbi primus tomus indicatus est, reliqui in subsequentibus horum commentariorum voluminibus.

\*\*) vid. ibid. Vol. XXIV. p. 366.

\*\*\*) vid. ibid. Vol. XXII. p. 724.



*setzter allgemeiner landwirthschaftlicher Kalender.  
Achter Jahrgang, Stutgard. 4.*

*Der patriotische Landbader, oder kurze Abhandlung  
von den verderblichen Früchten der Wollust und  
Geilheit, sammt der besten Curart der venerischen  
Krankheit unter dem Landvolke, München. 8.*

*Instruccion etc. d. i. Anweisung, wie man den Er-  
trunkenen und Erstickten zu Hülfe kommen müßte,  
auf Befehl des königl. Hospitals zu Saragossa, Ma-  
drid. 8.*

*Abhandlung von der wahren Ursache der Krankheiten  
und der sichersten Art, sie durch ein einziges Mit-  
tel zu heilen, von IOH. CASP. VON AILHAUD.  
Aus dem Französischen übersetzt, Strasb. 8.*

STANH. BAGNES *diff. de hypochondriasi. Edinb. 4.*  
CONRAD. BELLY *diff. sistens physiologiam planta-  
rum, ib. 4.*

Om Chemiens nyaste framsteg, af TORB. BERG-  
MAN, Stokh. 8 mai.

*Pensieri intorno a vari soggetti di medicina fisica  
e chirurgica, e di storia naturale; tre dissertazioni  
dell Dottore FRANCESCO BERLINGHIERI, in  
Lucca. 8.*

I. A. BRAMBILLA *zwo Abhandlungen über den nütz-  
lichen und schädlichen Gebrauch des Oxycrats und  
der trockenen Karpey in der Wundarzney. Aus  
dem Italienischen. Wien. 8.*

A. BRUCHHAUSEN *institutionum physicae Pars al-  
tera, Monaster. 8.*

C. F. BUTZOW *de iis, quae homines contagio pesti-  
lentiali magis obnoxios faciunt, L. B. 4.*

DAV. CAMPBELL *diff. de musices effectu in dolori-  
bus leniendis aut fugandis, Edinb. 4.*

*Monument élevé à la gloire de Pierre le Grand, ou  
relation des travaux & des moyens mechani-  
ques, qui ont été employés pour transporter,  
à Pe-*

- à Petersbourg un Rocher de trois millions pesant, destiné à servir de base à la statue équestre de cet Empereur; avec un examen physique & chymique du même rocher. Par le Comte MARIN CARBURI DE CEFALONIE &c. Paris. fol.
- FR. CLAXTON de haemorrhoides, Edinb. 4.
- Anhang zu D. DANIELS medicinischen Gutachten beygefügtter Abhandlung von einer siebenmonatlichen Misgeburt, welche die Beantwortung der Göttingischen Recension enthält, von D. DANIEL, Leipzig. 8. (v. comm. nostr. Vol. XXIII. p. 480.)*
- IOS. DANZENS Entwurf einer theoretisch-praktischen Naturlehre, Augsb. 8. m. K.
- Anleitung zu der Bergbaukunst nach ihrer Theorie und Ausübung, nebst einer Abhandlung von den Grundsätzen der Bergkammeralwissenschaften für die kaiserl. königl. Schemnitzer Bergakademie von E. T. DELIVS, Wien. 4. (vid. comm. dec. III. Suppl. II. p. 318.)*
- Verzeichniß und Beschreibung der sämtlichen in den Fürstlich Oranien-Nassauischen Landen wildwachsenden Gewächse, von C. H. DÖRRIEN, Herborn. 8.*
- C. F. ENKE super quodam IO. BODINI loco de medicorum dignitate. Lips. 4.
- FRANC. XAV. EPP Abhandlung von dem Magnetismus der natürlichen Elektrizität, Leipz. 8.
- VON FISCHER Abhandlung von dem hohen Alter des Menschen, Stufen, Krankheiten desselben und den Mitteln zu demselben zu gelangen. Aus dem Lateinischen von T. T. WEICHARD. Leipz. 8. (Hic liber in Germanicum sermonem etiam anno 1762 est translatus et Halae prodit in forma octavae. Latinum librum v. comm. nostr. Vol. V. p. 142.)
- Praktische Pferdearzneikunst, oder der durch lange Erfahrung sicher kurirende Pferdearzt, von I. A. GAAB, herausgegeben von G. I. FLEISCHER, Leipz. 8.*
- Formulae medicamentorum selectae; or prescriptions



ptions of the most eminent Physicians for various diseases, by EDWARD FOK, London. 4. (*Libet nullius pretii.*)

CHR. WILH. GESNER de generatione puris, Ienae. 4.  
An experimental system of metallurgie with general remarks and explanations. By I. H. LAMPE, Lond. fol.

JO. HEYSHAM diss. de rabie canina, Edinb. 4.

Unterricht von dem Kollegium der Aerzte in Münster, wie der Unterthan bey allerhand ihm zustoßenden Krankheiten die sichersten Wege und die besten Mittel treffen kann, seine verlorne Gesundheit wieder zu erhalten, nebst den münsterischen und Medicinalgesetzen entworfen, durch E. L. HOFMANN, Münster. 8.

J. A. KRETZSCHMAR Vergleichung der drey gewöhnlichen Thermometer, des Fahrenheitischen, Delileschen und Reaumurischen, sowohl durch Rechnung als Verzeichnung, Leipzig. 8. (Addita est tabula, quae haec tria thermometra FAHRENHEIT, REAUMUR et DE L'ISLE, eorumque comparationem sistit)

EDM. LAYCOCK de spiritu seu de aëre in cauum thoracem recepto et inde eiecto, Edinb. 4.

ALEXANDR. L'ENAN de morborum seminiis, Edinb. 4.

H. P. LEVELING diss. de pyloro carcinomatoso. Resp. Io. Nep. Kollmann, Ingolstadt. 4.

ER. GUSTAV LIDBECK diss. de moro alba. Resp. J. H. Engelhart, Lund. 4.

JAC. MACKNIGHT diss. de variola, Edinb. 4.

ANDR. MEASE diss. de cynanche tracheali, ib. 4.

FR. ANT. MEIER diss. de partu difficili et laborioso ob angustam nimis et depravatam peluim. Argentor. 4.

JAC. MELLIAR diss. de asthmate spasmodico. Edinb. 4.

ELL. BVTT. METFORD diff. de cholera, ib. 4.

I. D. METZGERS *Grundriß der Physiologie zu Vorlesungen bestimmt*, Königsb. 8.

Enumeratio plantarum indigenarum Hassiae, praesertim inferioris, secundum methodum sexualem dispositarum a CONRAD. MOENCH. Pars I. Cassellis. 8.

IAC. MURRAY diff. de phthisi pulmonali, Edinb. 4.

A general history of Stirlingshire with the natural history of the shire by WILL. NIMMO. Lond. 8.

NIKOLAS *Handbuch für angehende Wundärzte, welches alle anatomische, physiologische, praktische Gründe zur Bildung rechtschaffener Wundärzte erklärt etc. 1ster und 2ter Th. Augsb. 8.*

C. A. PAUL diff. de ancylosi, Argentorat. 4.

IO. AD. PÖLLICHII historia plantarum in Palatinatu Electorali sponte crescentium incepta, secundum systema sexuale digesta, Tomus tertius et ultimus, Manheimii. 8.

*Etwas für Liebhaberinnen der Reuterey* von I. G. PRIZELIVS, Leipzig. 8.

IO. MATTH. DE ROEHR diff. de boracis et salis sedatiui origine et usu, experimentis illustrato. Groning. 4.

EBERH. ROSENBLAD diff. de fetus per pedes educatione. Resp. \* \* KRAAK, Londin. Gothor. 4.

EIVSD. diff. inaug. sistens casum paedarthrocaces. Resp. Casp. Trendelenburg, ib. 4.

C. G. RVDOLSTAEDTER diff. sistens nonnullos morbos ex abundantia sanguinis oriundos, Helmstad. 4.

L. P. SCHROETER diff. inaug. descriptionem anatomicam duorum vitulorum bicipitum et coniecturas de causis monstrorum exhibens. Resp. et Auctore B. C. Faust, Rintel. 4.



- C. F. SCHVBERT de fero lactis recte praeparando, Lips. 4.
- IO. SCHWAB lapides in ordinem systematicum digesti. Resp. I. Nicol. de Stenzel, Heidelb. 4.
- L. C. SEGER diss. de febribus intermittentibus sub finem aestatis loco dysenteriae grassantibus, Helmstad. 4.
- IO. SHORE diss. de fluore albo, Edinb. 4.
- G. F. SIEGWART diss. sistens arthritidis rationem et curationem singulari casu illustratam. Resp. C. F. Schöffler, Tubing. 4.
- I. R. SPIELMANN diss. sistens historiae aëris factitii partem medicam. Resp. et Auctore Io. Fr. Corvino, Argentorat. 4.
- P. N. SPRENGELS *Handwerke und Künste in Tabellen, mit Kupfern. Fortgesetzt von O. E. Hartwig. Funfzehnte Sammlung, Berlin. 8.*
- TH. RVDD STEVART diss. de apoplexia, Edinb. 4.
- DAV. STVART diss. de mania, ib. 4.
- C. H. WILKENS diss. de calculis biliariis, Argentorat. 4.
- CLIFT WINTRINGHAM'S experimental enquiry on some parts of the animal structure. second edit. Lond. 8.
- IOS. WISMER diss. de consuetudinis effectu in corpus humanum, Vindobon. 8.
- HENR. WOOLCOMBE diss. de hysteria. Edinb. 4.
- WÜRTZ de affinitatibus virtutum medicamentorum (v. comm. nostr. Vol. XXIII. p. 252.)

Contenta in hac parte.

I. Médecine veterinaire par Mr. VITET Tomes III	p. 387
II. Hippocratis aphorismi, latine versi ab I. B. LE FEBVRE	413
III. Delectus dissertatt. Ienens. Vol. I. collegit C. G. GRVNER	422
IV. Composition du remede de Mr. DARAN	424
V. Teoremas para examinar aguas minerales por ANT. CAP- DEVILA	427
VI. ANT. GVIL. PLAZII orationes quaedam	429
VII. C. G. POETSCHENS <i>mineralogische Beschreibung der Ge- gend um Meissen</i>	431
VIII. Epistola anatomica de venis oculi, auctore I. G. WALTER	434
IX. GOTTL. KONR. CHRIST. STORR <i>Entwurf einer Natur- geschichte</i>	436
X. IDEM <i>über seine Bearbeitungsart der Naturgeschichte</i>	445
XI. EIVSDEM prodromus methodi mammalium	446
XII. Eclogae botanicae e dictionario Bucholziano	451
XIII. Plantae rariores illustratae a BENED. CHRIST. VOGEL	452
XIV. FR. SALV. MORAND <i>vermischte chirurgische Schriften</i>	456
XV. CARL LEBR. SCHEFFLER <i>von der Gesundheit der Berg- leute</i>	461
XVI. FR. GEBHARD <i>aduersaria medica</i>	467
XVII. AD. FRIEDR. VOGELS <i>chirurgische Wahrnehmungen</i>	468
XVIII. <i>Berlinische Sammlungen VII — Xter Band</i>	472
XIX. ANT. DE HAEN praelectiones in H. BOERHAAVE in- stitt. pathol. T. I	483
XX. PET. MOSCATI <i>Beobachtungen über das Blut</i>	505
XXI. NIC. RIGLER <i>constitutio epidemica ann. 1775 — 79</i>	508
XXII. SAM. GOTTL. VOGELS <i>Handbuch der praktischen Arz- neywissenschaft</i>	512
XXIII. <i>Geschichte der Wissenschaften etc. von C. W. MOEHSEN</i>	518
XXIV. DELII <i>aduersaria argumenti physico - medici Fasc. I — III</i>	525
XXV. TISSOT <i>über die Nerven von CHR. GOTTL. ACKER- MANN</i>	530
XXVI. A. LE HAEN <i>tomus III rationis medendi continuatae editus a M. STOLL</i>	534
XXVII. <i>Voyage dans les Alpes par HOR. BEN. DE SAVSSV- RE T. I. II</i>	537
XXVIII. <i>Description des Alpes pennines par M. T. BOVRRIT</i>	540
XXIX. <i>Vorstellungen einiger Versteinerungen von C. G. SCHMIDEL</i>	543
XXX. <i>Observations sur le coucou par A. I. LOTTINGER</i>	545
XXXI. <i>Récepte und Kurarten von ERNST ANT. NICOLAI</i>	547
XXXII. <i>Anweisung bey gerichtlichen Untersuchungen visa reper- ta zu liefern von I. P. BRINKMANN</i>	551
XXXIII. I. C. SCHERFF <i>von Rettungsmitteln bey Leblosen</i>	553
XXXIV. M. A. PLENCIZ <i>tractatus de scarlatina</i>	556
XXXV. <i>Mémoire sur une fièvre epidemique par Mr. MARET</i>	557
XXXVI. EIVSD. <i>Mém. sur l'usage d'enterrer les morts dans les eglises</i>	561
XXXVII. EIVSD. <i>Mém. sur les moyens pour s'opposer à la va- riole</i>	563
XXXVIII. AD. MURRAY <i>diff. de sensibilitate ossium morbosa</i>	565
XXXIX. IO. AD. GLADBACHII <i>index in SWIETENII com- mentarios</i>	568
XL. <i>Table alphabetique des 30 voll. du Journ. de Médec. par A. M. LALLEMENT</i>	569
XLI. <i>Supplementum indicis scriptorum physico - medicorum anni 1777</i>	570